

沈雲龍教授主編

近代中國史料叢刊

第六十一輯

文海出版社
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第六十一輯

目錄

20/2129/02

羅壯勇公（思舉）年譜	羅思舉自訂
毛尙書（鴻賓）奏稿	毛承霖編
劉中丞（芝田）奏稿	劉瑞芬著
養雲山莊詩文鈔	劉瑞芬著
陸州存藁（增：臺垣疏稿）	丁壽昌著
漸西邨人初集	袁昶著
學壽堂日記	徐紹楨著
陸軍行政紀要（民國五年六月）	陸軍部編
陸軍行政紀要（民國九年三月）	陸軍部編
國民參政會川康建設視察團報告書	國民參政會川康建設視察團編

羅壯勇公年譜

像贊

巴將桓桓維公絕倫虬鬚虎眉玉立長身孝侯之忠與
霸之威遭遇龍變翼雲而飛勦寇川楚

帝賚爾庸開府白旄作鎮三邦賊畏其名人服其勇聞
里晏然不慙不竦受爵輕車晉秩公孤神授黑旗與公
先驅漢有馮岑唐之爽鄂勒銘丹青以配麟閣

東鄉縣志

嘉慶

年知縣徐陳謨修

重慶鎮總兵羅思舉膽力過人自幼不拘小節嘉慶元
年教匪起因慷慨從軍將軍明亮見而奇之時賊據玉
皇觀豐城等處焚掠勢甚熾思舉乘夜攀崖入賊壘縱

火燒其藥繩器械焚斃無算生擒首逆廖廷賢給千總
賞戴藍翎五年從擊賊淨土寺尾斃首逆孫老五斬
獲千餘名賞奉委以五人探賊突遇賊數千思舉慮不
能脫急令其五人悉受縛僞爲賊虜得者賊情平處其
人思舉始以方需人前往背所掠之物約與同行共脫
免五年以剿賊隣水風火場開縣安樂坪思舉皆最功
五年追賊至江油馬啼崗石門寨新店子等處生擒冉
添元雷士旺孫老六叅贊德楞泰奏換花翎轉陝西都
司六年斃賊首張仕龍仕虎於通江鎮溪河僞元帥王
泗虎陳天奇于奉節長嶺捷書屢聞 上奇其勇給

蘇勒方防巴圖魯名號旋以擒王三昆尙老入于開縣
加擔灣功擢遊擊七年于縣屬陳家坪擒獲張簡大甯
石柱坪擒獲唐明萬時 上勞將士之有功者 賜
思舉白玉四喜班指一箇大荷包一對小荷包四對擢
山西叅將繼擒熊老八偽總兵賈某于平利之楊道士
溝搜獲偽總兵杜春于太平三溪子晉太平協副將十
年殲斃首逆王仕貴于太平十里坪十一年十二月綏
定兵叛協力勦平十二年正月陝西瓦石坪兵叛勦之
一鼓殲擒趙文賢等一百七十餘名事聞加總兵銜十
四年改太平協移駐綏定十五年引 見記名十九年

并授甘肅涼州鎮掛印總兵官旋改重慶鎮十二月入

覲 召見三次 賜食物獎勞有加時甚榮之思舉

以義勇從征十載自偏裨歷專闖大小百餘戰共擒斬
著名首逆二十餘名所向無不克者時思舉威名甚著
賊望見其旗幟輒避走不與敵思舉度賊不交鋒不能
撲滅潛入鄉民寨改易軍號賊果疑係旁寨出擊者因
反敵思舉奮擊之斬獲殆盡又時賊蜂起有奸民結砦
自衛者無問官民過輒尾其後抄掠之大爲民害思舉
奉檄平之度其寨甚堅奸民固守不出因僞各官兵過
其下令數十人留其輜重在後餘皆伏草中奸民望見

其輜重果出掠思舉自草中突起擊之斬獲甚眾餘皆
逃散遂平其寨其戰安樂坪也山勢懸峻綿亘百里餘
賊倚險樹柵徵兵雲集進攻多失機宜思舉時官千總
位甚卑請以身先大帥壯其言許之選精銳百餘人挾
引火具夜靜逼賊壘攀藤附葛抵頭卡守卡賊皆熟睡
悉手刃之抵二卡亦如之直至三卡因風縱火喊殺賊
夢中驚起並力死拒思舉酣戰久左眼中矛傷不自知
奮呼仰攻賊危甚以後軍不繼退賊落礮燒斃者不可
勝紀各帥集視創相慰勞皆嘆服瓦石坪與太平相去
數百里聞警投牀起兩晝夜馳至乘賊未知突入大呼

日羅某來賊大驚全數就擒其神勇類如此常選精壯
一二百人投石越礮日加訓練無不以一當百嘗謂人
曰吾不擊賊心不快輒生怒聞有警卽欣然馳往盡力
奮擊勝負非所計也所轄地方時親出巡警宵小斂跡
二十年瞻對土司洛卜七力叛思舉奉檄討之三月至
軍地險固思舉領兵深入屢戰則克捷至河西不得渡
乃招誘番酋賞以銀茶等物羣番皆悅服願爲嚮導獻
橋乃得渡時洛卜七力勢窮蹙據礮固守不出思舉率
其屬各執鋏鋤冒矢石掘挖不能克因縱火燔其礮樓
洛卜七力及其家屬皆焚死羣番悉歸順瞻對平事聞

奉 旨羅思舉親歷戎行照軍功例交部議敘

羅壯勇公年譜上

東鄉羅思舉天鵬自撰

余氏羅名思舉號天鵬字子江四川綏定府東鄉縣人也生於乾隆甲申年五月初八日巳時居縣北白花平弟兄八人余行三先世居江西遷湖廣麻城縣始祖孟宗於明洪武二年來川歷今四百餘年及余已十七世矣曾祖璿祖儒選父文才俱業儒蓄有家資平素好善濟貧見不平事卽出錢代人白冤並不望報母符氏亦好施捨不數年家業蕭條余八歲時先父送在本地李先生講正謨館中讀書只念一遍余就背得寫字教認

一箇人字亦不能識先生每加痛責並指能認字的學生相形余因不守學規常在學堂設計收拾同學學生並設計戲侮先生先生見余不守學規是個怪魔指罵余日爾小小年紀作孽出人意外後來成人如學好定顯親揚名如不學好必至披枷帶鎖余不以爲然自思書背得字認不得這書是讀不成的一日又因戲弄先生恐遭毒打遂逃往三姨母家頑耍不歸一日赴山放牛行至溪邊未曾提防被水沖去十有餘里流至水深處恍惚間似有一人將我負至淺水處幸得奔上坎來此係第一次水災

次年余回家不願讀書與爺爺放牛行至邱

家壩爺爺教余將牛趕過河去余奉命至河中忽遇陡水漲發將余同牛一并沖去流十餘里不知誰家有小牛流來余卽抵着牛角底下似有人抬住送至對岸銅坑澗始奔上岸第二日有行船至始將余載回爺爺在河邊焚化紙錢見余仍在不勝歡喜

此係第二
次水災 到十歲

一日在河壩閒頑見有人在河裡洗澡伊等會水俱鳧過江去余亦下水鳧至深潭因力弱遂沈入潭底幾乎淹死恍惚間似有一人毛手冰冷將余胸口托住往上一掀卽到岸上眾人見我尙有微息將我抱住倒轉一抖吐了一瓢多水彼時昏迷蒙眾將我抬回家中養息

此三次水災 一日父母訓余曰爾遭三次水災俱獲神佑正

須自愛爲人在世務見人之事如己之事學古人忠孝節義切不可貪戾詭詐等語斯時余雖幼穉頗曉世情卽有向善之心十三歲時母氏因病溘逝弟兄繼卒四人痛傷何極戊戌年天降乾旱百穀莫收斗米二串至巳亥凶荒更甚餓莩盈途有詩云戊戌年前起爛田乾透底甌篋問簞箕何曾見顆米時余已十六歲矣看道光景萬難度日卽商同父兄攜幼弟避荒太平種地採樵營生此年十月川北高鎮臺巡閱太平宿石塘壩余荷柴往看見其執事熱鬧人皆遠望不能近前自願已

身藍縷如丐頗懷不
一個混出至張家易
余十七歲因思打柴
難出頭莫如學習武
庭訓忽遇一雲遊道
拳棒縱跳各技逐日
卽辭道人下山時余
一品等十二人敘及
仁義弟兄後巨一品
贏銀四十兩蘭客至

品拘獲余同馬二等十人預藏沖天觀見捕役鄔萬青同兵丁拘巨一品前來余等衝出將巨一品劫去各歸故鄉癸卯歲余同家收租伯父文生與三叔文秀見余不法商議將自房屋燒毀賴余父子可以冤害騙租及火發連文秀屋宇亦並灰燼遂將父子控告拘禁五月蒙縣主訊出實情將余父子釋放卽移往陝西定遠廳高橋地方打柴度日甲辰年余出外訪友途遇仁義弟兄陳際盛汪蠻馬貴詢知伊等在九打杵樊噲殿偷竊商賈銀四十兩余曰我等弟兄先前結拜之時原講仁義打富濟貧不許竊人財物致傷義氣伊等卽將銀兩

付還那商賈感謝不已正分手間見有鄉約陳魁估抬
張家孀婦爲妾余忿忿不平挺身殺傷從人將孀婦送
回繼至南壩塲瞥見楊某攜家途乏盤費賣女於周家
得銀八兩臨別母女嚎啕痛哭余睹情慘如數稱銀以
贖此女并另送銀三兩作路費某父女叩頭感謝至青
溪塲冉家口見王某向冉某索債剝冉某衣以致鬪毆
余代還錢乃解至前河峽口塲偶遇朋友因無路費不
得已乃命劫銀三十兩行至前途見一人卧地大哭問
之伊言名張有才因伊父被匡友勝扳害拘縣哀懇親
友借銀三十兩赴縣調停行至中途被人將銀奪去余

聞之惻然屬伊至僻靜處將銀全還乙巳歲余回故里
三叔言余在外多年未曾學好恐犯大案均受拖累商
議將余活埋二叔文璧不忍三叔文秀心狠將余捆綁
抬至黑林壩挖坑將我仆睡上用土掩至三更時上面
似覺土鬆余乘勢盡力拱起得出帶繩奔走遇堂兄思
行將手解開幸脫其禍時余年二十一歲矣文秀聞余
未經理斃卽鳴眾追捉復被執拘押倉廩是夜余從頂
上撬板赤身而逃因凍餒難忍夤夜至儒福家登房入
室竊銀八十兩一路週濟跛瞎殘廢孤寡貧民并買放
龜魚二次探聞儒福報案眾族叔希圖牽害凡東邑被

竊之案俱指控是余所爲差拘父與兄弟到縣余得此
信星馳回家挺身赴案父兄始釋余拘禁兩載日夜在
卡受苦一進寒獄衣食俱乏忽生一方見新來之人帶
有錄肘枷杻不能小解我卽代爲周旋每次酬錢八十
因無現錢遇發粥時獨餘一椀與余算錢五文以作利
息又見有新來之人無有坐次余卽將所枕之草一束
與之代椅每日認賃錢四十文余因此獲延殘喘叔父
文明怪余不死暗賄獄卒給錢十七串陰將我謀斃私
斷茶水余水米不沾者三日幸有唐如應悄與猪骨余
苦嚼三日又有背鐵棍王國才取穀草挽成圪搭給我

度命卽勉強咬了兩三口吞不下喉奄奄止存餘息禁
役當打病呈國才又於次日餘些米湯用葫蘆盛之私
遞與我飲了兩口草始下咽至是命已垂危延至二日
卽斃官分示獄官驗明用匣子裝我以錢三十二文雇
人將余抬至鼓樓壩安置用石板壓緊是夜三更恍惚
之間見有白鬚老人向余說爾之罪一年已滿余問公
公是誰答曰白雲是也卽懷內取出一餅似桃非桃送
余食入腹內尋甦將兩足一伸石板滾下棺蓋卽開余
翻身起來看視天上星月如晝伸手將己身一摸徧體
盡是骨頭不勝慘然卽跳城而逃走至七八里路肚內

饑餓見路傍有一菜園隨拔蘿蔔
未收女衣收一件穿在身上復將
渡口過河用蘿蔔換了一碗飯并
會朋友去了此初次
遭難丁未歲叔文
疑係是余報縣緝捕并東鄉所屬
指余控告差役又將余父同弟思
聽行路人告知卽星夜赴縣投首
令李德培將父弟釋放後魏太爺
老虎性情暴烈嚴審三十餘次非
令典史尉雷審訊亦未招承卽稟

再三嚴審矢口不認羅文明之銀必非伊行竊理應釋放魏令不允仍令嚴訊一日該員酒醉將余苦責懸帛竟日未食蒙尉太太給來飯一碗并鹽鴨蛋食之第二日典史向魏令說羅某實未偷竊懇請開釋魏令允准喚至大堂又杖責四十始放

此二次遭難

隨想受尉太太恩

後來若有好處要從重報答時年二十有四矣

乾隆四十幾年

余我至省中尉典史已故僅存伊太太及子尉鍾山已中文舉余送銀五十兩以酬前恩己酉年文

秀叔將余沈於磨灘河幸余會水得免於難乃往陝西避難行至太平石梁地方適有陝幫黃連客張義被人搶去紋銀五千兩客赴太平報案縣令鄧洪以案情重

大急出通緝嚴行捉拏獲盜數人誣余爲首徧貼賞格如拏獲案内正賊每名賞銀五百送信人賞銀二百先後獲賊二百餘人盡行收禁取役四路緝拏惟余未獲余結盟大爺陳引書忽見賞格陰懷不良往捕役周棟楊大文家送信云余在太平石梁子躲避該差以予利害非一二百人難以捉獲雇人手中空虛陳引書竟將自己田房抵當二百銀子雇人來至石梁子先與捕役周楊二人來至宅安慰復用酒將余勸至大醉搜去隨身連環刀拐子刀兩膝蓋刀各二把同鐵到頭上大針一百根用三盤大鐵鍊將余細縛天明余醒始知向陳

引書曰承大爺關照陳大慙曰此事莫怪縣官偏我甚
急我如看情卽治我罪言畢將余解往東邑縣令以係
太平之案仍令來差解太平差役恐途中攔劫不敢起
解卽將自己房產押銀二百兩雇人護送至雙河場該
處建觀音橋尙未完工詢首事知少錢二十五串隨要
差役出錢上功果不允卽卧地不行差役無奈出錢交
給會首而行至清花溪又不前進差役手執鐵鍊往前
牽扯見扯不動余向差役曰你要難爲我我就往洪巖
飛墜可將鐵繩與我搭在肩上我卽好好行走該差應
允又走五里役等又來扯鍊余隨將手杻頓斷服役來

揪扭被余用拳打退卽從小溪鳧過河去周棟等跪地大哭曰你今跑脫我等俱難生活余回思這張義失銀之案拏獲二百多人均被囚禁如余不去抵案不但案難消結卽被囚之夥均受拖斃隨向差云爾等赴縣投文余在署前等候差云你不赴縣如投文縣內要人無有我等均活不成余答是了不用多言卽翻山走捷徑小路進城在縣署門口吃酒畢那捕役始至余問伊怎麼此時纔到伊等云我的好老子幾乎把我們駭死一投文縣令卽坐堂將余帶上原告已在堂上跪到見面先打一千樹條又下一壓桿余不招復提拏獲之人質

訊這同夥三十六人供不認識縣令曰既不認識前審因何扳扯伊等均供聞羅某是個狠人疑係伊行竊審至天黑又帶至二堂叫余跪鍊不認又壓扛于令一半扎用三人壓住壓了一夜到次日未招縣令卽在公案上用飯等候復又吊拷吊起卽招鬆了又不招那縣令雖在用刑考問尙有體卹之心曰爾等竊紋銀有五干之多問實卽應正法如係你一人所搶卽招了免受大刑余仍熬刑不招縣曰將你吊起你卽供認放下又不招何故余曰因受刑不過始行供認放下本未搶奪從何而招縣主又令懸吊並令無庸放下余曰吊起難以

言諸無可供吐縣主又令放下余還是不認縣主曰爾有甚法術令人殺黑猫黑蟻鴿子等血灌至肚內以解邪法余稟請不用灌拿來卽喝幾口兩個時辰並不說話縣主又令懸吊不多時見余昏迷不醒恐吊死令其放下用冷水灌入肚內過了半個時辰醒來令其供認余以未曾搶劫那怕治死誓不認承失主見余熬刑不過卽發慈善向縣主稟稱我之銀已被劫皆係命運至此今獲之賊百般拷打實屬心酸情愿息案縣主以報案重大不允復熬刑三日三夜失主跪不過隨親筆具悔狀云前被劫之銀係夥計劉雲竊去實只五兩并非

五千因忙中多報只求完案並請所獲之人概行釋放
縣令允准開發二百餘人及余又想此劫案重大恐失
主上控將余囚禁余向諸位朋友說你等觀其動靜如
事鬆卽賣長田事急賣園後田俱答曰我等知道又給
余川費並送禁卒錢文囑其好爲伺應查監內擬斬罪
每日給米八合三勺余未定案每日只給五合不敷食
用禁犯游宏真馬樊龍黃國相劉興華劉光傳月大等
道余是個義友見余日食不敷俱幫給米糧過了一年
監內換一差役名呂鳳心腸狠毒向余索錢無錢就要
用刑扭上押牀那同夥監犯云伊是仗義之人無用毒

害要錢我等替出就是差云聞彼是箇狠人我端要收
拾狠人余曰你不收拾我還在禁內如要害我我卽逃
走呂鳳云看你如何逃法余看監牆有三丈多高上用
茨扎住隨大喊一聲你看老子走用力一縱縱上監牆
由更房跳下而走獄差稟官差派兵役五百人追趕皆
不能及一差手執牛角叉追上前來余卽停足伊至迎
面一叉余傍一躲照伊下叭哧一嘴掌隨將伊下叭哧
打歪奪過銅叉伊跪地哀求余令將身上穿的馬褂綿
袄鞋子及所帶銀錢一並脫下與余作盤費伊以手指
嘴余令伊站起照左邊打一手掌隨安起了復以大言

駭之如有朋友送盤費的只管前來伊等見余遠去俱

各回城去了此辛亥年余廿七歲事

此三次遭難後呂鳳因余逃跑即囚

禁候獲余再行釋放迨余由軍功陞授太平協而呂鳳尚在禁內隨面請縣令始得開釋余復給銀一百兩又

爲娶妻呂鳳非謝而歸

余自太平監內逃出遇眾弟兄言及會上

大爺陳引書相害之事眾弟兄俱各忿恨後陳引書因

余未招未得賞資又將自己田產賣盡搬家別處途遇

眾弟兄擒住要挖伊眼睛代余復仇余聞卽上前阻曰

我等結義之時誓不害人今眾弟兄將大爺眼目挖去

豈不害伊一家人復商共湊銀十二兩反給伊助作遷

移之資引書叩謝大哭而去余同眾弟兄行至老河口

聞同夥弟兄云此處大街上有一開店之人能知外路事情每日瞭一元寶在櫃上向人說有囉嘍子能設法竊去還另給一個市上眾人都云此寶難偷余聞之上集看視果有一寶在櫃陡生一計至茶館拿了錫壺一把行至僻靜處挖一小坑着火將錫化成元寶一樣用籬筐買次麵一担將寶藏入麵內身繫圍腰假裝買麵將担挑至舖首詢問櫃上放的是何物伊云是五十兩元寶一錠放此試囉嘍子手段余云我就是囉嘍子明白拿去還不道謝伊曰我就看你拿去乃取寶與我我故意失手墜入麵筐內將假元寶拾出曰我纔失格幾

子跌碎仍放櫃上急將麵担挑至街口空房將担丟去
換了衣服將寶一人轉一人轉走了余仍轉來行至對
門茶館站立看他待兩個時只見伊將寶一敲說不好
了此寶被賣麵啣嘍子掉去了有人趕回顧與平分那
眾人往追未獲卽各回來又行至河南山東交界之柳
家集趕會有一人下江客人身穿一裹圓皮袍行走後
足地灰往身上撲知伊腰內繫有黃金二百兩弟兄想
盜無法商余有何妙術余云此金盜不得如盜來不知
要報多少案拖斃多少人莫如顯個手段盜來你等一
看還是交還眾云使得余看會上爲首汪蠻爺帶有小

孩名小生卽問伊出過手使過花利否

此係黑語那小孩同

答使過卽令伊舞耍試試看那孩子耍了幾個說把利
腸子外半邊用劃割成月牙形將金子取出余云使得
卽是行家令伊頭帶毡帽腰繫殺猪圍腰至戲場跟住
帶金之客行走余至戲場看戲見了小生假意用條子
亂打又着腳踢說你不在肉案上應酬買賣如何看戲
小生見打卽撲至帶金客人身邊掀開皮袄乘客不備
執刀將金割下就跑時客尙不覺少時人散身輕伸手
往腰內一抹知金被割卽昏倒在地口流白沫不能言
語旁人將伊抬至寓所延醫調治余往寓中向伊伺應

之人說此病根余盡知之特來醫治隨把金子取出那
客人見是原金卽喚呀一聲挺身站起病卽全愈該處
保甲要捉余見官有人從中說這人是仁義朋友如係
偷割他就不送來切毋悞擒好人客聞之卽留住吃酒
飲畢道謝而去凡帶金子行走灰又同眾弟兄行一集
撲其身水亦然

市內有一茶館聞伊館中有一茶碗係土裡挖出使了
幾百年只有一張紙重人人都說是個寶碗裝物不壞
眾弟兄欲竊無法余生一計照樣買了一個茶碗那時
天熱同眾人赴伊館中吃茶乘人多轟鬧將買來之碗
暗與掉換藏草帽頂內隨帶頭上混出轉給會上弟兄

去了彼跟後趕來徧搜未有反向余認錯而去又行至
濮家塲有一賣棉花客賣出錢四串放在地下用籬筐
罩住伊坐在筐上向眾人說今日集上有江湖啣喫子
爾等均要留心我之錢用籬筐罩住坐在頭上如此防
備方可無失余聞之暗想此人說話甚是無理隨使會
上人腰內帶些散錢假裝走至賣花人旁將錢遺失前
面一人喊叫假意不知只往前走賣花人見錢貪利檢
拾有一文遠些將尾脊骨一拍檢那一錢余乘伊抬起
用手將籬筐一提將所罩之錢卽行偷走過後伊又賣
花三四斤收明價值將籬筐提起始知失錢壬子年行

至陝西七十二峪有一小地名叫獨河壩聞惡棍綽號包谷大王大開賭局每年放債要加五利息滾算人家田產甚至逼搶人妻女抵帳與他賭博輸了卽搶家具屋宇抵還年輕婦女搶去爲妾且附和者有四五百人并與各衙門差役兵丁朋比爲奸是以無人控告余聞之商同各位弟兄俱各驚懼不敢前往內有會弟馬貴願隨行了一夜始悉伊巢穴進內拜訪見那包谷大王滿臉橫肉眼包隆腫有一二百斤氣力一人能敵數十人伊詢來客何爲余云聞駕台好朋友又愛賭博我等俱走江湖特來拜訪伊云來客人賭銀錢是要現的余

云若無銀錢亦不進來那日開賭余二人將四五十兩銀輸盡至第二日又賭輸了那包谷大王云爾知賭博規矩否若輸至二百無銀是要拉綵子

黑語云打條子

下面乾

籬布

是吊起來

餐湯

棒棒打螺螄骨

爾懂不懂余向前答曰我們俱

是江湖人豈不知這些迷語久聞你是個朋友必講仁義因何專行霸氣那包谷大王云我不知甚麼是五湖四海亦不知甚麼叫作仁義只有錢卽是好朋友余云既是這等我在此權作一當頭請限十日有銀送來伊纔應允余令兄弟馬貴出去取銀隨向耳說你回家把幾坵長田賣了

此亦黑語卽是夜快跑追起跟弟兄前來

馬貴說不要丁寧

我自曉得但我既去恐耽擱兩日伊等必作難兄長須好言忍耐毋致受氣余曰你趕緊前去十日內定要想法結果這個惡蟲馬貴去後細想伊有數百同夥難以進身見伊有五十多歲余僅二十幾歲莫如寄拜作義子隨百般哄誘伊始允准當囑咐每日侍奉還要幫同照管家務做事總須實心時天已寒冷伊卽取皮襖令余更穿彼時朝夕伺候除害之心未嘗須臾忘懷隨想一計將煙袋嘴做成鐵嘴於裝煙時套入煙袋之上伊看見說是烟火未燃卽乘其不備向伊口內一戳就是這個主意過了數日因耳目眾多亦不好動手忽一日

包谷大王早起坐於火盆穿衣服時余生火見伊尙未扣鈕子卽向前故意將火盆掀翻火灰轟起伊不能張目隨取刀照伊心口扎入卽一縱上牆用力過猛竟跳至牆外池內伊黨各路設卡拿我余隨扮作乞人混出包谷大王巢穴誰知躍入池內周身浸濕以致染了寒病行至四川黃六壩並無有歇處卽看有一空房內有磨盤卽睡卧在此次日天明余尙睡見一老婆約五十五下前來詢余你是何處人因何事流落至此余稱避亂途中偶得疾病那婆婆聞余有病卽施惻隱留余在伊家延醫除藥調治日藥資俟我兒張德純回家再爲

償還余拜謝詢伊因何相留婆婆云那夜余得一夢見磨房盤上卧一老虎醒來卽至空房查看見爾卧在此看你氣象不凡將來必有好處是以留住調養疾病俟痊愈再爲行走余在婆家月餘病稍痊愈卽上街閒走見一賭博漢子頭戴草帽遮臉出寶恐人打了面風識破頭寶出的出門求財之寶余識破卽回向婆婆求借錢用用婆婆家內未有卽赴對門借錢二百給余余拏至賭場將錢二百押到出門上一個定子那寶官說不好出門就招一定子乃復將眾人所押之錢賠了余所押錢拏去不賠還要拏打腳踢余以病未全愈忍耐而歸

向婆婆說知婆婆說可會還手爭鬪否余曰未會婆婆
云幸未還手那人是此處一個惡蟲名叫劉瑞玉綽號
平山王不知害了多少人爾各人養息自己之病切莫
惹他余聞之痛恨已極卽想設法除害遂假向婆婆云
伊旣利害我要往別處去免受禍求借尋臘肉一方酒
米一碗并沙罐一個煨成稀飯帶走俾途中可以充飢
婆婆說臘肉我家已完往親戚家找尋一時並借臘肉
一方給余余將臘肉酒米用沙罐煨成稀飯卽拜謝辭
行日厚擾多日未能稍報日後如有好處定當酬謝隨
用草帽將沙罐蓋住二更天直往寶場而來時寶官仍

帶草帽同賭者有二百餘人卽上前悄悄立于平山王背後乘其不備卽輕輕把伊頭上草帽取棄將熱稀飯向那寶官額門倒下時天熱伊穿的葛衣一時燙倒卧地亂滾伊同夥齊喊擁捉余料難逃脫卽手執板橙打出上街打至下街東打西倒西打東倒不知傷了多少人打至一糟房門首卽跑入糟房用瓜瓢昏烤酒熱水來一人淋一人水完無法忽見草房上下三處一時火起眾人驚慌都去救火余始得從屋眼溝池沖出隨出了一身大汗疾病豁然全愈後年餘途遇賭錢朋友閒說平山王不知何人用稀飯燙壞料那倒稀飯之人難

逃羅網虧我二人上下放火那人纔得逃脫余聞之向前對二人說明伊始知卽與余結弟兄嘉慶初余在軍營接仗卒獲二人詢悉張德純弟兄被教匪裏脅忽想昔日漫壞平山王之詩會受伊母之恩敘及有子德純出外未歸以致未得會晤茲聞名姓均同密差送往伊家見母承認是伊親生之母卽給銀三百兩伊母子從此與家嘉慶八年余帶兵往伊門首經過知德純已娶妻生子矣渡漢江行至巴山林間巴州

金華石有一豪惡姓苟混名斜牽王慣竊耕牛附從者二三百人余假附入夥忽一日於三更時放火燒巢穴斜牽王猝不及防被余手刃而逃兼殺散從人將牛散放俾人收領所獲牛二百餘頭令該處失主認識領回并不受謝又遊陝西鹽壩場盤費缺乏無奈混入市集

竊銀二十七兩行至小泉壩見有母子抱頭痛哭面詢其故稱伊夫徐位被人拔害囚於西鄉縣禁需銀十兩可以解厄因家貧無銀故母子哭商余聞隨如數與之丙申夏季余回高橋聞太平縣繪圖通緝余恐被獲復過川北至趙家渡遇犯案太平越監而逃者二人故友七八人商籌同逃貴州路見有乞食二十餘人詢悉伊等乃在貴州大了山被劫之客民也余憫其困苦隨商同人湊銀三十八兩與之余過幾日行至大了山問明這山長約七十里均係高巖險嶺果有惡棍名冷貴綽號冷氣王帶同夥百餘人在該山上下攔劫商賈銀

錢貨物受害者不計其數卽同眾弟兄准備各挑竹匾担內藏夾把刀假裝客商乘夜走至山中賊果突出行劫余同眾弟痛加撲洗殺傷從人將冷氣王殺斃獲銀千餘兩錢千餘串分給附近窮民而去時同路陳際盛係湖廣漢口人邀余往漢口遊玩行至荊州府屬訪得淺灘河有一惡人姓王綽號困山王附和從惡者二三百人勢甚兇猛不知害了多少居民余聞之改名稱某混迹其中夜半乘機戕斃困山王焚毀巢穴殺散從人始除其害至漢口陳際盛向余等曰洞庭湖有一船戶名陳百郎爲害甚兇凡有客商由漢口過洞庭到長沙

買賣如搭伊船卽在湖中戕害得人財物我堂兄陳際和曾受其害幸遇人搭救未死特邀請前往除害余詢害人情形伊云百卽所撐船甚寬大每隻裝載百餘人船有三艙東西二艙置放貨物中艙坐人行至湖中於夜深時乘客睡熟用滾水從上潑擊將客商害斃棄入水中攔劫貨物銀錢余聞痛恨卽商眾兄弟買毛毡四條內帶石頭又把竹子破開將刀夾藏仍作匾担假稱過湖問明陳百卽船圓載余隨搭雇伊船只見艙內有一大鍋知是燒水之處余卽在此歇宿開行十數日船抵洞庭伊問所裝何貨余答挑絲紋銀往長沙買貨暗

聽百郎向船上夥計云今日河裏有大魚下得網余知是黑語卽令眾弟兄將匾担所藏之刀取出以作准備至三更該賊等動手用滾水潑擊我們頭頂毛毡假意求將銀子拏去饒恕性命那百郎說捉魚不放魚我等均不答應少時他們下來來一人殺一人百郎說不好今日遇江湖朋友我等難活了余隨叫弟兄上去背靠背將船頭封住過一二時不見响動就捉了幾個船夫問百郎在何處答云不知余用刀砍船陳百郎忽出跪地求饒卽將伊細綁丟至滾水鍋燙死并鍋棄於湖中至天明眾弟兄將船撐至河岸查看殺死同夥燒夫水

手四十餘人殺傷落水淹死三十餘人免害者一百三十餘人搜獲銀兩三千八百有奇均令各客認領而去復將船燒毀登岸後行至朱仙鎮遇陳際盛備述前事甚是大快又行至河南衛輝府聞有買良賣娼之人余同行弟兄均皆切齒卽商議是夜借宿娼爲名殺斃娼主放逃婦女三十多人各給銀三兩不料經別家娼主報官會派兵役拏緝此癸丑歲余二十九歲時事隨同眾弟兄各自逃走遂由西安秦嶺一帶往南山遊玩聞朋友言及各州縣捕役荼害百姓不少余聞憤甚卽派眾弟兄先赴各縣城探明惡捕姓名住址夜晚將有名

捕役暗行殺斃卽出城逃走如此者非止一縣蓋余等弟兄結義之時曾發誓不許愛人財物各存好心總是打富濟貧誅戮各縣蠹役這就是行好事也甲寅年余年三十途中聞各州縣因傷捕役案情重大派兵役千餘人四路跟緝追至陝西華州同行數十人均各逃散僅余一人遠見兵役前來捉拏勢在危急忽遇一道人卽向前求借道衣一件與我更換俾可避難那道人云不必驚慌給你蒲團背上跟我同行卽可免難少時兵役趕至問道長可曾見前走一人著某色衣服否道長回答往山下去了兵役聞聽卽往山下追趕那道長復

令同上山嶺四下瞭望并無人煙叫余隨赴松樹下見
吊地松子卽令取松子吃些道人問余知這是甚麼地
方余回不知道道長曰此爾十七年前學習武藝之終南
山也山頂有座大寺道人引余進寺卽不見了余觀寺
內有打坐者有誦經者均吃松子度日余卽藏匿寺中
自思生平無險不經無危不蹈幸逢此福地卽可以修
真入道過了一年那道長忽來諭余下山余不願去又
住十日那道長曰爾是上天差下凡閒與國家出力報
効的因爾災難未滿故引爾山中躲避今災已滿下山
自有好處若留戀在此不但上天給災與你這寺內同

道都要遭譴余聞之只得叩辭道長下山卽回陝西高橋省親行至巴州石廟塲夜得一夢夢見青泥塲河下有千百隻船滿裝是人令余押解走至山嘴廟內將人送進有一官長執簿點名收入畢剩四個大漢那官長命余上去將大頭目收服隨費盡精力出一身大汗將四人殺斃官長曰你照此行事切莫更改萬毋糟害好民如有應誅之人卽行誅戮亦毋憐憫吾五殿閻君是也爾去罷

斯時余在夢中見是黑臉鬍子言畢如風吹一般一刻不見廟宇僅見徧山是梨樹迨醒乃是一夢自思尙未除害先赴陰曹吉凶難卜途次聞白蓮教匪有起事之說會

晤眾弟兄商議如有流寇滋擾須出力報効以揚名天下仇也不報了盟也不信了即將所用擡刀拐尺一切器械盡行拋棄同至高橋父與兄弟幸俱無恙此乾隆末年閒事也次年嘉慶御極余三十有二忽聞川省教匪四路蜂起龍紹周唐大信王國賢起於耗子壩王作均孫世鳳起於五朵雲龔健起於沖天觀苟朝九冉文倚鮮大川起於巴州猫兒寨羅其清起於方山坪冷天祿王三槐起於豐城徐天德

係達州差頭
今改達縣

張詠壽王

登廷李啟倉起於達州亭子舖丁世龍方正倫張長庚起於鄖陽陳家壩林亮功口陳從德起於大寧屬老木

園擾亂地方

天威震怒簡命大臣征勦余聞之自思亂民賊子人人得而誅之兼想道長之言必有應驗卽奮志從戎力圖報國於是辭親回川行至焦家壩又聞余族中羅崇率領團練堵賊戰敗殺傷武生楊安雲愈切痛恨卽星夜奔回羅家壩住堂叔文廣家復至廩生羅思忠家日演拳棍以教團丁時王三槐帶領賊眾二萬餘人在鳳凰寨一帶搶掠前後搜山殺害百姓無數眾百姓團練計有數千於老君場山背後屯紮余前隊隨進奈承平日久義勇尙未製造軍器均各執鋤頭彎刀鎌刀揚叉斧

頭等農器抵敵亦不知打仗之法多畏縮不前余素膽
大與眾計曰我上山頂看賊勢如何賊多卽用手往後
一指以便各自逃生賊少將手往前一指你等卽上前
抵敵余卽上梁見賊匪由豐城從草平越溝而上想了
一會若往後退必自相踐踏莫如向前指之眾人一鼓
作氣必克賊眾隨往前一指眾人果作銳氣一齊沖上
賊見湧來又不能退均執農器層層朝下迎敵人人爭
先奮勇賊匪不能抵當卽壓下去眾勇跟追殲匪千餘
人復用石頭往下拋打打死賊不計其數該賊等僅剩
數千餘人各自四散逃竄我們得獲勝仗并獲賊人遺

棄財物及騾馬牛隻無算眾人向余曰爾等過於胆大
幸遇賊得勝萬一有失取人性命豈不盡喪你手遂各
將所得財物攜帶回家不同余打仗時潼綿營遊擊羅
定國劄兵清溪場防堵羅崇羅芳赴羅遊擊獻功云鳳
凰寨之賊係伊等打敗隨給伊二人頂戴令如意堵禦
堂兄羅思忠見崇等冒功卽稟知羅遊擊戰敗鳳凰寨
之賊係余之力隨收余軍前補鄉勇隊中是年十一月
內王三槐冷天祿擄脅萬眾盤踞東鄉縣豐城地方該
處距羅遊擊營百有餘里該地百姓公議捐銀五千兩
有人能破豐城賊巢卽給銀子酬謝斯時余只想建功

立名不愛金銀當邀約同夥二十餘人俱有手段飛簷走壁會齊卽赴豐城查探行至離賊營三十里地方又會商令同夥卽在該處等候待余單人於夜半時躡至賊巢密視地勢市內中間有草房五間卽折回至三十里之地這同夥之人三十五俱未在此詢悉害怕先逃退去余趕回大營稟求羅遊擊賞火藥五斤自有妙計赴賊營放火如無用卽奉還遇有同坐飲酒之鹽商龔性堯係本邑監生向羅遊擊云此人係東邑有名之人目大頭素行妄爲且能飛簷走壁二三丈高之牆一縱卽能過去諸事還要斟酌毋聽亂言羅遊擊曰僅求火

藥似可給他看伊有何方法攻破予復求派兵五百預備接應龔性堯又復稟阻羅遊擊遂只發給火藥不准發兵余只得與同夥二十餘人前往隨帶順刀一對火藥分成三包攜至身旁星速行走途中見居民被害屍身遍野有被狗吃了半頭拖出腸肚者同夥之人俱各害怕不往余卽令伊等就在此處等待容我單身前往悄悄往賊營放火夜間越了賊人三十幾個卡所縱入賊營行至草房邊用力一縱因手攢緊致將火繩攢息復縱下來徧處尋火見賊匪團團設立卡所俱燒號火見有半睡的還有倒地睡熟的卽密至火邊見賊睡熟

把頭低下卽將火繩點燃復縱上草房將東西及中三
間房屋刨了三個大坑每坑放火藥一包賊聞刨坑之
聲卽大聲喊叫余隨學貓兒打架叫喚賊才不疑余先
將東首坑內放的火藥點燃又將二處續燃半個時辰
火藥燒起延至市集房宇盡皆焚化房內賊匪咸皆驚
慌均朝外跑出層層放鎗斯時余恐有傷隨將手中所
拿順刀拋棄見一羣無鞍之馬卽飛蹤乘騎各馬亦跟
後跑出行了二里見市集燒得滿天通紅此時賊營紛
紛擾亂兼至黃昏深夜這幾十萬賊如山崩海湧自夥
殺斃者甚眾忽沖來一股將余團團圍著追趕趕至一

絕地四面無路自思身死總算爲國出力也還值得
遂下馬飛身從巖上一步跳下誰知若有物承足下至
地居然無恙急回大營見半路同來諸人俱不見了回
到羅遊府營盤稟知單人放火焚燒豐城賊巢餘賊均
竄往雞瓜嶺去該處武生鄉勇楊滾見余獲勝催眾百
姓樂捐銀兩給余以作酬謝余俱未受復上豐城查視
見賊有燒死有殺死有踏死有撲巖死投堰淹死屍身
徧地該處有幾萬人俱來查看余將賊所棄物件俱令
眾人拿去眾人曰豐城幸爾一人設計焚燒我等何敢
無功妄取余仍令分給後羅遊擊將此次燒燬豐城賊

稟報制憲英大人名善係會同鹽商龔性堯團練焚
勦保奏奉

上諭羅定國賞正三品頂戴龔性堯賞行營千總頂戴
迨後英制憲查知豐城地方係余單人焚燒甚是喜悅
賞給行營七品頂戴意欲調予到大營因不多日升入
內閣未得見面從此四川軍營通省皆知余名均稱爲
羅老爺後成都副都統佛大人名聞余打仗奮勇給東
鄉縣張二陽扎諭調余帶勇駐防東鄉縣城是年十二
月徐添德係受孫賜
俸之教股匪竄據東鄉張家觀四川重慶
鎮袁大人名國
璜陝西陝安鎮何大人名元
卿由湖南苗疆

帶兵來川駐劄牛背山初至張家觀與賊對戰得獲勝

仗官軍跟追賊已潰亂若官兵乘勢直進不難滅盡時

值天黑收兵未及防備賊目王登廷張詠壽李思貴思貴

達州流碧灘人次年投出軍前効等帶長矛五千餘人

用殺賊立功曾任通巴營守備內多搽抹紅黑臉乘夜潛進官兵大營時天將明大霧袁鎮台

先把各兵趕出營外施放三排威武號令炮賊已竟撲

營官兵措手不及因此失利袁鎮台四川安阜營都司

百壽力戰陣亡官兵亦多戕害賊勢愈狂四川順慶營

遊擊尙維岳川北鎮右營都司清福帶兵劄對河之娘

娘廟逆首徐添德挑派戰手五百人由天心橋土地煙

繞道撲營尙遊擊清都司同時戰死乾清門頭等侍衛

副都統西大人

名津泰

甘肅巴里坤總兵徐大人

名昭德

候

補參將鍾順候補遊擊范懋保寧佟貴達州武生潘啟
先等進攻達州流碧灘亦失利陣亡王三槐等自南壩
塲竄逃與徐添德合夥在東鄉屬張家觀劄營相距數
十里又分股到城南河岸俛窺縣城惟時兵勇團練不
下十萬余同知縣劉清隨佛大人往駐劄城內余曰賊
匪猖狂城墻缺毀太多急速加砌朵口城上多堆滾木
壘石城外壕溝要挖寬深多扎鹿角柵方可抵敵保無
虞奈余職分甚小言之弗聽僅恃兵勇人眾於南門河

邊增禦余見佛都統不信余之言在此無益帶信與劉
清叫伊調余赴方山坪去余去後是月三十日徐王二
逆率匪直抵城南河岸討戰兵勇往來迎敵不料該逆
預備矛手數千距三十里外東林河洋烈子地方偷渡
河岸走由火石嶺至城北後山來迎面交攻兵勇前後
受敵以致失城佛都統并東鄉知縣張之陽典史楊咏
錫俱殉難官兵被害數千人破城後孫老五股匪由太
平赴東與徐王二逆合夥余隨劉清勦方山坪羅其清
股匪連日攻破賊卡三道兵逼馬渡關相距賊營里許
羅逆探悉帶兵文職係前任巴州正路關巡檢劉清忽

意欲投降倩人來請劉清上寨劉清約伴同行問曰誰
敢隨入賊營時無一人應余曰余愿同往劉清曰爾如
同往不可冒險須要謹言慎行余曰毋須丁寧我自領
會遂隨同往行至賊寨羅逆率隊鼓吹放三炮出迎上
寨升堂羅逆見劉清卽嚎啕聲痛哭連叫劉青天劉清
目睹景況亦隨着假意流淚大聲曰爾等俱是良民子
弟我皆知道不得已爲此已後不必妄爲各自回家耕
種容大兵撤回自有安置當賞羅其清六品頂戴另給
銀子一千分賞眾人畢劉清卽下寨回營羅逆又差人
餽送猪羊雞鴨美酒等物來營懇求劉清修書致巴州

堵禦官常知州說方山坪有投降之人切毋誅戮劉清
允准當備書函問何人前往送信余答曰願往劉清曰
爾去甚妥但諸事小心卽將書交付余當收檢由羅逆
寨上來羅逆聞之卽率隊升礮出迎上寨時將書交伊
等看了着人送去羅逆將余留住款待甚周席前問余
何姓余曰姓羅是羅家壩人現捐國學生又問現有多
少本家戰手余曰有四萬多人賊大喜曰爾既有四萬
之眾卽可興漢滅滿又曰我等非白人教乃白蓮教也
余曰何謂白蓮教賊曰一人連十十連百百人連千千
湊成萬卽是白蓮教也余隨假意答曰我明日回去將

四萬戰手各帶白旗前來共合一處助你成功何如賊
聞喜甚時值年終羅逆之徒弟頭纏白布赴寨餽送禮
物其同夥之人見余要回去向羅逆曰此監生非是好
人卽應殺却切毋聽其謊話恐後死於他手羅逆未允
是夜賊頭目與余暢飲余假醉睡熟賊聽余之鼾聲商
曰目前我們還有四十八個卡子尙未修起原是挪山
計哄他詐降候四路卡子修起各路弟子聚齊將劉太
爺搶上山寨充當軍師等語時已鷄鳴天曉乃嘉慶二
年元旦今日羅逆叫余起身洗臉要往該處張爺廟拈
香結爲弟兄余見賊行禮只見叩頭不打恭共叩四十

八個頭余卽告辭羅逆鼓樂親送出寨曰爾把四萬多
戰手迅速帶來合夥以便禦敵隨假意應允彼時大霧
迷途回營不見官兵始知東鄉城池失陷劉清因徐逆
至方山坪合營恐兩頭夾攻連夜帶兵走了余單身而
行頃時霧散羅逆哨見官兵已去卽派長矛手數百人
跟追余奔八十里至古巖口時有余救未死之張名英
牽馬等候余卽乘騎回營幸未被戕害是年二月太平
東鄉達縣三處賊匪有三四萬人竄據金鵝寺行擄掠
甚是猖獗余沿路探聽知賊匪詭詐如有官兵前來勦
捕該逆等先派矛手於扼要之區埋伏待官兵行至卽

冲山截殺而官兵未知其故
沿途均未提防以致多有失
敗禦敵又兼斯時大兵尙在

調到惟肅州鎮索大人

名費音阿

邑失城之信纔帶兵星夜趕
以得手實甚焦急問署東鄉
速爲痛勦該逆等情據山上
路徑之人薦出令其探賊情
有一軍功羅某熟悉此山路
信索大人曰傳來見見余卽

寺由何處行走捷便余曰此路要走金巖觀老尹塲蒼子巖劉家溝一帶繞至大團堡該地是一大坪下邊俱是齊巖可以劄營該處離金鵝寺繞道有三十餘里對面望見賊營不過十里有餘索大人說是甚好卽統官兵啟行余曰要在該處劄營先派夫子一萬多人先行趕至隔二十里外砍伐樹條幾條劄一座救命營盤預備接應索大人照稟下令卽傳夫子一萬由後山繞走三日始到大團堡先把大營安劄停妥大兵至時余又令營外劄鹿角柵欄三道外加牆子三道外又挖壕溝三道其溝寬二丈八尺深一丈二尺五營四哨周圍連

劄三十幾座營盤索大人曰營盤如此堅固可以無虞
余曰營雖堅固若賊夜晚攻撲恐仍難願守索大人曰
又怎麼辦余曰大人帶有多少火藥大人曰帶有一千
七百包余曰先用一千包安置營卡挨外壕溝内存貯
索大人曰莫如將一千七百包全行放至壕溝余曰所
留七百火藥別有用處再用十根竹子打空一根接一
根竹子有三四丈不等內裝火藥放於存貯火藥之溝
以作引線餘剩下火藥賊若撲來以作準備然火之需
如逆匪中計定獲勝仗索大人說照辦是夜我兵捉獲
一逃匪詢知首逆亦將大營之夫子禽獲一人詢其帶

兵統帥何人答稱是甘肅肅州鎮索大人賊復問帶本地鄉勇否答曰有軍功羅某在內調度賊曰此燒豐城之人也又問現在官兵大營如何布置夫子曰營卡層層連劄營外俱劄棚欄又挖壕溝堅固異常賊逆僞軍師聞之向首逆云速傳令眾弟子們此次接仗務將才攢之軍功羅某生擒不許損傷如果有人損傷卽正法該逆等已揀派十萬之眾於五日之內前來踏營而前敵一萬多人盡係擄掠良民夫子意欲將壕溝先行填塞該逆等得以跳過攻撲營卡等語卽進內稟明防備五日後三更時守哨之兵施放號鎗知有賊眾撲來俱是

裏的白頭穿的白衣余遠望下邊有五里寬之坪賊均
占滿其營之外壕兩道已被填滿索大人看視害怕意
欲逃走余曰切莫逃走儘管在後頭駐劄余自有抵敵
之法復令守牆之兵俱往後營駐劄忽聞賊匪大聲吶
喊蜂擁沖至正將鹿角柵欄攻破余隨用火藥將竹子
引線點燃一時火藥沖起紅了半邊天而鹿角柵亦被
火延燒將樹條篾條沖起天上落下填塞路徑火煙似
烏鴉飛騰滿天一般燒死賊匪頭焦額爛屍身成灰者
難以計數而賊見火起其有往後逃者俱徑跌滾巖下
跌死者亦無數至天明時二十一營官兵齊趕巖下查

看有跌斷足斷手赤身不全者共有三萬九千零六十之多并搶回官兵前失之大炮五位鎗一萬三千餘桿賊匪大敗四路而逃從此再不偷營索大人統帶官兵搶上金鵝寺山寨劄營始知四川瀘州都司安如峒戰死而賊首孫老五王三槐徐添德冷天祿等率領餘賊逃脫由金鵝寺偷渡官渡灘竄往香爐坪蟲食子一帶焚掠各路官兵緊追共計兵勇數萬餘人大小營卡一百餘處余率兵勇劄於黃草坪馬腦巖時總統總督部堂宜大人名綿詢問香爐坪如何進兵卽有隨營之軍功貢生劉星渠渠縣人上前稟答說觀此時勢必須勦撫兼

施方可克服又問誰人去得劉星渠曰署東鄉縣知縣
劉清素得民心能去招安次日卽傳劉清前去劉清知
係星渠所薦卽稟請令該貢生同往維時星渠正在吃
飯聞之膽落面如土色劉清笑曰大丈夫爲國出力有
何懼哉於是二人單騎直進香爐坪賊營首逆孫老五
王三槐等派賊隊五千多人迎接道左劉清一見賊隊
放聲大哭連別營賊眾亦皆流涕當叫好兒子們不必
傷悲隨用良言再三撫慰眾賊纔止淚計議星渠在旁
如泥塑木雕一般劉清進賊營時首逆孫老五身穿演
戲蟒袍頭帶紅頂花翎盤坐棹上劉清再三相見逐一

賊匪來降必誅不降亦殺王三槐聞知觸忿卽於是夜率眾一萬多人來踏營盤余思乘夜而來必有詐僞卽飛報大營一面伏兵扼要賊進營卡果向大成寨攻撲我兵早已准備鎗炮堵禦是以大成寨保固隨折回雙廟場放火焚搶余卽上前迎敵一仗仍將搶去夫子百姓搶回大營無虞營中官兵始知王三槐來營僞降查探路徑賊敗回巢要殺劉星渠劉星渠曰不是官兵失信於爾爾乘夜詐降是以官兵迎敵非我父子行詐且兩軍相爭不殺來使卽殺我父子有何益哉你們如此恐難成大事那王三槐聽聞卽放星渠父子回營途中

又遇賊首回巢星渠曰我明日來接你們星渠始得免禍余探得賊營乏糧必率眾撲卡攜糧去方山坪與羅逆合營卽帶勇七百名暗行準備至黃草坪馬腦巖四面壁巖余率眾將樹木砍倒安上絆繩在各處不多時賊眾分路撲來我營已失十三卡復有賊千餘團團圍攻馬腦巖兵勇無路逃跑余挺身跳出鹿角棚外兵勇見余跑出均隨後跑出余督兵勇身先出敵奮力迎殺賊潰敗走時黃昏竄入余所設絆腳之地絆跌紛紛殲斃者二百餘生擒首逆賀宗盛廖廷賢余將三百餘賊割去首級同生擒八名解繳內大臣德大人楞泰呈明

得獲勝仗德大人親自來營查看情形問曰各卡俱失爾卡無虞何也余曰看地勢三面齊巖只有一面迎敵見賊沖來無路可走奮力抵敵故幸得勝德大人欣喜賞袍褂料四套紋銀一千兩分散鄉勇蒙督部堂宜大人內大臣德大人保奏奉

旨賞載藍翎並千總職銜時香爐坪賊眾恃其險地勢甚猖獗德大人問余如何攻破余曰願挑帶義勇數千名預備接應某請單身夜往賊營偷營放火所帶官兵四面埋伏賊營火發乘其不備內外夾攻可以得勝德大人說好照辦余於是夜用竹桿裹布作梯悄悄向賊寨

陡險之地攀竹而上偷進賊巢甫將火藥安置停妥正
思放火忽然大雨交淋未得成功卽星速回營次日孫
徐王三逆驚覺乘夜下寨由曾家山竄過東林河乘淺
渡江官兵探賊乏糧卽跟蹤進勦行抵東林河我兵渡
過一半時值河水泛漲不能衝波而渡隔水七日兵始
全渡賊眾已竄冉家壩復竄淨渡菴沿途擄掠米糧甚
多勢愈兇橫是年五月官兵追至淨渡菴我兵缺糧經
畧德大人慮此股逆賊如搶至淨渡菴難以勦滅同明
將軍名亮諭余折回催糧而糧仍未到僅剩麩食劑子解
營散得六千義勇德大人慮此股問曰此股賊眾何人

迎頭抵敵無人答應余曰願帶三千鄉勇繞至前敵觀音山劄卡堵禦德大人大喜余趕至觀音山率勇多備打石預備迎敵獲一賊詢悉被擄良民面詢賊行何事伊答曰孫老五依山劄營將寨內火藥攏一堆外用泥糊余隨生一計令打鎗之義勇一人受計而去那打鎗之人將藥用綿花瓜子半濕半乾包固裝入鎗內於夜半時悄悄往山下藏於離寨數十丈之山了照堆藥處施放炮聲一响沖燃火藥火烟沖起滿天通紅燒得賊匪頭焦額爛自相踐踏向觀音山奔來余率勇用滾木檣石堵住打死賊匪不計其數賊大敗轉逃余卽奮力

跟蹤追殺各路官兵聽號炮亦四路圍來殺得血水成
河屍徧八九里賊敗至山了內喊叫我等俱是官兵請
毋庸拋打余知詭計呵曰如是官兵亦應打死賊遂入
松樹林內自縊而死甚多復擒一賊詢悉大頭目孫老
五被眾人踏死余當不信隨督令翻屍始知踏死是實
余斯時只知爲國報効并不愛財鄉勇等得賊人財物
婦女牛馬騾猪等物均各搶攜回家徐王二逆僅贖賊
數千人黃夜由富協台失其名營卡沖逃德大人聞之意
欲將富協台軍法從事當蒙各將領邀求乃免隨諭富
協台帶兵前進以贖前愆余密往前途探知賊竄至景

市廟深林一帶將金竹削尖用火燔成金鎗甚是利害
向富協台曰敗兵不可深追須要相機而進探明賊勢
何如再爲進剿不必忙在一時富協台不聽卽行進兵
不料賊伏深林各執金鎗兩路突出官兵措手不及不
能抵敵富協台及兵丁俱受賊害余由左面趕到迎面
對敵賊退竄至峩城山樊噲殿盤據德大人督帶各路
官兵追至峩城山腳下劄住見山勢險要論曰窮賊不
可甚追必要步步留心不可疎忽並詢作何攻剿余曰
查視峩城地勢周圍險要兵力難施只可誘賊用地雷
轟擊期其一鼓勦滅德大人明將軍問曰如何用法余

日先將火藥四十包派兵於黑夜時悄悄去至半山坡
安定上用高糧桿蓋住復挑奮勇兵丁一千密赴半山
坡下雨邊小溝屯劄又派膽小之丁上山引誘該賊等
窺見知有官兵必率眾下山抗拒而引誘之丁見賊下
山速卽下坡該逆等追至放火藥處看有奮勇官兵於
小溝迎敵必不跟追余預先藏半山坡腳下俟賊匪行
抵放火藥處將地雷點燃卽着高糧桿定獲勝仗兩位
大人卽照所稟調度令軍功閔文彥帶領奮勇攀巖而
上於半山坡兩岸埋伏令膽小之丁上山誘賊該逆等
果見誘兵卽率眾追下至放火藥處見坡下藏有伏兵

均站定跌足胛罵余藏坡腳下窺賊行至火藥處卽將皮紙引線點燃製成三丈長卽順溝而下賊正喊吶不許一人逃走忽高糧桿延燒火藥轟起滿天通紅燒死賊匪不計其數該逆亡命奔逃我兵乘夜追殺搶佔峽城山德大人見余用地雷轟擊之計甚屬大喜賞余銀子一千兩賞鄉勇銀五百兩該逆等由芭蕉場逃竄南場場五色頂屯紮鳳青山余帶鄉勇尾追德大人由東開交界之石堆窩抄截余先抵鳳青山乘夜偷營殺賊二百餘人賊奔鹿角土鐮尖場與湖北襄陽賊首齊二算婦 王氏 范仁傑張漢朝伍金住股匪合營余跟蹤探

勦時陝西河州鎮總兵保興帶兵前來賊距山梁抗拒我兵二面夾攻戰至下午不能取勝余率勇潛赴賊山前後放火燒燃草坡賊匪抵敵不住敗潰下去我兵追勦四五十里至五寶塲殺賊千餘人擒賊一千七百餘名時張長庚張長青蕭占國丁元升盤據於白巖山陳家山徐王二逆竄於營陽縣屬陳家坪與張長庚合時官兵尾追余率眾六千餘兵繞道開縣由路陽塲繞到陳家坪追勦明將軍派余同丁王黃四人前往探信途遇賊匪數百夾面沖出余見勢圍難以逃脫於是設計把同夥三人身穿衣物腳纏都脫下來用腰繫帶子將

三人細細余曰爾等毋庸害怕自有妙策賊到詢時爾等均云係本處百姓伊等應允余就在附近園內扯菜一捆負在背上賊眾沖到詢問爾是何人所竊三人是誰余曰白號那三人是此處百姓被余擄來背行李的賊曰既是白號有何憑據余卽誦靈文祖父之紀講五倫等句賊聽之信係同教中人就從同一路行走那賊人要所細三人內拉一人行刑余曰出來時大師傅囑咐沿途所脅之人切毋亂殺留住伺應背負東西賊因未殺害是日隨賊進營見賊卡紮有三十四十里地方余夜晚不住中營僅宿邊營常意便逃跑之意每日在

見賊營造飯盡將罍子當鍋挖基
意小解卽乘隙逃出賊壘趕回十
派四人被賊禽捉未知吉凶余淮
人均被賊擒爾一人如何逃回余
不已余卽在外巡哨拿獲張逆細
槐將到陳家山令其探聽如到時
正合機宜密稟統師暗帶白旗分
是夜率勇抵陳家坪數里許聯絡
頭裹白布爲號聲稱白號大營張
坪魚貫而來維時已晚幾個賊匪

曰爾等不是白蓮教答曰我等是張長庚丁元升張長
清差來迎接大師傅的余曰奉大師傅令背得蓮經靈
文始可進營背不得不可混進賊曰皆能余在營門外
隨來隨背靈文曰祖父之紀講五倫仁義禮智信天地
倫別骨還父肉還母報雙親劈山救母忠孝纔是人抬
頭望見觀世音八大金剛揭地神玻璃盞玻璃燈普光
向佛尊等語背得者令棄軍械站立其送來賊匪四五
萬人內有未經背得者亦混行前來而背得之一萬九
千八百餘匪站立一邊不會背得有三萬七千大小男
女婦亦站立一邊余復出答曰奉大師傅將令背得靈

文徒弟一人一人魚貫進營謁見卽令我兵一人引賊
匪一人至後營早有準備上綱將一萬九千之賊悉行
誅之被擄者三萬餘人全行釋放遞送回籍張長庚在
後山紮住探悉中計張長青丁元升等被誅卽帶領賊
眾折奔而逃蒙保奏奉

旨羅思舉屢次打仗奮勇殺賊着拔補四川夔州協右
營千總此嘉慶二年八月閒事也張長庚逃後竄至陝
西安康四季河官兵躡跟尾追余帶奮勇由捷徑小路
爭先趕上該逆等正在造飯猝不及防官兵卽協力痛
勦追至大寧萬春河斬擒賊匪多名時方山坪賊匪竄

屯巴州青山觀西寧總鎮富大人成重慶鎮伯大人祥
并劉清會帶兵勇攻勦不下督部堂綿調余星馳協勦
余卽帶勇三千趕到看視地勢富大人伯大人劉清會
札青山觀河東蜈蚣嶺所札之營失其地勢況地名不
佳請別擇地安紮均不聽侯爺令於次日進兵余又阻
日賊佔崇山峻嶺道路崎嶇須要養精蓄銳相機進攻
方期無悞今兵札之營已犯地名如強進恐官兵有礙
富鎮台劉清不聽督兵進勦余卽令勇將河中之橋折
斷屯札堵禦富鎮台率兵逼近賊巢向上仰攻賊眾勢
狂又恃地勢自上壓下兵單不能抵敵紛紛敗退至河

邊傷損者甚多。余搭浮橋敗兵始過，又將浮橋折毀。卽率勇奮力抵敵，殺退賊匪。賊匪折回向江口，而竄劉富二人。爰予令余率兵跟剿。余卽帶勇三千二百，星夜繞於江管之前堵截。該處巡檢余廷勳曰：賊甚猖獗，毋庸跟追。請退轉防堵。余思賊匪過多，是退不得的。隨生一計，令余巡檢圍聚該地百姓有二萬多人，趕緊砍伐竹薪，札鹿角柵欄，下半竹身製作梆子，夜晚守更，諭眾民人一單安札一箇營盤，夜間四山徧燒號火，執梆敲打，喊號賊匪，隔遠三四十里，遙見官兵營卡，劄有數十餘甲，號火齊明，更聲不絕，不知有多少官兵設卡堵禦，不

敢前來賊隨折轉逃逸余跟巴州一路堵禦余廷勳見賊去遠不發鄉勇口糧時聞西安都統七大人名十在渠縣蚊蟲溪乃率勇往赴合營征賊後賊見我勇撤退復折轉攻破江口搶去糧餉殺傷多人余廷勳棄城逃脫川北鎮朱大人名射同富大人劉清合兵一路追勦官兵戰敗損傷亦多十二日總兵索大人帶兵屯紮渠縣淨邊寺被羅其清圍困于秀帶勇救援力戰陣亡而羅逆率眾佔據營山縣雞山距索大人所劄之淨邊寺四十里勢甚狂惡時余在蚊蟲溪奉德七二大人差派帶步兵三十名前往探信途次渠縣有一山寨離寨五

里有一飯鋪周圍俱是土牆逢中有一門道余卽下馬
進鋪內歇息各兵將所帶器械靠在鋪外屋簷入內食
飯不意賊匪帶三百馬隊沖來將所放軍器及余所騎
馬匹一概收去將鋪圍住吶喊不絕這步探三十人驚
慌無措俯伏在地余見勢危急豈肯坐以待斃卽將火
鉢挖些火灰拾起向那騎馬賊頭擊打火灰轟起眼睛
迷住不暇交鋒賊不知鋪內有多少人湧殺出是以轉
身帶馬隊折回奔逃余單身前往尾追殺斃賊匪數名
獲馬五匹時有一賊乘余之馬行至前途拉扯不住被
馬駝回卽行擒殺余折回鋪內通知步探三十人令其

奔逃執意同賣飯夫婦仍跪在地提扯不起該丁如痴如聾似木偶一般余又叫百姓將該丁三十人背負安置上寨卽探明前徐王二逆竄圍隣水三日前該處城隍報夢說與護城百姓日日堅守夜晚把紙挽成陀螺燒着墜落城下火光時照賊不敢近隣水城北面有一對山距城咫尺名馬鞍山賊眾肆折民房廣伐樹木草薪堆填城池濠溝欲從此平踏入城內時隣紳民在城上放火下來這城濠所堆樹木草薪盡行燒燬是日晚賊匪又來破城遠見城牆燒紅知城內無兵防守卽用板子搭上卽欲撲城幸關帝執刀拽袍站立城牆匪見

城池紅了半邊均畏懼卽行退逸次日官兵趕到救援
隣水城未失自此相傳係關聖帝君顯應也徐王二逆
由隣水竄往長壽攻破縣城該縣守城典史章朝重慶
鎮左營守備夏繼元等死難

繼元江
南進士

張漢朝

湖北襄
陽人

股

匪由陝入川據太平某號冉文儔破通江知縣陳策等
殉難巴州羅其清破儀隴縣據營山箕山地方該處山
下周圍有溪河一道索都統帶兵往剿行至該處悞爲
營淨邊寺周圍是水賊將官兵團團圍困救援之兵又
不能過去圍了二十幾日眼見官兵無糧勢甚急迫索
大人卽稟勒侯爺行調余前往合剿余隨帶兵勇星夜

趕至軍營查看地勢緣索大人官兵劄營時未防敗著以致官兵并無退步卽四路密查看得箕山背後盡是馬尾茅草俱有丈多深而茅草內有一小窄之路山腳下盡是水田卽想一主意回營向七大人稟曰我兵各飲一碗酒將水田各小路用泥糊住留一大路俟賊追來把茅草點燃再派官兵一萬藏於後山茅草之傍又用一千兵走後山窄路上去與賊對敵賊匪一見我兵必上山抗拒我兵引誘假裝敗退賊匪卽行追趕一進茅草山埋伏之兵兩面將草點燃賊若中計不但解圍定獲勝仗七大人聽從一一傳令進兵果至茅草山火

烟沖起滿天通紅燒得賊匪頭焦額爛死者不計其數
尚有餘賊由山腳大路逃走埋伏之兵兩旁沖出一齊
大殺殲斃賊匪無數尚有餘賊由大路滾將下去因小
路早用泥糊難以行走均各跌下水田淹死賊匪多名
我兵活捉二千四百七十餘名解回大營俱各正法七
大人見余用計擊退箕山之賊甚爲大喜余當稟索大
人在淨邊寺被羅逆圍困甚急請兵救援七大人卽繕
函令余乘夜偷過賊卡約內外夾攻行至索大人營盤
而守哨之丁疑余是賊不由分說將余細綁進營當呈
七大人書函索鎖台及合營官兵始知余遞救援書信

隨即解釋是時余之鄉勇萬餘隨都統七大人星夜前來余見救兵由八廟場直抵淨邊寺卽身先士卒奮勇齊殺用連環鎗炮斬擒賊匪千餘名始解索大人之圍順慶遊擊常載帶香山健銳火器等營京兵自八廟場取道截勒突遇敗賊沖殺常遊擊戰死并傷京兵百餘名賊竄開縣貓兒寨官兵跟蹤追剿是夜余又往偷營不料賊有準備四路埋伏齊起余奮飛無路潛卧於死屍之下始脫其禍嘉慶二年正月內徐王二逆竄近達縣余隨七都統帶兵至達州守城是日雲貴總督威勤侯勒保奉命由楚入川總統軍務至東鄉豐城余帶奮

勇五百名追賊至鳳凰寨勒侯爺亦帶兵跟追在前余鈔截在後兩相截殺生擒殺斃者數千餘人徐王二逆大敗由東鄉廩溪竄過中後河向太平通江巴州逃走余帶馬隊偵剿行了五日被賊將余引至四季坪前後設有埋伏余看該處前面是河後手是山四圍俱是崎嶇懸岸官兵陷於此地勢難脫生賊見余等已墜算中卽兩頭截住大聲吶喊快些投誠余令馬隊兵勇切勿應聲自有脫走之法余生於河邊素知水性令各勇於是夜跟住所騎馬匹由淺灘一湧而過賊見之卽跟後乘馬尾追因不識水性反致淹斃賊馬無數有未淹壞

之馬一百八十四匹奔上河坎盡被我兵得了洋洋而去
天明趕至新真壩偶遇登州鎮李紹楚被賊打敗余帶
勇奮力截殺賊徒大敗又經勒侯爺追到殲斃無數生
擒七百餘名余帶勇三千同李鎮台所帶官兵一萬二
千合營屯劄馬立壩堵禦時聞賊首張世龍張世虎糾
領黨羽四五百人意欲踏營余看見該處二面俱被賊
佔我兵無路進攻正躊躇閒適遇鄉民楊玉林詢知路
徑卽令伊引道由小路攀巖越嶺而上見有小寨是百
姓屯糧之所其內貯米糧數萬石早被賊兵用盡卽將所乘馬匹寄在寨
中余向四川提督七大人曰此股賊匪已將前後扼要

日子佔住是攻擊不開可以分兵兩路夾攻請大人帶兵閃於南邊余帶勇令楊玉林引路由東邊老林背後鈔進七大人依議隨分兵行走密赴賊卡偷營時至三更遠見賊匪在卡外放燒號火知有準備卽生一計隨督勇上前那瞭哨之賊驚問來者是甚麼人余隨向前答曰吾等黃號特趕來助戰賊曰既是黃號能曉靈文否余曰曉得隨將白蓮教靈文背了一篇賊曰爾之大師傅是誰余曰冉文儔鮮大川賊始不疑隨帶眾勇大喊一聲一齊湧上奮力撲勦搶進賊營殲斃多名賊匪措手不及均向南邊而逃李鎮台所帶官兵不知賊匪

被余偷營殺逃祇說賊來踏營卽往後退兵賊混雜四
路逃散余乘勝追趕又把賊匪所札下路之卡沖散賊
等只顧逃命不暇執旗而行時至天明余令兵勇查看
始悉李鎮台之兵均各逃散卽令我兵執豎八卦紅旗
眾兵方折轉合力向前追剿後余奉勒侯爺調赴大營
隨剿因與李鎮台分兵帶勇探得徐王二逆在巴通一
帶竄至渠邑勒公爺詢問進兵路徑余曰必須折回由
清花溪羅文壩前進方可截剿勒侯爺允准命余帶令
鄉勇折回前行連夜行至東鄉仍與七十五合兵連夜
出達縣趕至渠縣探知賊匪盤據河西清河壩余同七

十五劄駐蚊蟲溪堵禦勒侯爺隨後自達縣由陸路至
大竹截至渠縣城邊又分兵一股順舟而上流至三匯
從中沖擊時渠縣民趙基偽稱皇帝亢芝高偽稱丞相
徐顏彪偽稱元帥煽惑件作侯獻元鄭三清謀爲不軌
渠縣倪令拿獲拘禁勒侯爺抵渠縣將趙基等俱行正
法侯獻元鄭三清永遠圈禁教匪平後開釋徐王二逆聞兵分
三路進剿卽竄至渠縣三板橋河州鎮保興宋協台帶
兵往剿正督兵與賊對敵時風狂過大余上前阻止恐
於行兵不利保鎮台不聽勉強進兵被賊戰敗於插旗
山保鎮台宋協台均被戕害時有達縣武生冉子明率

勇奮力救援始能救出官兵千餘勒侯爺賞給冉子明

四品頂戴

伊嘉慶辛酉科中式武舉

復聞賊首徐添德王三槐率眾

二十餘萬佔據岳池縣界林水地方勒侯爺自渠縣帶兵六萬各安埋伏直搗賊巢賊眾恃險抗拒官兵迎敵不料時值大雨各路埋伏及前敵官兵均各戰敗余同梁萬營都司羅升高剩五十餘人被賊追逼至一寨子上屯劄賊眾團團追圍意在活捉羅都司同余二人隨圍了三日寨上俱無食用又無水飲查看寨旁百姓種有麥子隨將麥子燒了令眾人充飢而各丁渴急只得彼此易尿飲之後麥子用盡羅都司曰各兵被圍三日

山下又無救援莫如彼此自殺免致辱於逆匪余曰依爾之計彼此換殺而殺人之賊終叫何人去殺羅都司曰山後小路無有人聲諒必無賊莫如就此逃走余曰山後未聞人聲定有埋伏的若要逃走索性夤夜由山前大路由賊之大營沖去我兵每人頭上各用巴茅花裹住爲號沖至賊營混雜之間亦知是自己兵勇恐有响動卽學猫兒叫喚免賊生疑遂計議停妥余引路在前一人牽一人衣襟悄悄由寨上下來及進賊營卽大喊一聲勦殺來了賊匪驚駭無措卽乘勢逃竄往該處大壩水田殺出跑走踏死者無數并有屍身不全者余

引路行了一壩田一條溝走三十里天始明亮又走十里纔跑出賊營隨點我兵五十人俱未損傷沿途詢問官兵大營處所未得確信我兵實在飢餓卽於各溝中宰牛燒吃吃畢隨令我兵緩緩行路及至大營時勒公爺見余同羅都司未回疑係賊匪戕害卽撰祭文宰殺猪羊牛隻並寫羅升高同予及兵丁五十名銜名牌位令各兵將領正在祭奠羅升高先行回營祭奠官兵遠見疑係魂魄蓋三四天未吃飯就是鬼一樣均各懼怕飛跑回營稟明勒侯爺不多時余及各兵回營勒侯爺始知未被戕害卽詢如何逃脫隨將寨上計議一一稟

明侯爺甚爲歡喜隨賞牛羊猪酒並給衣服卽令各兵
更換分領訖余思賊匪在大青山猖狂異常稟明勒侯
爺兵分五路進剿余率勇搶上土城堽山梁鎗箭大礮
齊施各路官兵一齊沖殺賊匪無數我兵乘機痛加剿
殺賊匪滾巖跌斃者甚多斬禽多名該逆等敗由大竹
梁山與黃白二號股匪合夥去了訖余收兵回營始知
藥桶火發係大青上馮公土主顯靈原渠縣人漢舉孝廉爲漢將渠縣居
民配助戰勒侯爺懸掛佑及師中四字匾額以酬神庥
之復探聞冉文偉羅其清竄儀隴孫家梁與徐王二逆同
黃白二號賊眾盤據涪州鶴遊坪余隨勒侯爺尾追查

看鶴遊坪地勢平坦長一百二十餘里寬八十餘里周圍千里四十八門上有三場一名白家場居西一名沙平場居南一名沈家場居東時內大臣額侯爺勒登由保北面董家場跟追上寨至沙平場與賊接仗余隨四川提督七十五由東面沈家場進二面夾攻殺斃多名生擒千餘人賊匪遁逃白家場我兵跟蹤追剿賊竄墊江雲台鋪德侯爺統兵由梁山雲台鋪迎頭痛剿斬擒三千多人賊首王登廷預派矛手三千人分路潛竄繞至德大人後隊傷兵多名賊復向達縣逃竄余帶兵勇千餘名繞前埋伏雷音鋪山林賊逆派人從後截尾均被

我兵擒斬後余獲被擄民人說伊等隨王登廷年餘知伊手是六指被兵打敗曾經鄉勇將伊拏獲伊將手帶金鐲並衣物均給鄉勇得見財釋放後該逆等逃至巴州被該縣差役五人將伊拏獲紅旗報捷賞五人藍翎以守備補用探明羅逆股匪竄儀隴徐王二逆竄太平與龍紹周合營余又隨德侯希往來太平陳方壩一帶勦賊所向皆克徐添德王三槐等於達縣亭子鋪後竄圍梁山縣三次攻撲城池賴關聖靈護未失此城復砍柴堆城勢欲踏城而入時余同七都統並朱總鎮帶兵救援始解梁山之圍賊又竄至忠州爬山寺潛伏假作

難民開店余帶鄉勇先行見其情形知係假裝卽率勇擒殺賊驚亦卽抗拒幸我兵大隊趕至將賊追至大佔山余督兵勇追殺百里斬擒多人賊敗竄據隣水觀音巖伏險相拒余稟德侯爺令兵頭裹布帕內戴毡帽率眾晝夜從小路偷上賊卡奮力撲殺余被賊石傷頭頂仍帶兵勇直前奪佔賊搶寨子各路官兵齊上追殺幾十里許之峯火塲斬擒賊匪三十餘名賊匪仍竄東鄉開縣交界之碗架上恃山險峻並安設埋伏我兵追至時大霧迷途兵分三路仰攻兵賊相接右隊頭等侍衛一等公爵安祿率兵迎敵余上前阻日時值大霧切不

可輕進兵恐其有失伊不聽隨帶兵沖殺安公爺遠見賊來詢問是誰那賊曰是白老子安祿隨拏弓射賊因搭箭脫扣以致被戕余敵當中路率勇奮力抵殺賊匪乃敗余因傷發留在開縣養傷時逆首羅其清率眾復據雞山勢甚猖獗額二侯爺饒將軍暨各位提鎮大人統帶各路官兵二十餘萬圍剿六個月攻打不開領兵大人均各焦急商同調余協勦時余因傷痕未愈不能前往而勒侯爺復用八百里馬牌至開縣令地方官速雇馬夫將余馳送大營養傷余只得前往將進軍營德侯爺與各位大人遠見余到卽用手一招快來等待多

日了隨各大喜余向前日現傷未愈請再養幾日盡力
攻勦德侯爺曰

皇上賞來高麗參甚好賞爾四十枝將參研末糊至傷
疤再吃數枝養至五日可以痊愈調養那幾日侯爺將
軍們不時差人問候傷可愈否至第五日傷痕已愈余
隨周圍查看地勢山甚凶險雀鳥難飛隨同營稟復曰
如恃兵力斷難攻破只有另自設法想一小計或可攻
破侯爺曰爾素來之策甚靈卽速說來以便調度余將
主意說知侯爺隨卽傳令卽在各營內調選精壯一萬
餘名俱執白旗隨帶鎗炮器械挨晚時密行至半山上

屯割糧草亦隨後跟去營內官兵卽行撤出赴各路埋伏只留下空營次日我兵手執白旗吶喊長聲號令施放鎗炮賊首羅其清率眾迎敵見山上之兵俱係白旗疑係救援夥黨卽帶賊眾下山踐踏大營我兵所執白旗俟賊匪下山卽換紅旗由箕山西路搶上山寨糧草亦跟上寨賊匪下山冲入大營未見官兵知是中計欲往山腳逃竄兩岸埋伏官兵一齊冲殺均用連環鎗炮隨後跟勦殲斃賊匪數萬餘人活捉賊匪一萬多人官兵大獲勝仗德侯爺見余喜甚連贊好計當賞銀一千兩此股賊匪被官兵殺得大敗均四路逃散分了四股

額侯爺追勦一股富將軍追殺一股德侯爺追勦二股
詢問羅其清那股賊首由何處去了余曰探聞賊逃兩
路焚搶去了德侯爺卽帶川北鎮朱大人名射翼長馬
瑜官兵一萬鄉勇三千往西追捕余向前稟曰不可跟
蹤追勦後面有方山坪係賊匪起事巢穴想此賊窮困
必由青山觀西路折轉往方山坪屯劄得以恃山抗拒
莫如帶領兵勇由小路趕往方山坪背後埋伏必能擒
滅侯爺依允命余引路前行官兵隨後行走余星夜趕
至方山坪後山藏匿等候四日羅其清果由青山觀折
回寅夜搶上方山坪寨子探聞羅其清有一千桿子護

侯爺諭令投誠劉星渠稟勒侯爺如將三槐扣留作生擒捷報侯爺意在兩可翼長薛大烈日今舍守備干總二員更換一賊不但失

朝廷體統更失軍中銳氣何以服兵心是以勒侯未允諭仍將三槐送還賊營換回守備干總不數日三槐仍帶了六個賊人復到大營投降劉星渠稟請勒侯爺拘留營中安樂坪賊眾見三槐未回卽率眾每日討戰官兵鄉勇足二十萬圍攻數月坪上有四十八道口子未能打開一道時余在開邑奉侯爺八百里札飛調以傷未愈稟覆勒公不准余卽由州縣按站馳至軍營驗看

屬實論令就在大營調養養息十二日傷愈謁見侯爺
曰此股賊匪定要爾打余曰將領調有千餘員兵勇駐
有二十萬不能攻勦叫余一人如何攻打豈不是馬快
反打加鞭耶馬不快反安逸耶勒公云不快之馬加鞭
打亦不中用此股賊巢問爾要定了毋得推諉余只得
退出卽在該處周圍看視大小營盤劄有八十里長把
賊圍在中間卽回營稟覆曰此山四方俱無路徑可破
僅有仙人洞巖高三十餘丈莫如設法由此山巖爬上
卽是賊巢可以攻勦勒侯爺曰爾有何術余曰須如此
能爬上去自有上去之法隨令兵勇削金竹五百餘根

外用布裹一根余帶布五疋由石巖爬上遇難走之處用布拉住所帶之布不敷下來兩次帶布二十疋爬上石巖將所接金竹綁在樹上賊匪聞有響聲用石擊下余隨學貓兒叫使賊不防余又下來挑選精壯勇百餘人俱走仙人洞巖爬上隨余上者惟二十四人乘賊睡熟余同所帶之兵大喊齊殺賊眾驚起來紛紛自行踐踏余首先殺賊多人搶上山寨賊匪盡往東邊逃竄七提台督兵接應見余八卦旗號卽督兵搶上安樂坪賊巢余偷進三卡賊巢漸多其勢愈險余潛入賊巢放火數處俄而火發余昏暗撲殺猝不及防被賊矛傷余之

左眼角余乘時大喊曰吾乃豐城劫寨之羅某也賊聞
膽落卽冲圍而去勒侯爺遠見余已得勝仗督令兵勇
搶上安樂坪賊巢余仍帶兵不顧生死向前追殺二百
餘里燒斃跌巖之賊不計其數餘賊奔往小江口官兵
追殺斬擒一萬餘人生擒一千餘人賊竄三墩坡參將
胡尙賢緊躡跟追戰死陣亡是時候爺奏捷馬踏安樂
坪活捉王三槐

皇上加恩勒侯爺晉封一等公爵劉星渠加同知銜陞

余爲四川綏寧協右營守備隨營養傷

劉星渠渠縣人
爲人巧猾因與

王三槐拜爲乾親家在安樂坪誘王三槐至營捷報活
捉從此公爺信用每於公爺前所保薦者無不允准劉

星渠愈加自滿要令軍營兵勇俱稱爲大老爺軍營文武員弁如不逢迎卽設法毒害伊借過國帑數千迨後敗露始將伊兄代替發遣伊差人赴西藏地方將伊胞兄殺斃嘉慶十年凱撤原籍置買田產共有五十餘萬之多伊陞補廣東同知因蔡牽造反該省大吏委伊製造戰船迨蔡牽平後伊卽患病稍愈補缺後又患目疾失明勒休回籍伊子劉炳報捐縣丞亦發廣東試用經該省藩司委炳解餉銀二十萬又差一試用不記名諱亦解二十萬行至中途劉炳所解之銀托同夥之人搭解赴京炳卽回原籍納寵伊同夥解銀到京僅交已解之銀而劉炳託解之銀自行侵蝕復通稟劉炳將銀解回四川經廣東藩司行文四川渠縣將炳調至廣東着追炳稟請回籍變產抵還經藩司將伊家屬先下監禁伊起回將伊父原置五十萬家產當了三十萬以二十萬歸款以十萬爲上下開復原官之費不敷又在廣東塌了四五千銀子賬項迨至壞官回籍家產房屋盡行變賣一空在廟內借住因日食缺乏每日趁赴街市見認識人座席卽一笑入座就食充飢因此劉星渠在軍營行事過惡太多略

斯時賊等由雙河寨竄屯錫子梁

述伊之後事如此

三面皆峽余眼傷稍愈官兵中路誘敵余率勇二面埋伏追賊抵中峽我兵二面齊施擗石擊死賊匪二千餘人活捉一千七百名是夜賊匪四散余黎明回營傷發留養開縣嘉慶四年正月

皇上加派勒公爺爲經畧大臣統領川陝楚豫四省軍務副都統明亮額勒登保爲參贊大臣尙書惠齡回京守制總督宜綿還朝余傷愈赴敵賊竄忠州花橋寺貴州大定協褚大榮帶兵竄勦余趕上接仗官兵戰敗余率勇三路堵勦因後無接應以致賊兵分路蜂擁鈔截追奔三十餘里所帶之兵首尾受敵余站在深溝馬不

能進棄馬步戰余躲藏樹後偶有騎馬一賊爭上追來
余從樹後突出矛擢那賊馬割去首級卽騎賊馬復
見一賊騎馬趕來余勒馬撲殺斬落馬下隨抖轉馬頭
割去首級搶獲馬匹隨同官兵敗割雙合寨此次損大
小官四十八員折去甚多隨於開縣榨井壩秀才口等
處打仗均獲勝仗適有線字號林亮功股匪竄屯南埡
塲余隨成都將軍富大人提督七大人帶兵趕抵該處
與賊對壘是夜賊匪攻撲富將軍大營擾亂富將軍跑
入七軍門大營方免其禍富將軍家丁攜帶印信見賊
卽執械抵敵被賊扎斃余迎面救援將印奪獲回營呈

繳時羅其清餘孽盤據東鄉四季坪七大人帶兵督勦
命余攻打前敵余星夜趕往賊勢猖獗已攻圍月餘矣
查看四季坪地勢周圍皆巖前後偏巖俱有山包賊匪
在山包討戰余設計令兵勇白日與賊迎敵夜間余親
督兵勇潛赴巖傍挖掘地雷未過十日地雷挖成多埋
火藥安定引線賊不知覺一日我兵先赴偏巖下埋伏
黎明卽請發兵討戰賊匪於山包抗拒兩相廝殺俄而
地雷火發轟斃賊匪無數官兵乘勢追近賊巢活捉賊
匪一千八百餘余先已造就竹梯是夜偷劫賊寨大加
誅戮餘匪逃竄是年八月七軍門帶兵追勦巴州屬豆

眞坡之賊此股賊匪甚是兇猛官兵戰敗數次調余率
勇救援一日七軍門大戰已敗官兵折奔無人七大人
於要口勒馬抵敵連發九矢射死九賊正在危急余聞
礮聲率勇趕上奮力撲殺七大人見余趕來戰勝卽督
兵隨後接應賊始大敗生擒一千餘名殲斃跌巖無數
七大人曰此陣非爾率勇撲殺勢難抵敵隨賞袍褂料
四套並猪羊牛隻犒賞出力之勇某號賊匪徐天德等
竄據該縣南木溪某鎮田大人名朝貴帶兵屢戰屢敗卽
請勒侯爺調余攻勦余帶勇趕至討戰未分勝負賊向
鐵鑪山逃竄余是夜繞至鐵鑪山安設埋伏黎明賊果

率眾前來將至山嶺余兩面埋伏齊放滾木擡石賊匪
措手不及大敗而逃余率勇壓下石傷千餘名活擒二
百餘名勒公爺大喜加余都司頂戴徐天德由川竄入
楚境勒公爺奉

旨入都尙書魁大人

名倫奉

命總督四川軍務時有藍號冷天祿黃號徐萬富青號
趙麻元冉天元鮮大川等逆由石阪沱偷渡嘉陵江於
西充高場蓬溪等縣脅眾四十餘萬肆行無忌

皇上復派德參贊由陝西帶兵來川督勦累戰累敗時余
隨七夫人在萬縣一帶勦賊相距川西二十多天德大

人用八百里公文調余協勦余接文後星夜由城隍堰
捷徑小路兼程前進八日趕至軍營謁見侯爺命余管
帶三千鄉勇作馬前先鋒向余曰賊勢猖獗各位將領
咸皆束手爾獨奮勇出力必獲勝仗事事出色實屬可
嘉今賊屯青龍口須爾調度進勦余曰白蓮教皆白蛇
青蛇到青龍口出戰必敗我兵須分數隊周圍攻勦並
將大營移至山腳劄請侯爺親身督率俾各官兵奮勇
痛勦侯爺傳令曰唐玉龍爲中隊先鋒馬應國爲左隊
先鋒羅忠舉爲右隊先鋒馬元爲東隊先鋒馬吉爲西
隊先鋒侯爺督兵接應兵分三十二路而進賊匪恃險

迎拒我兵於黎明時行至青龍口遇賊各路官兵施放
連環鎗炮絡繹不絕層層攻打自晨至晚鎗斃賊匪二
三千人德侯爺見左路之賊兇猛恐馬應國之兵不能
抵敵卽調余折回左路用連環鎗炮攻打奈賊眾多兼
盤據山上迎打我兵不能搶上又不能撤回賊匪往下
壓來大營就不能嚮住卽傳諭各兵奮勇抵敵心生一
計一面在三千鄉勇內挑選精壯九十人由夾磳後山
老林扒上所挑之人俱各驚疑余曰毋庸害怕自有計
策一面差人同營稟知卽親帶九十人繞至賊巢將黑
時分余督勇在老樹林內一齊沖出見後山守卡之賊

俱各睡熟我兵上前撲殺賊匪皆驚一見余之八卦旗
號互相狂奔人馬踏斃者不少余不事聲張黑暗截殺
各路官兵乘余得勝始行收隊將槍炮器械收同大營
侯爺聞之恐賊戰敗由大營奔來卽用千里眼照之見
余旗幟所帶兵勇不上百人能沖散四千餘賊心甚歡
喜卽令戈什哈數員迎接時余將賊戰敗奮力跟勦殺
至天明賊匪逃竄無路跌斃賊匪三千餘人卽及帶兵
回營將至半山見戈什哈曰奉侯爺命特來迎接余隨
進大營侯爺問曰帶勇若干余曰百名蒙賞羊千隻牛
二百隻大麪燒酒八十隻賊逆冉天元徐天祿被殺情

急向龍安敗走有竄陝之意德侯爺甚爲焦燥將各營將領傳至帳內曰爾等如有似羅守備勇謀兼備者這等醜賊何難勦辦令賊逆竄龍安一路勢必向陝計一月以外定從陝西陽平關一路而出我兵如跟蹤追勦該處盡係崇山老林路徑崎嶇糧草實難運解爾等有何妙策能誘賊仍從此路出來方好攻打各將領皆無人答應余上前曰某有一策能將賊誘出山來侯爺點頭讓各位回營歇宿令余近坐細談余曰請侯爺繕函給額二侯爺暨帶兵提鎮大人請安囑二侯爺帶兵在陽平關防守侯爺曰未知二侯爺兵在何處又差何人

投進余曰二侯爺之兵亦不知行至何處請侯爺將書繕就余單身一人遞送其中自有誘賊之法若差別人往遞不但定計不成抑且洩漏軍機德侯爺允准將各書繕就交余余隨自改裝頭戴毡帽身穿小袄足穿草鞋將書包好藏於懷內攜帶包袱親身向賊營而去一見賊匪隨誦白蓮教靈文混入賊營偷過五卡約有二十餘里天色已晚又走數里見賊幾人睡熟當殺斃三人俱將首級割下復砍一賊砍去頭首半邊賊尙未死大聲叫喊賊眾驚慌羣起躁亂混擾之際余乘時將包裹書信盡行拋棄卽脫逃折回大營侯爺曰爾稟請親

身下書何致途中折轉余曰此係假書誘賊不使竄往陽平關之計現割獲首級三顆獻上侯爺曰如何混入賊營余答曰素知白蓮教靈文始得混入乘賊匪驚亂之時已將書信拋棄如賊獲者知陽平關有兵阻攔必由別路逃竄請分兵跟蹤追剿當時侯爺半信半疑復差探知賊匪將書拾獲送大頭目冉天元閱看知二侯爺帶領官兵在陽平關防守難以逃竄天明時卽率賊眾由龍安之西折回向江油馬蹄崗而竄德侯爺一見大笑卽令官兵分路追剿痛加撲殺殲斃賊匪數千該逆抵敵不住星夜往前逃奔我兵跟追三日又殺賊六

七千人我兵連夜追趕未免兵力疲敗卽就此處安營
下寨次日差探冉天元等竄至馬蹄崗山梁盤據德侯
爺整隊進剿令余仍帶鄉勇三千同翼長溫大人名爲
右隊先鋒進兵攻剿各將領分一十二路而進復命賽
將軍沖帶索倫兵三千奮勇兵一萬戈什哈一千護圍
督後接應余打前提兵行不遠見有人在前途開店賣
酒食余心生疑賊近咫尺焉能敢在此開店隨拏獲詢
問乃稱伊係被脅良民冉天元自青龍口敗後憤恨起
意要活捉德元帥令其開店引誘官兵俟侯爺行至卽
密往給信臨來時那賊人俱各砍竹子取綿絮余聞之

知有詭詐隨傷兵勇沿途行走好爲防備行了二十餘里未見一賊正狐疑開山鞍忽然突出一股前來抗拒我兵均用連環鎗炮抵敵余首先奮勇撲擊將賊戰敗意欲窮追因後路護圍官兵未至又未聞鎗砲聲響又恐賊截斷後路我兵受敵旋又探悉賊匪用計以該遊等被余屢經勦殺駭破伊膽各以竹子夾綿絮用水淋濕並竹筴荆子作成擋牌令各賊執在要緊處一十七路層層埋伏如見羅某八卦旗號卽藏匿讓羅某兵過去俟後路官兵追來卽係德侯爺之兵各路埋伏之賊始出圍攻截斷我兵使首尾不能相顧必擒獲伊之元

帥方顯其能後聞索倫馬隊趕到而埋伏賊匪一齊沖
出賽將軍卽令三千馬隊俱各放箭賊用竹箒攔牌抵
拒以致箭支未能射傷一賊而賊得勢愈行兇猛馬隊
抵敵不住往後敗走而一萬奮勇兵丁及戈什哈均皆
敗逃余聞之知侯爺中計事在緊急卽商翼長溫某帶
兵抵住前路所敗之賊卽將三千鄉勇撤回救援急令
每人懷內衣兜多帶大小石頭以便攻破賊之攔牌趕
到馬蹄崗我兵大敗之際遠見一人在山坡下馬隨人
無多將紅馬褥棄地坐在褥上手執小刀急欲自盡疑
係侯爺余卽爭先趕上抵敵果係侯爺侯爺一見八卦

旗幟知余帶兵救援卽將小刀收入鞘內大笑上馬問賊眾勢甚兇猛兼有攜牌利害如何勦余答曰已令各兵準備請侯爺毋庸驚慌自有退賊之策隨督三千鄉勇一鼓作氣均用石頭向賊營攻打如大雨一般賊眾不能躲攔均各受傷所做攜牌亦多拋棄均回頭敗走余乘勝率勇撲殺該賊等因攜牌打壞不能抗拒我兵奮勇沖殺而索倫馬隊及護圍之兵均折回追趕齊力圍殺侯爺隨後督勦殲斃賊匪四五百人余所帶之官兵內有一兵扎傷一賊並奪該賊手帶金鐲一對後將賊棄至堰坎復往前追經賽將軍帶領馬兵見堰內有

賊卽用箭射該逆大叫不要放箭自認稱係大頭目冉天元該兵隨將伊拖起因腿有傷不能行走卽用馬駝回大營余往前追擊二十餘里搶奪賊旗三百七十餘桿及聞逆首冉天元被擒兼兵丁晝夜辛苦卽撤回大營復探賊首冉文俸鮮大川見逆夥冉天元被擒卽率所敗之賊竄新店子場余督勇進剿途獲一人詢悉被脅良民稱賊雷仕旺股匪因人眾行走不開分成兩路或三日一合或五日一合余聞之知是機關卽連夜追剿是日兵分兩路進剿余帶兵勇千名將搶獲旗幟器械等物執列在前直往賊營假稱敗賊回巢兩面官兵

齊至賊匪正在造飯措手不及向南敗逃我兵二面奮
勇追殺斬擒數千名落堰淹斃無數余親殺斃逆首雷
仕旺鮮大川仍率眾放火燒天寨子並盤據寨上官兵
追至山腳屢攻不克余帶勇趕至查看此寨甚爲高險
兩岸俱係老林又係懸巖徧尋俱無路徑惟中開山脊
上有一小路屈曲灣上去其路甚窄余諭各勇就此銳
氣冒險而上如能搶上山寨定獲勝仗方顯奇功各勇
同余挨次而上行了半個時辰有一坪壩係百姓修的
石牆寨子卽在該處剗住遠看寨子尙高鎗箭難以施
放而賊站得勢用石頭朝下打來我兵深入重地命在

頃刻各勇均皆抱悔
一兵趕下山腳稟請
上來稍刻兵至卽論
巖藏匿俟賊之石頭
人復在坪壩上下往
有滾下卽令左右兵
施放箭落寨內如大
頭者死者不計其數
竄我兵乘勢爬巖而
攻擊賊奔寨北跳巖

進見石卡內有一賊匪沖出五百馬隊齊往下退壓馬
隊人齊聲喊叫羅總爺石卡內有賊匪余卽折轉遠見
該賊向上抵拒隨用梨花鎗將賊札傷馬隊用箭射來
該賊始死余復督兵勇同官兵追殺七十里斬擒不計
其數余獨自向前追捕遠見幾十賊匪均行走不動隨
大喊休走饒爾性命該逆等聽聞大喊之聲卽自行跪
地乞恩免死余趕上隨下坐騎用好言撫慰將賊等挨
次細綁計有六十八名解同大營將賊押至營外進營
稟知侯爺一見大喜曰爾帶兵勇冒險上山在平坦受
敵要五百弓箭手救援今反得勝是何本力余曰係用

一箭成功之法想寨內雖被火燒城牆甚爲高大鎗礮
往上難打救援兵至囑其毋庸放箭藏匿兩巖又令兵
勇在平坦往來誘賊候賊石頭打盡始調弓箭手將箭
朝天上射去箭落寨內以致賊匪受傷卽自行逃竄我
兵搶上齊殺是以得獲勝仗侯爺聞之愈加喜悅曰擒
有活賊否余曰有侯爺曰是鄉勇捉的是你捉的答曰
余單身一人所擒共獲六十八名現已解至營外侯爺
未信令戈什哈看明點數回覆營外果有六十八名賊
匪俱經細縛侯爺怒喝曰爾今冒險沖鋒得獲勝仗雖
然勇幹究係輕生何致一人生擒賊匪六十八名之多

如賊將你戕害豈不冤枉自後務須自重以全大事毋再如此輕生余見怒卽行叩頭半刻時始令出帳遇見各位將領齊來賀喜余曰侯爺剛才申節自思謁見侯爺大發雷霆何致有喜眾人笑云取頭上帽子看看當將帽子取看始知侯爺已給換戴花翎賊匪敗竄楊家塲官兵緊追賊匪不能抵敵亡命奔走殲斃無數生擒千餘名賊匪自此敗後仍渡嘉陵江向河東而逃是年三月余父辭世軍營聞訃欲回籍守制各位大人不准苦求不允只得吞聲含恨力圖滅賊時賊已由儀隴巴州蓬州潛竄兵逼達州賊由新梁墊江逃竄官兵跟蹤

追剿賊自墊江長壽竄入理民茨竹林探聞報鮮大川
帶領矛手三千前來偷營余帶兵一千五百距營十里
安劄五座空營營外廣燒號火兵伏兩面竹林是夜賊
果分頭撲進空營三面伏兵齊起斬擒百餘名賊向糧
台奔逃搶糧台騾馬百餘匹余聞之率領兵勇追殺奪
獲騾馬傷賊多名賊繞上山梁折竄三匯場大小木溪
搶渡渠河向定遠岳池前竄次日官兵跟追過河時六
月追至定遠雲門鎮趕上賊隊接仗痛加剿殺賊又竄
蕭家場舊縣壩飛龍場直追至岳池新場活捉賊匪四
十有餘時勒公爺奉

命降六品頂戴爲領隊大臣自京來川同路剿辦是日賊札飛龍場官兵將賊匪沖殺散成兩股一股由岳池梅子垭一路逃竄德侯爺帶兵追剿一股潛逃定遠地方余率勇追剿活捉賊匪七千多名解送勒侯爺大營是夜鮮大川一股匪攻撲勒公爺營盤余身先士卒督令兵勇齊放連環鎗礮抵敵賊始敗退次日余率官兵尾追賊匪攔截勒公爺後隊余帶兵折轉接應截殺無算追至岳池縣屬苟家場與德參贊合營賊匪向儀隴前進分爲兩股官兵追至渠縣淨邊寺分兵跟剿時七大人仍放四川提督來川過大河追殺被賊戰敗德參

贊調余帶兵救援趕到時候爺令余爲前隊先鋒由營山尾追趕至光遠大川遇賊該逆等對面迎拒余隨身先士卒奮勇攻勦復用鎗礮絡繹不絕將賊匪打敗斃斃賊匪數千餘人賊匪四路逃竄余親帶奮勇單去勦賊行走幾日聞得賊首苟朝九佑據岳池縣地方田鎮台帶兵攻勦連戰七次均被賊匪攻敗官兵在該處駐劄不敢出營又不敢行走田鎮台眼見官兵被圍焦急以此股逆匪非羅某帶兵往捕萬難攻打卽稟請勒公爺飛檄調余前往協勦余馳抵田鎮台大營卽詢官兵七次攻勦如何被賊打敗據稱賊匪一出田鎮台害怕

先往後退是以官兵卽敗今賊已由岳池縣竄入開縣
一路焚掠已去半月之久田鎮台不敢追趕隨向余說
此股賊匪向開縣逃竄爾可帶兵趕上剿捕余曰岳池
縣往開縣由大道萬難趕上不如繞道走渠縣達縣東
鄉縣一路由石碓窩爬巖過去卽是開縣地界截斷賊
之歸路卽可迎剿田鎮台依議余當督勇在前田鎮台
統兵隨後由渠縣達縣東鄉縣一帶深山老林路險難
行之處攀巖而上至石碓窩翻山過去卽是欄木慶地
方隨令各勇將余八卦旗裹住將劊營時賊匪疑係田
鎮台所帶之兵隨卽撲來大罵田鎮台舅子田鎮台官

兵聞聽賊罵卽往後逃跑僅剩余之三千鄉勇抵敵隨令各勇將旗且莫展開復令兵勇於山坡背後埋伏逆賊大頭目伍金元果帶賊眾撲來我兵卽在山後兩旁齊出始將旗展開該賊等一見八卦旗號卽自行東逃西竄我兵奮勇追殺殲斃賊匪三千餘人生擒多名詢悉大頭目伍金元被我兵殺斃隨翻屍首割獲伍金元首級時蕭鎮台福祿從別路帶兵聞余在欄木慶得獲勝仗迅速趕來商添伊銜名會同得勝希圖邀功田鎮台不允余因蕭福祿素常同別將官打仗得勝均列伊一人銜名稟報且此人居心最狠毒是以亦不用蕭鎮台意欲合兵勦賊田鎮台又不允卽帶兵趕勒

公爺營盤

因蕭鎮台所帶之兵沿途騷擾
余恐滋出事端有果是以分兵

帶至五日聞

蕭大人兵至大堰壩被賊打敗徧尋余帶勇救援因余
兵勇行遠未得撲救後余帶勇趕上勒公爺大營七軍
門同桂涵在鄰水罈子壩戰敗賊由渠縣進綏定七軍
門調余同勦攻征將別隊鄉勇移交余帶領是年十月
德侯勒公爺會疏陞補余爲陝西陝安城守營都司

羅壯勇公年譜

東鄉羅思舉天鵬自撰

嘉慶六年正月賊由通江空山垵向錢家山鐵溪河一帶焚掠七軍門統兵勦追被賊打敗復用文調余帶兵勇三千繞道鐵溪河山腦伏兵九處七軍門統兵直由兩河口跟蹤追勦賊果來錢家山將至鐵溪河山腦伏兵突出後有官兵跟追賊匪進前不能退後不能殺得屍首徧坡活捉賊匪一千七百八十餘名殲斃賊首張士龍張士虎蒙勅公德侯俞奏加遊擊銜先換頂戴奉旨交部議給軍功加一等功札一張時藍號王仕虎股

匪窟屯巴州獅子岡余探知先率兵勇一千五百名潛伏獅子岡松林七軍門統領將備滿漢官兵誘賊對敵將至松林余督伏兵齊起上前撲殺殺斃逆首王仕虎斬禽散匪多名官兵搶上獅子岡四路追殺活捉一千七百餘名殺賊二千五百餘名是年五月蒙勅公德侯翁保奏奉

諭旨賞給蘇勒方阿巴圖魯勇號賊逆楊步青股匪在於南江麻柳灣盤據七軍門同余跟追挨晚余同山東官兵札住後營預爲準備是夜賊果撲營遊擊蒲佑盛營卡失去七軍門大營亦有驚動余齊集兵勇殺至前

營奮力攻撲賊迎抵不住乃敗回去賊匪苟文明竄通江兩河口東鄉縣燈平豐城橫山子大堰坝大寧一碗泉等處余與七軍門跟追往來兜剿賊至川陝楚交界之萬山老林余帶勇前敵探殺大隊隨後途遇埋伏余卽帶勇折轉抵敵痛殺一陣始救其危復奪驟馬三四百匹擄獲口糧無數賊竄平頭山及開縣關口平一帶余率眾追殺均有斬獲賊逆冉文儔盤據巴州貓兒寨西寧富鎮臺帶兵勦之該逆踞險逞凶富鎮臺調兵勇三萬六千餘圍攻八月未能攻破稟請勒公爺調余前往協勦余帶兵馳赴軍營查看地勢見山後有一山梁

子接連寨卡傳知兵丁趕造地車三架車輪高有三丈七八尺靠邊用鐵皮釘釘上一層內存放火彈令兵將車推至靠牆比賊牆高有四五尺卽將車內火把火團往賊營拋去火炮齊燃賊匪燒得大亂從山後逃走余督勇追殺殲斃賊匪不計其數賊逆劉朝選股匪在東鄉三墩城猖狂經陝西陝安鎮田大人商同七大人稟明勒公爺調余征勦余隨帶兵勇馳抵進兵第思賊匪近來得勝專攻官兵後尾余先於後路派兵潛伏以敵賊匪尾攻之詐仍帶兵勇迎面與賊交戰而賊果攻官兵後尾原設埋伏之兵兩岸沖出截殺余督兵勇復折

轉夾攻賊匪大潰均四散逃逸生禽首逆王三昆劉朝
選之弟劉廷選斬禽夥匪二百餘名余復在奉節縣長
嶺岡攻勒陳朝觀股匪生禽偽軍師陳天奇斬禽夥匪
三百餘名復跟追至東鄉時連報襄陽股匪入川竄雲
陽江口川北鎮薛大烈在軍營爲勒公爺翼長爲人貪
酷凡軍營大小官弁恭維應酬得好卽於公爺前稟請
超拔如不恭維卽設法毒害不是網責卽摘翎頂是個
奸黨今偕桂涵帶兵勦此股賊匪被賊戰敗賊將伊等
所帶鑼銅帳房旗幟並糧米盡行搶去竄掠開縣加資
潯余隨七軍門由東鄉縣石碓窩至開縣溫湯井一帶

迎頭截勦詢土人知賊已站地勢如分兵可走石埡子
此處係賊必由之路鈔後攻勦可以得捷回稟七軍門
不信七軍門卽黑夜傳令親帶精壯兵丁次早攻打加
當灣其餘弱兵夫子余卽督帶暗由前途五十里中埧
溪行走適有跟七大人走錯之兵趕來一並督帶搶上
石埡子屯劄以便相機行事時都司閔俊烈亦帶兵趕
至兩相會晤見有賊匪鍋帳擁至知賊竄來余等卽分
兵兩傍埋伏不多時賊匪蜂擁而至余督兵兩岸突出
賊猝不及防我兵齊上沖殺追勦三十餘里斬禽五十
餘名賊匪被追甚急跳巖死者多人奪獲騾馬旗幟器

械無數殺斃首逆向老八聞七大人大隊被賊戰敗賊
逆趕來抗拒余帶之兵早已收上山梁而得勝之丁將
馬拴在山梁樹上賊見山梁馬匹疑係馬隊下山沖殺
隨竄入老林余復帶兵追勦一面差丁回大營稟知而
七軍門敗後見執旗之丁被害實甚焦急又未見余帶
兵撲救疑余臨陣脫逃意欲稟照軍法時余之差丁回
營報喜七大人尙有不信之意薛升同問俊烈回營復
稟賀七大人大喜曰你爲何知賊必由石埡子之路余
曰因詢土人知之因此兵劄石埡子得獲勝仗並搶獲
薛大烈敗後所失騾馬旗幟等件七大人愈加喜悅賞

給牛羊酒食以酬其功差探賊匪竄入七里坪老林兵
由澁池子進攻余率勇繞道殺進卡口禽斬甚多賊勢
愈敗亡命奔逃陝西茅平地方與賊逆張子聰湯思蛟
度相堯股匪合夥茅平乃川陝地方萬山老林極爲險峻賊匪出入門戶各路官兵至此屢
敗官兵跟追茅平賊站山梁抗拒我兵糧草由楚省二
竹運來均被賊堵住以致大營絕糧七日兵官被困候
川省糧草接濟亦未運到卽督兵對面迎敵均經戰敗
余心生一計隨率兵千名暗從萬山後老林鈔出行至
賊後營卡賊未隄防余帶兵突至一聲吶喊齊上沖殺
過山斬禽賊匪五百餘名生禽三千五百有零並獲米

糧驛馬牛隻無數解回大營七大人大喜將所獲之糧
分賞眾兵賊敗入楚向二竹一帶老林奔竄官兵屯劄
茅平缺糧實屬無法余上前回明令所獲三千五百多
賊人剝殺煮食七大人應允每日將所獲賊人立新均
剝肉煮食內有一兵向余曰糧煮食一賊係兩箇莖物
余往看屬實此是奇事第二日糧仍未到人
內用完各兵餓急將賊之頭腦尸骸腎囊等類一併割
食惟莖物一晝一夜硬煮不爛口嚼不斷似乎綿絮
至十日竹溪糧米運到始接兵食兵因十日未有糧米
不論生熟餐飽甚
踴拔營有朕斷腸子兵數人余即稟曰昨兵食過飽請
暫緩拔營七大人允准令各兵煮稀飯三日再行進兵
官兵隨由雞心嶺母猪峽入楚進豐溪竹山竹舞房集
後勦時余因出省四季弟思惠自軍營回家遠遠水寨

渺無音信實可痛恨四弟爲人精細沈着打仗奮勇已保外委橫遭水災失余左手也余帶兵追至房縣三平距賊三十里聞新放湖北提督長大人諱齡將賊戰敗創營夜間賊撲永州鎮孫大人名清允營卡未勝退竄茅溪河下來與湖北官兵對敵余探明挑帶兵勇於四更出隊黎明余至茅溪河賊見兵至退據山坡抵拒余督兵勇奮力仰攻殺上山巖斬禽賊人三千餘人是夜賊派矛手一千多名又來撲孫鎮臺營卡未克余聞之卽率兵追殺將賊趕至河邊往上對面山上而逸余卽回營安劄孰意賊匪仍折伏山林欲待次日截攻孫鎮臺

兵之後尾詎孫鎮臺官兵次日未動該逆由後路而行
途遇七大人兵至兩相交合兵不能勝七大人卽在偏
坡之小堡地方屯劄被賊圍困賊人硬將七大人帥纛
旗打斷復上前將七軍門袍襟扯住幸戈什哈用刀將
賊手割斷幾乎被害時余聞有喊殺之聲疑係賊人又
踏孫鎮臺營卡經探子稟報七軍門被賊圍困事在燃
眉隨商同辭升閭俊烈堵禦賊之來路余率兵趕來救
援正向前攻勦之際賊匪遠見余執八卦旗幟均四路
奔走隨督勇跟追斬禽千餘名始解七大人之圍時傳
言賊有明

參贊大臣名亮

藏倭

湖廣總督名什布

躲孫

永州鎮名清允

不怕遇

着圍王

七軍門
名十五

惹不下之語賊向長灘河奔逃余仍覺

勇追至河邊用鎗炮轟擊賊匪搶渡不及淹斃不少活捉七百餘名賊由楚仍竄川境兵由潯楊樹長春填出四川之大甯鹽廠時大兵雲集因無糧米官兵盡食山林野草至七日糧草運到始解兵厄隨同官兵在太平通江南江廣元邊境遇賊迎勦不時接仗均有斬禽是年九月余奉文陞補四川松潘鎮中營遊擊復探賊順川陝沿邊老林時川時陝往返逃竄苟延殘喘官兵分頭截勦余隨七軍門追賊至陝西平利手板巖蛇頭嶺遇賊對敵斬禽七百餘名賊敗竄川大甯二郎墳賀岡

溪盤據山梁余率兵三路仰攻搶上山梁力戰數合賊
匪不能抵敵追殺二十餘里斬禽二千餘名於是由太
平老林向通江巴州前竄余率兵追至南江探報賊已
過河勢向廣元縣逃奔是夜余卽挑選奮勇同都統銜
武隆阿七軍門之子管帶精兵幹勇四更造飯五更出
除意欲繞道趕至賊前雲霧填埋伏可以截賊不許逃
脫滿綱因不知路徑武隆阿命鄭啟賢尋路詢問該方
土人那百姓被官兵攪擾謊說後山有一條路可以通
行余同武隆阿信之卽由此爬山而過而賊在寨垣河
施放鎗炮七軍門疑係官兵與賊接仗卽於寨後統帶

五百兵丁尾追將黎明時追至寨垣河賊匪抗拒七軍門之兵未及提防以致抵敵不住卽敗將下來賊匪緊追十五里那時七軍門穿的是紅織絨袍子見賊追至卽速乘騎飛跑隨後一家人抓住馬尾跟跑斯時天又下雪行至山梁有一叢樹隨卽下馬坐在石礮向家人曰今賊勢利害速急逃生那家人逃走未及一丈遠七軍門情急把衣裳鈕扣解開手執箭隻意向心窩自戮適天大變雲霧罩地對面不見人馬已跑去伊之家人逃至巖洞躲藏賊趕至見有腳迹只說七軍門往前途逃命卽照腳迹跟追稍時雲霧已散該處難民在高山

遠見半山有紅光卽至探視詢悉係七軍門隨背上山去漸避了那背印信之楊把總石玉林被賊沖散藏匿山中洞內有一賊人上前扯住楊把總之足不意土牆內有一婦人窺見卽拋石把賊腦蓋打破背印信把總始免其禍

楊把總在糧臺支銀百兩給那婦人以作酬謝後來楊玉林升任湖北竹谿營遊擊病故

時雲霧已散余見賊無影響知賊尙未過山趕轉至寨塢河始知七軍門兵敗因聽百姓之言走山後而行以致未克救援至三日余趕至大營賊獲予兵一人問先鋒是誰兵曰羅某賊聞之將兵釋放漏夜向廣元渡河往甘肅階州文縣進安樂河而逃余帶勇三千繞安樂

河之山前埋伏次日午間賊至伏兵突出余身先撲殺
兩面官兵一齊上去賊匪迎拒不住卽折轉奔走中隊
進攻之兵未曾隄防以致失利四散七軍門單騎僅帶
十數人由後路搶上山梁賊匪緊追七軍門親手射斃
賊匪十五名賊仍來追殺七軍門被賊鎗傷大膀子入
骨未出正危急之時余探知中隊戰敗率兵順山梁殺
來救護七軍門始免其害余復分兵兩路前後夾攻賊
匪大敗我兵齊行沖殺斬禽賊匪二千餘名

余此次打
仗費州有

一兵爭先上梁這梁子上有一窄路路傍有一大石頭
此兵在此防堵見有賊匪執械擁來此兵單人抵敵被
賊刀傷伊之心窩該兵硬抵以致刀把截斷刀札心窩
該兵忍痛奮命抵住後來兵丁追至那兵並未言伊受

傷恐兵眾心怯迨官兵將賊殺敗七軍門帶兵至此詢悉前情隨即好言撫慰那兵始言心窩帶傷不能再爲出力今刀尙札至心口請驗看七軍門看之甚爲憐憫卽當奏請獎賞那兵將家內所遺父母妻子叩請照應如死後切毋化尸語畢朝北九叩首始將刀抽出心窩鮮血流出少刻殞命七大人賞銀三百兩各將官每員賞三兩二兩不等眾兵每人幫銀三錢及二錢者共湊銀二千令將尸骸送至原籍安厝不多日七軍門被參未能入奏余於道光年間陞貴州提督原擬查訪賊匪獎其子孫因履任數月卽調雲南是以未經查實賊匪敗後竄入琵琶寺埋伏官兵隨後跟追余帶勇前行單身將進琵琶寺見山梁樹枝亂動知有埋伏卽折轉馬頭尙未走動該逆等山上用滾石擊打如雨傷余右臉骨出余因受傷卽棄馬由三道臺飛蹤下來賊見余馬卽沖出擄搶余馬來往認人見來捉之人知係賊匪又

蹄又咬那賊未敢攙身而馬往三道臺飛跑下來大聲
喊叫見余馬卽站立不動斯時余臉上盡是血染未帶
軍器僅執一馬棒卽上前乘騎馬無纏繩不顧生死望
賊處沖來該賊等遠見馬走如飛余之臉面鮮紅疑是
關聖帝君顯聖卽面面相讓開余沖過賊營內有一賊執矛
迎拒余在馬上用馬棒截斷那賊矛桿始跑出平垣復
聚兵勇奮力進攻斬禽賊匪一千餘名賊卽退過北河
竄掠賀家灣德參贊帶兵相禦之戰敗時七軍門因事
被魁倫奏參賊竄階州文縣我兵追勦因兵勇糧餉缺乏衣食俱無各兵無奈在途中打撈度日
復將狗子剝皮作成簑衣披上棕作裏脚足踏草鞋沿
途人民謠曰甯遇白蓮教匪之賊不遇七大人叫化之

兵經七軍門屢次稟催勒公爺賞發而糧餉仍不運到以致兵勇緩程行走魁倫奏參不言官兵缺乏糧餉僅云七軍門帶兵行至太平逗遛賊竄陝境由嘉陵江經過搶過河北是以上命李問迨德參資查明賊匪僅竄陝川邊境未渡嘉陵江據實覆奏始奉特旨七軍門賞六品頂戴因傷發飭令回旗調養回旗二載病故按七大人素日帶兵恩威并著深得民心兵將同心打仗而師隊大帥各存嫉妬故藉事奏參如命七軍門督辦軍務賊匪早命永州鎮豐伸爲四川提督來川接管七軍門原管之兵時值臘月兵劄廣元縣李家坝七軍門交割隨行眾兵均難割捨痛哭震地叩送豐軍門自陝接事諭令官兵將七大人所執正黃旗幟更換紅色旗監立各兵另外劄營巡捕傳諭豐大人甫到條教號令眾兵恐其刻薄卽有鼓噪之意硬執旗冲撲大營勢欲謀

害豐大人余聞之駭異隨邀七軍門之子武副都統

名隆

阿向前大喝曰武大人同余在此兵勇毋得滋事七軍門甫經因事參回爾等如滋事端與七大人不利反罪上加罪大有干係此非衛恩主而反害舊主也莫如遇賊接仗奮勇出力多勝幾仗

皇上憐我兵勇能幹再放七大人來川統帶我兵勇尙可受再造之恩亦未可知眾兵見余再三開導咸皆帖服均各收旗各回營房次日豐軍門接印未敢逐名點驗賊由廣元奔竄通江龍鳳垭楠木坪德侯統兵勦之連敗三次松江提督馬大人

名喻係回子

向參贊曰自帶兵

勦賊以來屢獲勝仗今賊首苟朝九所帶散賊不過四
五千人勢反凶惡官兵不能得勝莫如行調羅某前來
攻剿方可破敵侯爺曰我同提鎮多人不能克敵羅某
乃一將領何能勦滅馬軍門曰羅某自隨軍以來大半
逆首佔拒高山官兵攻打不開均係羅某單人設法攻
破實屬勇幹有爲請卽調來侯爺允准隨飛調余同豐
軍門協勦將抵大營該處之丁威笑余帶些叫化子來
軍兵隨七軍門今載未領糧餉均
披狗皮未免形色憔悴故笑之 余帶兵勇叩見侯爺
曰等爾多時我的好阿哥七軍門與勒公有隙以致苦
果爾等缺糧今景況至此實屬可憐如將此股勦竣定

當重賞復詢余有何攻砦之法余曰要勦此賊須查看地勢再打主意余卽周圍看視這楠木坪有五架山梁僅從一路行走賊於山梁之下屯劄瞥見侯爺包大人所帶之兵矛桿上下均用銀箍嵌上

有嵌十數道及二十道不等暇時在

買賣街市飲酒作樂

余回營稟曰賊佔據山梁恃險抗拒請派兵

一路由平坝至總路口堵住截其來路余率兵鈔至後山埋伏賊若敗退卽起截殺再起大隊官兵迎面進攻定獲全勝侯爺照稟傳令次日進兵余率四川重慶松建官兵余走時四川兵勇均各跟上夜間先由捷路爬巖翻過後山於礮內四面埋伏包大人率大隊官兵迎敵見賊勢凶

猛兼有馬隊沖下均有畏懼之心卽棄甲折轉四散奔
逃該賊等見兵不戰而退咸自上壓下跟追撲殺時色
大人被賊矛傷心口落馬滾巖而逃賊拾獲色大人之
帽並獲馬匹及兵丁銀嵌矛桿余在後山礮內聞前敵
之兵戰敗卽分路鈔至賊巢沖出撕殺得勝之賊見余
撲殺巢穴卽擁轉救援分股迎戰余身先士卒奮力撲
勦督兵用連環鎗炮攻打賊匪抗拒不住大敗而逃余
仍督兵追殺八九十里斬禽賊匪三千有餘親身殺斃
逆首苟朝獻卽苟文搶獲騾馬器械無數奪回原拾銀
嵌矛桿余帶兵勇攜至買賣街用言譏誚曰我叫化子
兵今日也有銀買酒肉用那失銀矛之丁均

敢怒而不敢言賊匪敗後由巴州一帶逃竄余等兵勇得勝撤歸大營各將領齊赴大營賀喜侯爺曰爾等帶兵並不奮勇打仗以致疊次敗陣今羅某一戰成功爾等尚不愧奮均無庸進見余抵營卽傳見曰此股賊兵官兵未能攻破今一戰得勝真可嘉之至容當奏請升擢余卽拜謝候爺清查色大人未見回營忽有余之鄉勇頭戴色大人之帽疑害之卽令細縛將要正法忽洞子裏百姓報信說色大人受傷在山梁寨內躲避卽差丁扯馬接回會晤時詢悉帽子係賊人追急棄失被賊檢獲幸這鄉勇奪回還請嘉獎侯爺喜之不盡隨奏明賞監創

六品軍功並銀五十兩其原奪之帽仍行賞給余所帶
四川之丁各賞二兩重銀牌一面復探賊由巴州竄入
東鄉開縣馬家營老林官兵跟追入山彼時余之兵勇
乏糧向翼長馬玉處領取馬玉曰此座糧臺未發糧銀
你門應該往綏定糧臺領取兵勇聽畢一聲吶喊就執
旗前往糧臺索銀德侯爺聞之恐滋事端令余帶往綏
定領銀行至該縣糧臺將糧餉領獲各勇始製衣服時
嘉慶七年正月矣達州有賊匪亢作朝滋擾勒公爺謂
余帶兵勦之由新甯趕抵達州之蓮花堰遇賊兩相對
拒余奮勇爭先撲殺斬禽百餘名生禽賊首亢作朝又

有偽大元帥杜開皮一股賊匪甚是凶惡各營兵攻打不開又調余前往征勦余遵調前往行至二更後帶四百兵黑夜踏營奮力攻殺賊匪大敗四川兵勇都跟着追趕追至二十里兵都跟不上賊的銅帳先令擄的婦人夫子一萬多先在前途背走他門轉來打算三更時分來踏我兵營盤不意二更時分余已潛赴他營偷抹他的營盤聞知大元帥杜開皮騎的花驃子方纔逃跑余奮力跟追至一溝邊杜開皮過溝一參失足落馬當卽擒獲見伊手桿有茶碗粗一身長的俱是橫毛有一寸多長隨將此賊綁至樹上向那禽獲的散賊說你

門都不要動好爲我看守我歇息一時將軍器靠在身
旁若此賊要逃你門都向我喊說余分不畢因一夜勞
頓就睡熟了內有一婦人二十九歲向前把我身穿葛
布衣服撕拉連招腿上數次余疑此婦有淫亂之心那
知抬頭看時樹上綁的賊人已將頭上繩子掙脫腳下
絆繩尙未解開隨將那賊腳筋割斷用伊騾子駝回大
營又把那婦人寄至寨上與寨頭說明差一人將伊男
人王義文找獲給銀子一百兩令將婦人引回不然余
定不依後兵丁找獲伊夫給了銀子始回營銷差其餘
賊擄百姓解回大營交糧臺分發回家時余因傷病發

告假回東鄉普光寺爲雲寨調養適有湯思蛟度相檄

股匪屯劄東鄉萬古樓

距普寺四十里

是夜賊撲烏雲寨余帶

病率砦勇擊之斃賊數名賊敗仍屯萬古樓次日田鎮
臺兵到探明賊情同余痛加勦殺斬禽賊匪入百餘賊
敗窮奔竄至東鄉大堰坎山梁余仍帶病奮勇攻打前
敵與賊接仗追賊過急馬失前蹄將余蹶落下巖幸手
快爪着巖樹未能跌下而馬同鞍子跌得粉碎矣時德
侯爺同賽將軍追賊匪至新甯余奉勒公爺令同田鎮
與賽將軍合兵劄住新甯普安場堵禦是時隨賽將軍
索倫兵有十幾人在外強姦良民婦女喊叫救命被鄉

勇等看見隨向前將索倫兵扎死十三人始行稟明賽將軍曰既有此事就該稟我懲辦曷敢行凶扎死十三名之多令將行凶之勇卽行細綁鄉勇一聽此言均各憤怒曰老子們殺的言畢一時鼓噪將將軍所劄五座營盤已踏四座僅剩將軍一座營盤內有一兵撲至大營與將軍面禮將軍見勢凶惡慌忙無計隨搖手曰前余錯出之言萬無見怪亦知爾等委曲且索倫淫惡之徒已經殺了今不要你們抵債就是言未畢又有一鄉勇向將軍劈頭一柴棍

此人既看見此人手帶金錫將就不知是將軍未免冒失

將軍把頭一偏隨一跛脚將此勇打至牆邊用亂箭射死

兵勇聞之復行圍住大營田鎮臺見勢不好極力安撫
兵勇不聽田鎮復跪地哀告曰我的好老子們糊塗不
得看本鎮情面內有一勇吃酒大醉大喝曰田大人不
必害怕老子們是要反的得勝之後好保你坐成都言
畢就栽倒田裏去了田鎮見攔阻不住隨把五營大炮
都調至將軍營盤開炮打斃二十餘人兼索倫兵箭法
利害鄉勇始退不然將軍幾喪於累勇之手是日夜晚
鄉勇又商量兵分二十幾路要踏將軍大營田鎮臺又
哭起來余隨差軍功胡文興急與將軍送信請將軍騎
馬同兵快往白巖寨藏躲遲則有失將軍聞之隨帶索

倫兵向白巖寨躲避始免其禍是夜鄉勇撲至大營見將軍逃去卽各回本營斯時德侯爺二侯爺聞之均謂各路官兵防備勒公爺在縣城聞鄉勇鼓噪令將城門關閉三日未開疑係余帶鄉勇鼓噪眾兵驚慌無措迨後始知因殺索倫兵淫亂良民婦女被鄉勇刺殺將軍令將行凶鄉勇綁殺抵償以致鄉勇不服激變成事勒公爺卽起至普安場多方安撫田鎮臺自摘頂翎請罪兵纔帖然適有賊首張長庚竄近白巖寨余帶兵二百於夜間前往踏營大獲全勝斬禽賊匪二千餘名德侯勒公賽將軍見其寡能敵眾可以將功折罪大喜還田

鎮翎頂餘匪亡命折轉奔逃我兵追至開縣柞井垠分
兵追勦余帶領五百鄉勇由東鄉達州一帶勦捕零匪
途次探得湖北賊首齊國點蒲賽景英殿股匪竄至大
竹周家場黃成寨都統武隆阿達斯呼爾帶各兵勦之
余率勇趕上迎頭夜戰截勦斬禽賊匪百餘名賊順山
梁漏夜潛竄新甯東鄉余與武副都統合兵緊追趕至
雙合場賊距前面高山抗拒時值大霧對面不見人余
率勇乘霧罩之時前進攻勦首先衝鋒殺上山巖賊猝
不及防卽各四散奔逃斬禽賊匪六百餘名搶獲驛馬
甚多賊敗奔巴州正把賊打敗勒公爺隨將余調開勦

賊令武都統獨追未幾武大人丁父憂回旗按武大人追勦此股

零匪彼時如有余會同勦辦不過一仗即可滅盡緣勒公因武隆阿係七軍門之子前與七大人有隙意欲設法害他隨詢余前跟七軍門時伊辦理軍需鄉勇每月每名領銀若干余曰日過已久誌記不清請問伊之中軍便知勒公復問軍功鄉勇每月送七軍門銀兩若干余曰鄉勇每人每月僅領一分從何有銀餽送勒公見余稟答無可圖害即將余同桂涵分調令武大人一人帶兵攻勦如敗即可劾奏斯時武大人幸接七大人作古訃音即咨請回旗守制始免其禍

六月內大臣勒公駐夔州差戈什哈

額外高上馬兵黎國瑾運解余營賞需行至大甯朝陽洞里許遇襄陽黃號賊匪伍金柱之弟伍金元股匪戕害勒公得報限余五日進勦淨盡余探明賊窺大甯鞋底山即率勇取道星夜繞至山前兩岸埋伏後帶兵乘

夜偷劫賊營賊匪潰敗山前埋伏之兵兩旁沖出余率
勇跟蹤追殺兩相夾攻遂將此股賊匪殲滅淨盡生禽
伍金元時聞大定協副將褚大榮參將周廷翰均於軍
營招親革職仍於軍前效力贖罪余念同營共事揀派
勁勇二十名隨伊打仗亦在鞋底山禽獲逆首劉朝選
報捷開復仍以副將參將候補渠不惟不報余撥鄉勇
之力反向勒公捏稱鄉勇刁頑以致鄉勇均各枷號三
個月維時翼長羅聲高跟追賊逆張簡羅道雲股匪至
梁山賊竄大竹余帶勇四百名由東新地界趕至大竹
迎勦是夜賊劄仙女寺羅翼長兵劄馬鞍山余隨差兵

密查賊匪所劄之處盡係空營僅有幾個夫子在內造飯誘兵進攻伏賊得手即可沖殺余率官兵繞至山前迎敵於次日天亮時賊有千餘人帶着錫帳下坡而走余帶兵向上追殺斬禽賊之前隊百餘名奪獲騾馬三十餘匹內有隨余稿房姜懷周力戰死之

姜稿房隨余豐次打仗着

有功績已保藍翎千總尙未奉到 殊批茲在仙女山與賊對仗該稿房因帶白蓮教內投出之孩名叫任三保隨伊之馬匹行至河溝姜稿房下馬交任三保拉住而任三保幼穉好頑將馬由溝內牽過前行姜稿房由溝內攬杆過來賊之伏兵由竹林沖出余見勢不好將稿房抓住行了三里姜稿房被馬拖情急將余指咬了一口曰老爺不用管我實走不動了請老爺快向前撕殺恐再耽延果你只求復仇余死亦瞑目矣余聞之嗟嘆不已即騎馬向前追殺忽有一賊手執矛桿扯余馬尾並不與余相扎有禽余之意余回頭見之即用反

手一馬棒將那賊眼打瞎其賊抱痛而逃余復執矛殺
轉姜稿房已經陣亡身上衣服俱被賊人剝去痛傷甚
極即將尸身收殮送回大營賞安葬銀五十應領卹賞
銀五十共一百銀子送至家中後余升任重慶查姜稿
房並無子嗣僅有二女賞伊女銀二百兩又有秀山營
石稿房因在軍營在於別處耽延經該管上司將伊錢
糧開報照逃兵詳辦並拿他之家屬下獄彼時石稿房
回營始知驚嚇之至即赴余之營盤跪求恩全救命余
詢前情隨赴勅公大營稟明石稿房並非臨陣逃匿
實係職營乏人在馬遊擊營內借來辦公乞釋放還給
糧餉勅公允准而原何應姜稿房之任三保因姜稿房
陣亡復何候石稿房因何應不周以致石稿房生氣稟
明經余將任三保責二百條子時軍功外委蔡印從旁
稟曰任三保萬不可用况姜稿房陣亡非伊將馬牽走
何至殞命今受責懲必心存嫉妒將來定害石稿房不
如殺之以絕後患余曰所見亦善隨將任三保誅戮割
取首級摘心祭奠姜稿房靈魂迨軍需完竣撤兵二三
年任三保陰魂遇見石稿房云我找你三年今日纔尋
獲還我命來言明將石稿房渾身打如靛青石稿房再
三央懇任三保不允將石稿房仍行亂打後到房內獲

死賊卽奔往渠縣意由林垵溪渡河前竄梁山地界官兵追至老蔭場分路勦之余帶勇四百翼長羅聲高又加兵五百由李家場迎勦賊踞佛耳巖恃險抵敵余率勇兜殺搶上山梁斬禽賊匪一百二十餘名殺斃僞先鋒岳某關義關義曾投誠余營復逃入賊夥此次軍前禽獲凌遲賊奔儀隴竄入南江余帶兵鈔至廣元水磨河截勦賊折竄巴州余仍與羅翼長合兵追至巴州岳家寺賊分兩股潛逃一竄渠縣羅翼長追之一竄巴州江口余率兵追之兵至巴州康家渠四面圍殺中留一條生路使賊奔逃我兵用連環鎗炮追殺斬禽賊匪一百三十餘名生禽首逆羅

道雲賊敗江口我兵前後追殺賊匪進退無路跳河淹斃三十餘名九月賊逆張簡帶有百餘人竄掠巴達東鄉余取道跟追東鄉陳家坪趕上於是夜三更出隊直搗陳家坪四面圍住黎明齊集團勦生禽首逆張簡滾巖跌斃三十三名餘賊全數斬禽此仗勒公爺奏願慶府趙秉淵團練勦盡加道空銜並賞花翎時報賊逆羅元亨帶領賊匪百餘潛逃東鄉上八廟朱院子余卽率兵由陳家坪漏夜趕至朱院子迎面督勦生禽首逆羅元亨餘匪全數掃滅又聞東鄉樊噲殿經管糧務李令執余八卦旗幟追有一股賊匪賊見旗不敢戰逃奔渡口巖距樊噲殿十里許之石埡子余卽

帶勇星夜趕上時值大雨河水泛漲我兵乘夜衝波徑
渡八九十人黑夜冒雨趕上石埡子余督勇沖出勦殺
賊眾尙在睡卧均皆措手不及以致被余殺敗俱各逃
散當時斬禽百餘人余隨跟蹤追捕零匪於東鄉枇杷
園達州蓮花菴大竹之蒲包山遇賊打仗均有斬禽共
戮零匪五六百人是年十月余帶兵追王國賢股匪於
大甯挖斷堽生禽逆首董掌櫃夥匪三百餘名王國賢
奔雲陽縣逃命時聞逆首唐明萬率匪六百餘名由核
桃坳竄大甯石柱坪余於夜晚帶兵追趕至時該匪正
在造飯余分兵進勦唐明萬帶匪奔逃余爭先趕上矛

傷落馬之賊無數生禽首逆唐明萬訊問時云伊非賊
首向官兵哀求云係被擄良民原充賊之夫子代負鍋
帳官兵見其漢仗魁偉鬚長尺許結成辮子是以信之
正欲釋放忽而羅貴突至大呼曰此係首逆唐明萬余
詢曰爾何以知之羅貴曰伊係陝西西鄉縣人原充一
縣總鄉約平日會舞雙刀故爾識認余向唐明萬曰前
朝多少大將不過漢仗體面今爾如此像貌爲何不與
國家出力反助逆惡是何情由唐明萬曰予原先充本
縣鄉約因縣主貪酷過甚事出無奈始隨白蓮教滋事
余曰爾既會舞刀余有對雙刀你且耍來看唐明萬舞

了一次復思捉虎容易放虎難恐伊脫逃卽令將伊仍行細綁囚之餘匪全數殲滅經勒公奏請升余爲山西北樓營參將奉

旨交部議給軍功加一等功札一張並賞給四喜搬指一個探聞首逆向士傑帶二百餘人竄至梁山交界之分水嶺過年時十二月三十日余商議眾兵乘賊過年之時必不防備我兵一鼓作氣可獲勝仗眾兵不願余不依眾議卽爭先前往撲勦眾兵見余前走亦隨後跟往余晝夜繞至後山向賊營沖下撲殺賊果未隄防遂致敗竄存營之兵又奮勇截殺大獲勝仗斬禽甚多生

禽首逆向士傑並將賊所帶銀子盡行搜獲

按向士傑前經大帥

奏報禽獲乃是假的今所禽獲纔是真的再二侯爺探信的是前跟隨余的鄉勇名叫王貴此人頗有才能又辦事精細凡官兵屢次獲仗都係禽探之信開明路引以致交鋒必克在軍營探信七八年未有一句探信不確路徑甚是熟悉二侯爺歡喜之至若不是他身材短小早就超拔做官及至軍需將竣伊又往探零匪信息不意被賊禽獲將他吊至樹上橫身用刀刮碎肚破腸出已經死了忽被一老嫗打救將副爛皮肉之處用花線縫住執肉丸一枚與他食之老嫗跟身將他背送寨上臨行向寨上人說此係二侯爺得力探子須要好為伺候每天煮粥與他吃萬勿用別物調養七日以後可將他送至二侯爺營盤切勿違悞吩咐已畢俄然不見至期寨上百姓將他送回大營遇着營務處張凱隨帶他引見侯爺言起受害之事二侯爺不信解視傷痕果然不假隨做奏放外委頂戴彼時眾人請他吃酒與他道喜跟身他又酬謝眾人正飲酒間他飲至三杯向眾位說要出帳房閑散一時旋眾

天明我兵折回內有

出視竟無蹤跡噫豈仙去也耶

一賊被追滾下河溝巖高丈許我兵跟追下溝割取首級適有余營旗手雷元之姪雷長生在後亦跳下溝搜檢那賊身上衣服軍功夏才榮

現任太平營外委

黑夜追賊過

此見有人影疑係散賊卽手斬之取首級解營查驗始知雷長生被夏才榮黑夜誤殺於是每遇夜戰兵丁另定口號時羅其清冉文儔二逆餘孽張揚率領殘匪一百七十餘人潛匿通巴老林余率勇取道勦洗由通江烏林埡追至南江大河口范家山活捉三十餘人後由巴州恩陽河長池追至通江草池埡之土地埡斬禽二十餘賊賊匪窮蹙奔上土地埡後面高山賊逆遙跪乞

降余喝令投誠免死張揚曰時值天晚鼠影狂奔前後
參差不一願明早會齊投誠余卽應允孰知張揚星夜
潛逃余率勇追至長池而張揚勢窮始率匪一百二十
多人全數降了又聞賊逆熊老八名洪三余作柄米額
子大鋪蓋糾領一百餘人該匪等現年二十多歲正值
年輕力壯之時每窩營俱擇高山險地自陝過川勢甚
凶橫陝西提督穆大人克金帶兵勦之熊老八早設空
營將賊潛伏穆大人進兵偷營熊老八伏賊均用三丈
長之木竹桿四面圍殺官兵失利穆大人被賊戕害並
傷參將一員兵丁陣亡無數賊卽帶領黨羽由陝西定

遠縣九真墳地方一帶焚掠該地方有朱協臺帶兵堵禦賊匪假充二侯爺前隊打的隊子旗號探兵一見回報協臺問是何人旗號賊答係二侯爺前隊朱協臺信以爲真遂帶兵在九真墳站隊迎接賊見無備就此把協臺與站隊兵盡行殺斃趕至卡子連夫子都殺了乘着一股銳氣連陝西營盤一並踏了數處復查該賊種是晝夜劫營或暗設埋伏以致各營未能獲勝率多受傷內有都司余步雲亦出師軍前每逢打仗卽畏懼退留鎮臺田朝貴被賊踏營追逼飛巖此二人全憑應時巴結時原任龍陵副將候補參將備大容帶兵搜勦被

賊亦把營盤踏了僅儲大容逃出其餘百姓多半傷害從此賊勢日熾將陝西四川兩省營盤都踏了多少所以四州一萬多兵分作三四十路盡害於賊手只有余之營盤往來無定使賊難防故未失利穆大人陣亡之後奉

皇上旨意飭令趕緊設法勦辦務須生禽首逆熊老八解京活祭穆大人如其殺戮即將伊之骸骨燒灰解京祭穆大人時候補參將陳畢係廣東人候人家打仗得勝搶獲賊匪裹脅小孩留至伊家復捉鹽販一名殺了叫小娃說是熊老八意欲貪功若不說卽要殺那小娃

畏懼不敢不從就同陳畢往勒公公處稟知卑職將熊老八拿獲所有解到首級呈繳公公將首級解京

皇上賞給大小翎子五十幾匹竟是朦混邀功後德侯爺二侯爺二人寫札限十日令田鎮臺將此股賊匪勦滅淨盡時田鎮臺把寨上百姓打死的米額子大鋪蓋稟請二侯爺奏明是他打死的亦是捏稟其熊老八余作柄帶領一百賊匪仍未勦盡余密諭探兵如踩住熊老八等蹤跡切莫說是熊老八恐張皇遁逃只報係湖北來的有銀錢之小娃探兵依諭去探回報旋探得賊在太平開縣交界之地窩寺藏匿三憲寫札限三日令

余將此股全數勦滅余奉調趕至兵在雞鳴寺劄營賊在觀音山仙女池劄住卽於是晚帶勇潛往賊營摸樁時賊於樹林內劄營兼因天黑卽未進兵次日黎明余單身改裝由雞鳴寺翻山走仙女池見賊在老林邊劄營營盤俱插紅旗想這旗從何處而得必是搶奪官兵旗幟用竹桿穿起意欲使官兵見是紅旗必率兵往令賊得乘勢殺害川陝官兵往往落其計隨將所帶之勇至五里狹溝屯劄余卽度其地勢僅見山梁一條小路只可行走一人餘無別路可進余見勢不好正在焦急適遇土人給些銀子伊卽引路由左邊山上將鋪帳寄

置雞鳴寺望見山右有一巖洞是百姓避亂之所余親
赴洞內與百姓商量爾等從山頂上過去往下一撲將
賊壓下那百姓們不敢去內有投出一人名陳忠見其
膽頗大命其前往探信不多時回稱適纔探至賊營都
未見人只有十幾名夫子在內造飯余聞之始知是空
城計當吩咐三百鄉勇黑夜順巖摸上摸到卡子十幾
處有露水繼而又摸兩處無露水知賊走不遠纔摸至
正經地方余由下朝上走鄉勇撞住三個賊匪即用木
桿戳打余聽見喊叫莫把桿子戳斷言未畢賊往下一
撲把余撞至四五丈多遠余卽上前捉住一個賊夾住

一賊用手撈把一賊脅骨撞斷又一賊撞着余劈面將下巴壳打吊內三個賊往下逃跑被埋伏之把總李綱帶兵禽獲隨督兵在半巖大殺一陣賊兵大敗將器械桿子一並丟棄奔往老林去了余正追趕忽有一人亂叫轉去余不聽復追至老林就在該處仙女池劄住時遊擊周士貴仍在雞鳴寺劄住余因眾兵饑餓未吃早飯卽調銷帳造飯劄營余隨詢前獲之賊一賊稱一個掌櫃兩係散賊又問他跟隨那股賊黨賊曰俱是跟熊老八之夥眾兵聞之均皆驚嚇伸舌曰此賊凶惡得狠如何不費力就敗了隨將三賊並奪獲一百七十根竹

桿子有三丈四五長一并解送二侯爺營盤隨蒙批回
限三日務將熊老八等全獲再行重賞周士貴帶的銅
帳因路不好走仍安置雞鳴寺令伊帶兵往勦因余足
傷走不得卽在臨同井劄住囑付把總李綱外委夏貴
蔡貴曹文起曹成貴帶兵緝拿時值閏俊烈帶兵追趕
一股賊匪過來余就堵禦之處接殺該賊腹背受敵隨
卽大敗當生禽頭目洪三並獲從黨一百九十四名次
日將所獲洪三等一百餘名解至臨同井余隨問洪三
熊老八藏在何處從實說出就生成爾之性命充當鄉
勇洪三曰前三日在仙女池打仗卽是熊老八因伊腿

上帶傷眾夥將伊安置某處並留有米糧命兩個馬蛙伺候調養半月候將腿傷治好再行接來這是實言不敢隱諱恐不信情願同兵前往包去拿獲周士貴曰這賊詭計異常此去恐中賊計余曰無碍余隨吩咐派兵三百將洪三前後用二三尺短桿押住行走余令眾兵沿途小心如有動靜卽行扎死隨同洪三行走一百多里從一山溝徑過洪三說他們造飯就在此溝打水我們看熊老入在此否行至一處還有銅罐窩子用手摩灰還是熱的想必是熊老入在此大約逃走不遠作速追趕必能禽獲內有夫子熊禮貴同兵跟蹤追至仙女

池下將熊老八禽獲熊禮貴問你是熊老八否伊隨誑
說我非熊老八熊老八是我兄長適獲跑過逃竄你們
快去趕他不然卽逃遁矣夫子曰爾是與不是已經捉
獲誰肯釋放又有夥賊二人帶傷未死旋卽拿獲詢熊
老八是真是假二人一名王三稱一名李貓一弁解回
營盤時值半夜余正睡夢間周士貴前來報信連聲喊
說大老爺你快起來余隨驚覺只說賊來就站起來詢
問甚麼事如此張皇周士貴說拿獲熊老八特前來與
你報喜余聞之實深喜悅隨先稟明侯爺然後再解犯
送營正擬同周士貴將熊老八解往大營

雞鳴寺地
方駐劄

逢侯爺派五百官兵前來迎接令余仍折回搜捕零匪
余就遵示未往當將熊老八交付五百官兵護解回營
侯爺一見要將熊老八洪三李貓等正法余聞隨稟請
侯爺說掣獲熊老八亦虧洪三指引似可將功折罪將
洪三赦宥留營作爲眼目侯爺不允說洪三從前戕害
多少提鎮大員豈肯釋放若要眼線將李貓開脫留營
驅使就是侯爺隨把熊老八洪三副了殺了洪三查看
心內有中碗大之磨是方的其餘之賊盡行誅戮侯爺賞將己身俸廉銀五
百賞余並賞兵勇銀一千兩賞周士貴花翎一疋熊禮
藍翎一疋並跟隨侯爺探子史金川等七名均賞戴翎

子內有史金川軍營探信見一奇事一日探至明通井金子山頂上有廟宇一座他就走至廟內天晚肚飢有兩天未吃飯就在廟中歇息見一道人只有一邊長的鬚鬚鬚上禿子問他不說姓名在廟內做包谷米飯道人留他酒人人吃晚飯第二日史金川將剩餘之飯熱熱吃畢就要道謝起身欲開飯錢時道人忽然不見只見山下二面俱是奇巖僅前面一條小路後首無路兩面自關閉四面尋覓竟未見道人蹤跡到第二年史金川又探到伯女池地方有一小廟內有一神像年久被陰雨淋壞只有一邊鬚鬚鬚上頭髮亦無了被雨滴些窩窩纔知道前所遇之道人即今之神像此是一宗奇事後來史金川升了副將才不在的這七個探信之人侯爺又諭曰熊老八早經奏報擊獲此時亦戴翎子所禽真賊恐未便入奏侯再獲賊另行陳奏並賞敘銀一千獎賞出力兵勇又吩諭曰奉

皇上諭旨因穆提臺陣亡飭令將此股賊寇迅速勦盡

今熊老入雖獲而余作柄尙未就禽務卽設法禽獲凡爾所保之人概行保奏倘敢懈怠定以爾是問余遵令卽晝夜焦灼寢食難安時有勒公爺翼長羅聲高德侯爺翼長馬玉是一回子二侯爺翼長哈封呵三人稟說余作柄這股賊首僅差羅某一人卽可就禽於是公爺等三人會札限十日務將此股賊首挈獲爲要余帶兵勦辦又聞賊逆齊國點糾領一股賊有千餘眾經馬玉羅聲高攻打未開被賊打敗官兵受傷無數該逆等恃強又與打散零賊合爲一處甚是兇悍但凡別路官兵與賊對敵多打敗仗三處翼長復又稟三大帥會札前來前

敗餘賊暫勿追勦先將齊國點賊眾勦辦余接閱之下
轉身前往勦辦聞賊已在通江茶園溝地方滋擾二侯
命令眾兵背桿子在後頭催兵是翼長大小將官都是
要打斯時余還未趕到後余至日翼長大怒曰爾帶之
兵因何此日纔到定是在途逗留余曰多遠路程若從
大道行不得兩月亦得一月余由小路五日趕至還言
遲了豈不是故意挑飭余就不悅隨聞二侯命在後劄
營一連數日總在責懲將官因不出力向前勦賊余到
時天下大雨侯命未上來劄營亦未進兵那賊益加猖
獗兵不能敵若遇交戰兵即逃跑次日余親查看地勢

見賊站據半山坡堵住來路參將李三元帶兵往山頂
攻打抵敵不住卽在山梁後等待守備余步雲亦帶兵
幾百畏縮不前嚇得不能言語余叫他快轉來莫把我
兵牽害余早於山後潛伏聞二侯爺進兵攻至寨上余
隨帶兵四百從後山趕出賊見余之八卦旗就亡命奔
逃余卽督兵勇痛加追殺賊由大隊內沖出官兵盡被
沖散前途二侯爺帶兵抄接前敵鍋帳等物亦被賊匪
焚燒二侯爺之兵敗退聞余得勝隨卽折轉截殺兩相
夾攻殺得賊匪七零八落往三路而逃官兵得勝俱赴
侯爺上邀功侯爺問羅某何往余步雲答曰交戰時未

曾趕上侯爺曰多少勝仗虧羅某一人之力此股賊匪若非羅某趕來官兵幾乎失利何能得勝余步雲未敢答對卽退余探賊敗逃至太平白芷山地方站據侯爺隨派余同瞎馬三馬遊擊都司邱鳳岐周士貴各分帶兵勇跟勅余等星夜馳抵菜子巖半山老林把地勢已相就分兵安下埋伏余隨帶精銳前進黑夜行至菜子坪偷營該處山坡高有七八十里余同兵走了半夜會天下大雨不能前進見有房子一座隨進房躲雨時瞎馬三帶兵在此燒火烤衣余令不用烤衣伊兵不聽余就親點兵數只有二百二十人自思賊有四五百眾寡

不敵卽乘天未亮賊未防備前往撲營賊驚亂一股朝
山上奔一股合兵往下跑一層兵一層賊山上之賊見
兵敗卽跟追下山余兵趕至兩亭巖將藏匿之賊悉數
禽獲復逃至三亭巖地方余見此巖兇險崎嶇難行且
兵賊驟擁良莠莫分如何勦殺手執馬棒大喝說穿乾
衣者是賊穿濕衣者是兵斯時一層賊夾一層兵此處
有幾十丈寬盡是水打成溝非從此溝跳越不能過去
余單身幸由夾草這邊往返數次未致跌下溝去惟楊
貴才等二十五名自不小心以致墜巖殞命而跟余之
兵僅剩楊狗子一人時值大霧對面均看不見斯時余
未悉何故一步難行卽將所穿羊皮大襖掛鈴記交給
楊狗子令其逃生聞賊獲官兵問誰帶兵上寨那勇答
曰羅某賊聞之卽行下山徧山搜尋在余身邊往返數
次幸有霧罩對面不見人未被禽獲天明時寨下官兵

鎗炮連聲而賊始退進寨時有跟我護圍係投出之五十多人被霧迷路未見余信疑余被害分開找無着落咸皆啼哭曰前者我等被禽蒙羅老爺恩待收用今老爺若係被害我等仍充白蓮教余大吼曰誰敢逃走伊等見余卽大哭一層層直逼旋經伏兵齊出截殺賊首場仍求隨營效力

尾難顧大敗奔逃隨禽賊匪一百八十七名內有兵丁五十名兼有跟余內丁一人李中雲追趕賊匪亦被伏兵禽獲細綁說你有銀子否李中雲答曰老子到有一個卯子那旁邊兵勇聞其聲音知是李中雲方才解放賊敗後又分成幾股奔逃卽派守備王萬邦帶兵跟追齊圍點一股賊匪被追情急卽四散逃跑僅剩五人從百姓寨子旁經過被寨上百姓鎗斃一名捉獲四名王

守備卽將死賊首級割去活賊四名細鄉回大營獻功不意寨上軍功先至侯爺處稟報王萬邦回營不知徑見侯爺稟曰這獲首級是守備一箭射死侯爺說此乃百姓所獲何云是爾追殺一味冒功當先責四十棍許的花翎未賞又探聞齊國點被余戰敗逃至太平八臺山之黑漆溝余跟追殲斃該逆之夥曾芝秀胡明遠王青熊翠等悉行誅戮此係四年五月間也斯時王士貴苟朝九潛逃無蹤間有殘匪或七八人或十數人輾轉萬山密箐之中兵向東捕賊往西逃狡猾異常徒勞兵力余親身隨帶二三十人餘皆夫子故設計多縫白旗

遇賊與之合營以期全獲一面分兵令投誠口之楊文朝陳忠夏清讓等眼線各裹乾糧深入箐林捕緝賊蹤伊二人執旗於前余跟追於後開太毗連有賊五十餘人余率白旗直往與賊合營隨將賊全數弋獲復自太平仙女池入山至十里坪遇賊十二人前來合營全數拿獲卽派勇丁解回大營是晚余帶兵至明通井又遇賊一二百人卽於此處概插白旗而賊站山頂相距余營里許隨令甫經投誠素曉賊情之夏胖子卽夏清讓向前探聽更初回營帶來四賊因於賊黑夜走下半山之時余假令鄉勇大喊者莫非紅兵賊皆明誓曰非也我

等是某號白蓮教余因僅帶數人餘皆夫子今居萬山之中恐眾寡不敵假意不信乃令大喊來係紅兵明日再戰賊曰明日纔知真假余進營用言嚇詐帶來之賊四人曰爾等均係紅兵令其細綁四賊聲聲喊叫大師傳我等本是白蓮教於三更時將賊斬首隨帶兵夫潛於老林柴扒兩旁埋伏賊於次日黎明下山伏兵由兩旁沖出一鼓勦擒賊驚竄過城口後山石門老林余隨跟追悉被勦滅是年三大帥奏報三省肅清晉封經略大臣爲一等威勇侯參贊大臣德楞泰爲一等繼勇侯加太子太保銜四川總督勒保爲一等威勤伯加太子

少保銜出力諸將皆沐

殊恩是年七月三大帥會兵於太平三河垣更名三侯
垣德參贊還朝額經略赴陝楚察看邊陲情形勸參翁
駐紮定分督兵將於險要之地防堵搜捕零匪是年九
月陝省南山餘孽苟文洵趙洪周勾結土匪四五百眾
潛渡漢江竄西鄉屬之九陣垣假執經略前敵旗幟詐
稱額侯隨後統兵該處防堵副將朱槐信以爲然卽帶
兵出隊迎接均被戕害隨竄巴山林擾及川邊勢甚猖
獗陝省官兵屢戰不克破軍甚多額經略自陝調余協
勦余帶兵行至太平與川北鎮田朝貴合營趕至大池

垣隨同額侯爺進攻在巴山林雞山林分兵埋伏隨與賊戰賊潰西竄守備李朝相帶兵尾追遇林內伏賊沖出被其戕害折兵數名賊順川陝沿邊松林垣奔劄定遠廳老林高山恃險抗拒龍陵協副將桂涵同余帶兵於三更時起身直撲賊巢兵至已五更忽見天星墜落

星有五寸長

如雨點一般知必非吉兆余叫不用前去卽折

兵乘黑夜退回而先出之兵被賊接殺殞命約百十人

前知此地爲望鄉臺爲行兵所忌且山過高兩面均係懸巖兵一眼望不見頂故而兵敗受傷余聞敗

同桂副將分路攀巖冲上賊巢斬禽賊匪數名賊由皮和舖奔太平冉蒙垣對面萬山盤據余仍攻前敵斬擒

豈肯輕饒莫如我等先行劫營乘其未備可以獲勝若能將伊擒獲免有後患賊眾應允卽行撲來余劄營離卡子五里許有一涼風凹舊卡因所帶之勇無幾意欲前往各將領勸阻余不聽卽單身一人赴舊營駐劄一時心機暢然且歌且舞迴首思之有喜必有憂適楊大人某告三千奮勇兵前來勦滅此股賊匪余備買猪羊酒食犒勞時因兵未到齊令夫子把酒背上柯家坪分賞背至中途被賊擒獲一人問官兵營盤劄在何處夫子答曰劄在柯家坪未下營盤官兵正在飲酒大醉探賊之包相卿又被賊堵住來路以致未防

該處高粱酒包穀酒甚是

利孰意賊有一百餘人各執桿子由白笋坪萬山潛越
撲來劫營將余圍困余思一人如何抵敵斯時尙有兵
懷五百卽行背負手執雙刀大聲吶喊殺出舊營由賊
眾冲出行至先劄之營又率兵勇折轉夜戰拒敵天明
斬禽賊匪三十餘人賊敗退白笋坪余率兵由明通井
木坪河截勦賊仍入陝余帶之兵與各路官兵至城口
會合是月勒部堂還成都額經略進京德將軍奉
旨爲欽差在川陝督師搜捕零匪余同田鎮臺由南天
門入陝軍行孟石嶺截至安康荆竹洞探賊據入仙河
後面離兵劄之處有三十餘里余曰我兵走乏天色將

晚賊占高山必有準備我兵暫歇以五更進發俾兵力

精爽一鼓勦擒田鎮臺不允

田鎮臺見賊將至不顧兵就跑上寨子百姓送外號

叫曰寨頭至汗田坪犯田鎮忌諱又移駐別處日落時連劄

三回營盤因主將主意不定累壞三軍以致兵力疲敗

是年門大人作協臺時在汗田填至一廟有一神像取

兵道去跪地叩首有說是財神又有說是關神門協臺

進去拉着老爺的鬍子說你既是神人廟宇朽壞百姓

道修如何不顯神使賊匪早滅與你重修廟宇你叫甚

麼神神一時問得情急淚流不止有說是原流水有說

是裝的水問之帶路百姓是何廟宇曰是藥王廟官兵

置給絲簿交給帶路之人分散四鄉

百姓樂輸建修大廟是一莊奇事

跟身田鎮勉強發兵來迎被賊戰敗損傷旗手六七十人折兵二三十人即於次日分兵余未等分兵就各人走了去同貴州遵義

協劉副將赴散子坪與德侯爺兵合復聞賊有四百多人竄平利縣楊道士溝盤據賊意欲楊大人遇春帶兵來勦必犯地名可以獲勝時楊鎮臺同楊提臺統兵二萬迎面攻勦命余攻打前敵行至該處安劄營卡余曰兵雖設卡堵禦而賊據山上恃險抗拒須分兵由後山抄至賊巢官兵迎頭截殺兩相夾攻方可取勝正在會議進兵忽有一股賊從後山背後沖出已將貴州官兵及李國棟所帶之兵戰敗入樹內藏匿桂涵驚嚇帶兵翻山而逃

兵敗如山倒一般

楊大人同余率領兵勇均各畏懼

回首奔逃

跑的煙氣迷途石不見人

且左首懸巖人馬難行我死兵

勇無數楊大人護圍之兵均往後退卽將帶兵之把總
正法一員護圍兵勇始不敢逃散賊乘勢追殺楊大人
幾乎落馬幸有伺隨之書辦裁縫等抵拒力救未遭其
害余見兵敗楊大人嚇得滿面失色卽向前護救楊大
人見余撲來卽稱贊不已令其督勦卽帶兵二百忽有
隨余鄉勇十三人從山巖內逃出亦卽帶上固原官兵
先有畏懼見余首先沖鋒卽隨後追殺余督兵勇迎面
抵敵鎗炮不絕賊力疲敗意往後竄隨率精兵向後擁
搶上寨寨旁所藏官兵沖出接殺一陣斬擒賊匪三百
八十餘人芻朝九奔逃余同兵屯劄是晚桂涵亦帶敗

兵回營各路官兵割獲首級二十餘顆經楊提臺驗收時余曰所獻的首級均係兵丁跌斃死的請勿

庸收而翼長馬玉賊敗潛逃龍山該山在在深林樹木囑余曰不必認真

叢雜賊轉輾逃竄苟延性命官兵跟蹤窮搜余率勇往

來平利安康馬鞍山青草坪長坪探信軍功辭禮在此被賊禽獲剛了等

處萬山深菁陸續俱有斬擒賊勢愈窮余同馬軍門兵

合一處搜毛濫河腦趙洪周殺斃苟文潤來獻趙洪周原係賊

匪因官兵大勝伊即投誠迨苟文潤勢強伊又往官兵投而苟逆勢敗伊將文潤殺了來投降降奸詐之至

搶上山梁斬擒賊匪百餘人匪竄川邊老林德侯翁奏

賞趙洪周花翎現歸本姓張改名洪周後陞陝西西鄉

營都司趙洪周楚省人原充賊夥應即正法余同田鎮

陝西勇全錄

振綺堂叢書

帶兵回川在太平大黃山搜獲巴州老教賊婦一口

此婦

約二十多歲伊夫姓苟係賊探馬在望鄉臺被兵打敗拿獲時身繫弓箭撒袋解送馬軍門斬

之嘉慶九年九月內陞補余四川太平協副將賊竄大

甯洪池垣兵由石滾坪至萬春河田鎮臺劄營半山余

詢悉該地離營四十餘里問明道路余曰兵預劄上鳳

凰頭山腦先截賊之歸路以便攻剿田鎮不允仍劄於

彼余同閫俊烈劄鳳凰頭次早大霧迷途軍功彭雄往

探賊情出營數里遇賊戕害賊知有兵即假兵進營窺

探余同閫俊烈率兵轟擊打斃二十餘名賊折入深林

余督兵接仗多時田鎮帶兵才趕到斬殺多名

此仗余若不劄

兵至鳳凰頭那賊窺見官兵自下而上賊恃山高又險定然官兵大敗 賊由此竄開縣綵

塘溪余隨賽將軍馬軍門田鎮臺帶兵勦之賊佔山梁

抗拒余解衣督勇連戰數次獲賊多名賊敗逃官兵分

路追趕洪池隄時有二侯爺戈什哈執令督催各路官

兵入林搜勦余瀉令隨探隨追李干總原先白蓮不聽

勉強執令督催官兵趕至紫城老林被賊剛了官兵追

至該處因樹木叢雜馬難行走均徒步入林捕搜斬擒

二十餘名賊竄十里坪絕糧七日由龍潭出覓食包穀

天花而外圍城寨民被賊擾害又兼天旱日食無有聞

有殺馬食用余酌給銀兩並散給米糧等物兵至高坪

與德侯翁兵合命余仍同馬軍門及鎮將帶兵自太平
青灣子入山抄至十里坪前賊聞兵至折轉東逃該地
四面皆山深林密晉軍行無路官兵俱彎身鑽林形同
穿窬兵至葱子坪額侯翁復親出督師時賊盤據深林
每出擄掠一次又復藏入我兵進林而賊路熟就逃跑
無蹤馬隊實難施用額侯翁詢余此股賊匪如何攻剿
余曰賊滅無定兵連絡劄營三里一座五里一座彼此
接應方可搜林侯翁聽從遂安劄連環營卡賊始出林
並令用刀伐樹木賊無躲藏是夜賊匪率眾偷營余先
已預備督兵抵敵賊敗竄葱子坪是日大霧迷林兵賊

相撞前兵奔退余執戟上前斬擒三十餘賊餘匪滿林
奔逃至剪刀架由太平一帶前竄余督兵跟剿聞有土
豪陳熊爲首招留賊匪千餘人在安康屬之釘錘寨往
來騷擾搶劫糧臺額侯爺帶兵攻剿三日因該寨堅固
形如螺絲轉頂兼有滾木壘石是以未能攻開額侯爺
翼長馬玉見寨難攻卽稟曰請勿進戰可委安康縣就
近辦理去訖時余同閩俊烈至此安劄閩俊烈曰誰能
打開釘錘寨我情願由伊跨下關二十四次余聞之曰
爾可先闢一次作定錢伊便不允眾人在旁曰羅某有
本領必能攻打終是要闢的曷不先闢一次可以算了

伊仍未允後余帶兵繞至釘錘寨在寨腳安劄寨上之賊用鎗炮掀打余卽把營盤移駐離寨不遠之密深竹林隨派兵五十名在林內埋伏相機而出余劄營後兵往買賣街買東西先給銀子後與貨物而兵交銀賣貨之人並不給物眾兵太忿曰何處來的惡霸物敢行霸道哄圍着喝令責打伊被嚇情急始說伊是探信之賊眾兵聞之卽欲進攻余曰額侯爺已帶兵攻打三日未能打開况余等兵單力弱恐後有失再當三思而行次日余密挑兵二百潛至鋪草林內令軍功帶隊翻山而行賊逆陳熊見大隊撤退又帶眾執旗下寨欲搶鑼鍋

帳房將至營盤鋪草內伏兵一擁沖出痛加勦殺賊不
及防卽行敗回復經前伏竹林之兵突出截殺我兵首
尾夾攻賊匪進退無門殲斃無數餘賊亡命奔逃我兵
跟追生擒賊首陳熊並獲賊二百一十七名余將營仍
撤抵釘錘寨余隨差人上寨示諭曰爾等眾人若是被
擄良民儘管下來投誠後來投一人詢名吳玉係位秀
士請兵上寨撫慰余卽派兵同該秀士上寨曰爾等務
將寨內之人如係賊夥就帖一非字若是良民就不帖
字眾兵去後寨上將好百姓衣物銀錢搬下投營後眾
兵上寨內搜出空銀鞘一百五十個帳房一千三百五十

龍隨將寨子燒了將牆子石頭俱皆掀毀余令將所獲賊首陳熊陳忠邱懷張龍楊寬周鼇余秦楊滾杜良龔賈楊才杜升十二人令兵押解回營另叫各兵斫茨如鋸子一樣把那些賊人衣裳剝去每人上下責茨一百俱解至侯爺大營其跟隨餘賊是就近百姓跟到賊人打和聲吩示解交安康縣發落額侯將陳熊審訊伊等非是白蓮教實係釘錘寨土惡傳余進營侯爺大笑曰爾真算明幹有爲這釘錘寨上之賊虧爾奮勇三戰成功實屬可嘉獎賞余銀五百以酬其功並將所解頭目梟首示眾隨與閻俊烈合營要跟前議而閻與余叩了

三叩頭大笑而罷是時賊匪四散在二十一
逃竄奸猾異常白天劄住三十里高山及至
夜晚又跑三十里找高山劄住遠望瞭哨總
趕不上縱然官兵各營追到賊已逃竄三十
再跟追三十里賊又前竄三十里官兵共追
了官兵跟追半年費許多心力屢追不上腿
動了實難勦辦勒公爺看勢無法說此股賊
不能勦辦卽當行文檄調余奉調就星夜馳
見勒公說二十一州縣打散零匪限你一個
十一州縣零匪勦盡余領諭去後隨查得賊

股彼擊此竄在各縣擾攪何曾有二十一州縣賊匪之多因賊黨到一州縣報一股賊匪二十一州縣所報還是這兩股又聽得該處百姓與賊黨抗拒被賊戕害百姓三四十人勢益猖狂余心中思想若打余之八卦旗征勦賊黨一見必然不戰而退隨生一計傳寨上紳衿下來商量說破此股賊不難我們官兵要從你們寨上下來借你們草帽打你們旗子假裝百姓下寨誘敵必能克服紳士不允恐官兵上寨騷擾余云倘有騷擾情事余卽懲辦始行應允隨先暗令一支兵前途三十里埋伏等候又吩咐各兵改裝易服頭戴百姓草帽子手

執百姓旗幟往寨上下來叫各兵俱把桿子拖地
百姓背後行走余令百姓數人在前打着他們旗
叫賊匪打仗賊一見寨上百姓遂蜂擁撲來說早
死你們多少你們不怕死又來了百姓隨閃開回
跑賊跟身追來余之旗手將八卦旗展開賊匪一
卦旗號就亡命奔逃隨生擒多人令兵解回營盤
帶兵尾追賊黨就朝前途逃竄將至埋伏處余之
沖出截殺兩頭夾攻生擒賊匪二百七十五人又
押解大營余帶兵轉來時問起先獲之賊可送回
寨上婦女答應我們用彎刀斧頭全行砍死余問

與云伊父子兄弟妻室兒女被賊遭害因此砍死報仇
眾兵一聽大怒我們捨生拚死擒獲之賊被百姓砍死
豈不勞而無功俱各不依那寨上紳士無法纔買備猪
羊酒食犒送兵始安服官兵將死賊首級割去解赴大
營當蒙勒公飭赴糧臺領賞算此股賊匪剿竣仍帶兵
於大平沿邊往來防範搜捕未盡零匪時報王世貴勾
結土匪三千餘人由陝竄入老林余卽帶兵分頭搜洗
是年五月十九日搜至十里坪殺斃王世貴夥匪全行
就執仍於城口毗連邊境一帶巡防

時行營夜間常聞
鬼哭必是陣亡病

故以及被害夫役買賣等人隨分示書寫路票刻板用
木印刷千萬張票子不論各省各府州縣兵夫鬼魂飭

令廣燒路票到那處劄營卽在那處燒路票燒錢紙以作資鬼盤費凡經過關津渡口城隍土地勿庸阻滯令其兒魂各歸故土余是日回到太平又刷路票送鬼魂回籍是夜晚有一傳號叫魯雲在家內睡熟不知道怎樣跑到城外河裏據魯雲說看見千萬鬼魂向他說你回去與大人請安道謝說我們票子都有了請大人不用刷了後來知道錢將魯雲招回來問余又帶兵至太

平雙河口巡查據窮民紛紛具控土豪唐明英借放包穀重利剝民春間價昂每斗扣銀一兩二三錢仍加大利立約到冬初價減又以包穀准折每借一斗子母加還一石有零皆受苦累當將唐明英重懲令止還本余隨出示不准放債圖利又各處出示嚴禁燒熬倘敢故違加等重辦又出示借一斗還一斗一縣百姓都不敢

放債圖利於是此風少息十一年正月余因軍事少息

卽在東邑原籍普光寺追薦先父補敬哀思念七七四

十九日經割股五次於經堂以伸罔極

左勝四次
右勝一次

是年

余行至罈子峽見此峽口二面山巖高不可攀山河水

發插翅難飛往來行人多遭水災余捐資於罈子峽北

面半山建修偏橋一座長二里許於是上下行人均稱

爲便隨於上河梭板洞朦朦溪捐修木橋梭板洞上有

龍泉四五丈高一股水常往下流卽建修橋亭避之是

年兵至獅子寨山前生成獅子口張舌缺故名獅子山

查詢前明張獻忠經此毀其舌山巔之上形如刀背二

面齊巖高十丈前後尺寬中有丈寬之地余於此建修
真武廟接修小廟二座改名真武山案前桃花石棋盤
一塊令人吟詩鐫石石上另備鐵繩便其進香余故里
古利普光寺教匪擾亂兵燹之後廟宇悉被毀壞余捐
銀千餘兩補修完好太平廳北九十里花萼山其山最
高爲渠水山之祖由終南山發脉層巒疊岫周圍老林
約數百里而太平諸山又皆發脉於斯山中一廟供祀
花萼老祖世傳三國徐庶隱寓於此真仙境也余行軍
屢經其間不忍古迹湮沒於是捐銀數百極力培補即
在太平石塘填捐銀五十兩買田土一分以資住持照

應香火又太平廳南距城一百八十里石岸口對岸寬
潤五丈許高十丈許山溪水險原有石橋隨修隨塌往
來艱苦余捐銀千兩建修鐵索橋一座鐵練六根兩面
鐵柱十二根鎖橋刀戟二把十一年五月工竣太平城
南三十里橫山子余捐銀百兩建修木板橋一座上建
涼亭蔽之是年七月陝省宵陝廳兵叛蒲大芳又名蒲
跋子
王文龍陳先倫向貴等滋事於宵陝五郎鎮余差人往
探僅四百餘人商同署太平廳同知袁詩秀預備糧草
挑帶兵丁由小路星夜往彼撲剿袁君以事屬隔省未
便輕動爲阻後聞賊破洋縣擄一萬多人德侯爺調兵

六萬剿之派余帶兵在川省與陝西交界處防堵田鎮臺再三稟請侯爺調余協剿余帶奮勇兵一百五十名行至洋縣適有欽差札大人克塔爾薛大人楊大人遇春楊芳田鎮臺五位正在商議行兵余曰兵打兵與剿賊不同必於劄營後先派一支兵前去探視看他們對仗如何余素知兵心查伊等先年在軍營俱皆相好恐其結爲一黨裏應外合必要失事田鎮臺曰欽差薛大人札大人並楊大人遇春在內行兵無得多言余暗想此回行兵必要失事隨向田鎮臺說余二年未見德侯請給假前往問候田鎮不解其意隨允准余一兵未帶

行至城固謁見侯爺詢問單身前來爲何余曰札大人
商議行兵之事余言兵打兵割下營盤務先差一支
兵去接仗兩兵相遇看他們打不打然後方可開仗恐
伊等結爲一黨裏應外合必然失事伊等以余無知不
必亂言余恐有損是以告假來見稟明侯爺大喜曰行
軍必須如此隨把余帶之兵一百五十名調來又守備
穆雲所帶三百五十名兵亦交我管余帶兵五百名護
圍侯爺卽合兵行走至漢中褒城留垣探信回報札大
人們打仗時兵見兵拱手作揖雲端要殺官不與我們
兵丁相干西安馬隊聞聽就回頭一跑跟身田鎮臺嚇

得落馬拖鞍而逃叛兵就跟追八九十里至方柴關楊大人見勢不好先搶上關寨跟身叛兵圍住方柴關已經搬柴堆齊寨高正要放火時有跟楊老大人的戈什哈喊叫說老楊大人在此叛兵不信戈什哈纔將老楊大人揍上牆子隨大罵不曉事的奴才爾等在此作死麼叛兵一見老楊大人俱大驚首逆蒲大芳王文龍等率眾至寨前跪哭乞降楊大人卽令甯陝鎮楊芳赴賊營招撫余隨德侯豐軍門兵由寶鷄抄峪門鎮賊竄進口關次日官兵跟上賊匪聞風膽落不戰而降是年十一月初一日賊匪齊至留垣之西河全數投誠馳報歲

事余先將良民或三十或五十各給盛世良民旗令其
回家只判四百多起意之人侯爺各賞伊等袍掛料大
銀牌以致各營兵丁說這反倒還造得造了反又得賞
又搶得許多銀錢婦女我們回去都要反余聞知卽密
見侯爺回明前情侯爺曰如何纔好余曰今夜將逆等
安置一處派三四起兵各路埋伏余用帶來之兵將逆
等概行殺之以除刁風以懾兵心伊等食

皇上的錢糧都造反理應該殺侯爺曰甚善復傳札大
人薛大人二位楊大人田大人各位商議伊等言此必
係羅副將出的主意斷不可行反爲申飭後凱撤奏保

多人未識何故將余之名寫落回營後奉

旨申飭將奏保各員有降級者有革職者止余未列保
未經議處造反各兵發往伊犁又降旨松大人俟發遣
兵丁到口悉行殺之是年余自甯陝撤兵沿途兵丁咸
有回營造反之說至太平又聞夔協桂養齋帶兵堵口
于後撤兵至太平有兵王得先孔傳仕等向都司馬成
龍借銀不給就圍帳房估索馬大人着急向袁同知借
銀一千六百兩散給始行撤回余因在途既有謠言恐
其別生事端囑中軍楊慎知函致綏定守備王國雄密
查將起意之人分頭差遣過陝至太平自有主意辦理

可期將來無事殊王守備全不曉事不允

該守備言殺定兵丁係川

北鎮屬非余協臺所轄故未之允該丁等如係余標下

成事
端 余聞之知必有兵變之事是年十二月二十二日

果有兵丁王得先孔傳仕等滋事焚燒綏定府城將大
監犯人放了南門放火川東道嚴士鏞知府王仕陶俱
補城逃走達縣知縣余永甯穿蟒袍補掛在大堂等候
王得先見之分諭從人余主是個好官切勿殺害隨齊
跪曰我等受恩深重今事已至此乞賞示遵行余令曰
爾等暫且出城容我設法相救如可救爾等生命卽給
諭爾等進城如難相救爾等卽速出城逃生等語逆等

答應復在城搜搶銀兩各自回家下剩二三十人附和
匪徒百餘人並外前閑人約有一千餘人出城焚掠余
知縣招集鄉勇四五千人在達縣城內防守桂大人在
家與子完婚聞知星夜奔赴達州又帶余知縣所招鄉
勇往剿東鄉縣知縣楊世鼇漏夜給予信悉余帶兵往
查太平離達州四站路余派兵起程白日旱道夜晚舟
行一日一夜行到趕至新甯達縣交界之檀木場賊佔
山梁桂大人帶鄉勇一鼓作氣痛加剿洗賊匪全數就
執事竣德侯勒公報捷余奉

旨交部議給軍功三等功札一張而綬定文武均沐優

獎惟綬定營守備王國雄先因扣留兵餽激生事端旋
卽越城逃匿後率獲卽行正法余自綬定回營十二年
正月十三日陝西叛逆趙文賢周士貴糾夥滋事於西
鄉瓦石坪余驚聞差人往探回信云在途拾得趙文賢
與綬定太平城口竹峪關通巴營自白遺教投出食糧
兵丁令其一齊滋事的書子當問投誠余營之楊文朝
等願往從賊否該丁堅稱受恩深重又娶妻室斷不敢
滋事余信之卽點兵一百五十名行至竹峪關又帶兵
一百五十名城口兵一百名共四百名趕三天三夜因
行走迅速兵丁多未跟上止剩一百二十人余令周金

往探並囑其揆山行走切勿行走平路恐遇賊馬隊趕
上余等不好摸樁偷營緣周金原愛食酒不顧家務余
嘗責之伊誓曰再若食酒卽行醉死殊不知周金往探違
命在醜池填食酒馬隊捉去以致賊等知余帶兵到來
遂迎頭而來余聞賊迎拒自思我兵漏夜兼程前進此
時糧草俱無囑令暫割山梁排列陣式似有一二千兵
形勢囑其不可與戰亦不許與逆等交言倘有說話之
了重責四十有遇賊人先叫罵者賞銀十兩恐伊等先
前認識不肯出力是以重賞而兵丁見面詈罵使之勇
下參商絕其滋事念頭所以不許爭戰者因兵走乏一

時不能取勝是夜三更余屬兵曰眾皆飢餓如何是好不如乘夜往偷賊營出其不意可以殺賊又可取食遂率眾撲至賊營賊驚懼均不戰而退折回瓦石坪賊衝醖池垣距瓦石坪三四里許余兵搶得賊營燒酒飲將醉余恐不諧將領盡行打破令各兵上寨買取包穀造食余隨接祝協臺廷彪書一封令余毋庸進攻伊往招撫而賊營逃出一人係余探卒回稱賊等商議俟祝協臺進營賊等將所帶之兵三十多人器械收了定將祝協臺殺之伊跟之人纔不散了余聞之假意傳令不打了眾兵共稟大人何謂余曰賊眾兵單誠恐爾等不實

心出力有失機宜眾兵齊稱受恩深重斷不負德余曰
如此余有三事甚大第一件不可貪財搶物第二件不
可走散第三要一齊奮勇殺賊不許退縮眾皆齊跪盟
誓依余之言余始允余又派四十人與稿房李毓林護
送印信鍋帳至寨上存貯殊寨上亦有在賊營回去之
夥商議探余此去戰敗即將上寨之兵四十名全行殺
害余率官兵八十餘人行至溪間見鷺卵石眾多觸余
之機卽囑兵曰各多檢卵石在懷以備迎敵殊賊有人
望哨一見我兵均擁出抗拒我兵在上自上壓下將卵
石一陣亂打賊兵大敗余率兵勇乘敗痛加撲殺有數

兵追百十餘賊者有一人而追數賊者祝協臺見賊戰
敗乘馬由賊營奔出我兵追殺數里幾乎殺着乃大喊
我是祝大人取兵始未追趕余得勝後兵劄瓦石坪報
明四川勒公爺余想從前係德侯爺超拔無從報答况
現因五郎事故降級余以此次得捷給祝協臺瓦石坪
守備張杰傳千總會同敘功稟報德侯爺次日同進巴
山老林兵至凌冰洞馬家垵與楊軍門薛大烈合營隨
分兵入山窮搜逆首周仕貴被勦披靡震懾軍威是月
二十二日帶眾出山薛大烈楊大人一叫都下來投誠
當卽解往漢中府德侯大營令全數斬之余獲擒賊匪

併解陝省正法德侯馳報蕙事余奉

旨部給軍功加一等晉總兵銜祝協臺亦晉總兵銜加
勇號川陝大小官兵均沐

殊恩方柴關潰兵案內降職鎮將備弁俱皆開復原階
太平共官兵四百名借支行裝銀一千二百兩亦皆給
免德侯爺另賞銀二千兩勒公爺又賞銀二千二百兩
凱歌還師查此起叛匪若不星速先至樹堽廟迎剿賊
必竄擾川境不無蔓延賊匪折奔醜池頃若不隨時往
剿勢必日熾回營後因眾兵得勝奪有賊馬眾兵分贖
不勻余與包干總諭令爾等不如夥賣均分殊瓦石坪

會通信之逆首苟登奎李大才等四人就要滋事殺包
干總余聞知卽暗藏信識兵丁二百人於衙署弓上弦
刀出鞘卽傳苟登奎四人詢問每名重責二百該丁等
遂供同夥多人也有變臉色的余置之不究言止爾四
人多事立欲正法太平廳袁同知卽來說情交伊帶過
衙去商議每人重責八十棒將髀絲骨打斷卽備囚籠
解省懲治以定民心此各處兵叛皆由五郎輕辦以致
三省兵丁刁風日熾自余數處撲洗以後再不聞兵叛
行兵者當戒之是年三月余伯兄思遠公辭世通江包
臺山高三十里文昌帝君顯聖於斯鷄猴垠張桓侯當

年過此後人立廟祀之教匪軍與後均遭蹂躪余出帥
瓦石坪道經其間馬上默祝如蒙神佑得勝回營捐銀
次第培補余常曰食其祿忠其事是以往來太平綏定
順慶各郡梭織巡查軍民各安靖農夫樂業十三年夏
東達士民送衣傘稱祝余協鎮太平六載石塘埧捐買
營田一分北山關觀音峽捐買兵民義塚各一分置買
教場一座便兵操練舊有教場租田辦公太平城口竹
峪關三營官兵餽米折色每斗京銀九分五釐兵食雜
糧余隨詳請上憲奏按綏定兵米折色每京斗增銀二
錢零四釐每兵加增米折銀四兩每兵每年共得米折

銀二兩二錢零十四年秋因綬定地面緊要詳奏太平協移駐綬定改爲綬定協舍隨缺赴綬彈壓任內查有大頭子段詳段丙段詳稱爲鷄冠大王段丙稱爲毛狗大王廣招無業之人爲匪潛於甬山溝藏窩數年來帶領匪犯在渠縣廣安州營山蓬州四縣境始而夤夜偷竊繼而聚眾搶劫巨案疊疊該管地方官未能破獲余卽會商渠縣薛令此等小醜若不早禽嚴辦不但居民受其毒害抑且釀成叛逆我等均難辭咎該縣約定日期會同捕捉余密揀兵一百名假巡查之名行至渠縣境內該縣亦派差役三百名於黑夜趨程白晝歇息每

夜趨一百餘里趕至離雨山溝距賊窩尚有十里路徑
卽將兵藏在廟內復喚兵同差役前往探信稟覆賊首
兩人現在雨山溝大場上余督兵役趕至賊巢該匪等
驚聞意欲抗拒一見係余督捕捉均皆四路逃竄隨督
兵將雞冠大王段詳毛狗大王段丙拿獲並捉獲餘匪
鎖至該處會館內余復帶役三百前去搜捕老窩因帶
路之人引至口田灣詢悉行錯復折轉尋正路趨行聞
見搜窩之衙役轉來詢問其故乃稱窩內之婦女用大
糞潑來故此折回稟知余急率領趕至其處令兵役放
火一齊擒獲將賊數帶交廣安州詳辦分別正法發遣

余卽帶兵撤回綏定沿途百姓聞拿獲這兩個賊首餘匪皆平無不喜悅均皆頭頂香盤迎接進城比年巡哨如故隨請銀五千兩置買營田七分每年共得租穀三百八十餘石十五年秋余進京引

見蒙

恩軍機處記名回任十六年春蒙總督常公

明

委署川

北鎮總兵到任後訪聞儀隴縣屬鄭家灣鄭老五綽號黑大人白老么綽號旱魃窩夥竊劫爲害已久余購覓眼線假裝入夥探悉顛末余就分別從重治罪除其民害郡南錦屏山爲此地之勝余暇爲培修廟宇塑八仙

洞神像相傳呂祖訪嚴君平到此留下瓜皮詩久毀爲

覓原跡重刊于壁

詩曰時當海晏河清日白鹿間騎下翠臺只爲君平川底去不妨卻到錦

屏來公暇登臨見其年遠碑殘於是捐資鳩工拓洞列刊仙像並誌仙筆蓋不忍古墨之遂湮若搦管弄文傳人所不傳則非余不德所敢望耳因刻石碑同字水流長云

是年總督常公明巡閱

川北余往迎道經中江縣中坵塲廠失火延燒鋪戶余

隨帶部兵撲熄被災之家各賞給銀五錢十七年余捐

銀五千建宗祠於羅家坵定字派立家規以敬睦宗族

復建坊於東鄉城以報親恩十八年春又委署重慶鎮

總兵暇則爲人治病捐施藥餌所救者甚眾是年冬陝

西邪山木廂匪徒楊貴萬五苗小二龔貴等糾結飢民

滋事於寶雞鳳縣陝西口棧道肆意擄掠裹脅萬人擾
及漢中蔓延各屬直渡漢江窺伺川境余帶綬大通巴
各營官兵六百往來太平巴通江南江沿邊梭緝防勦
賊自洋縣渭陽踰漢江由西鄉柳家莊勢向巴山林
奔川余部兵奮通江竹峪關深入陝境由定遠踏塌河
麻池堡楊家河大小楷河五塊石星子山迎勦賊匪聞
聲震懾奔竹木垵四川將軍賽沖阿奉

旨帶兵入陝勦辦兵至竹木垵痛加勦殺賊折渡漢江
殄滅淨盡又有一股賊由甯羌竄南鄭黃官嶺距川地
界不遠余帶兵又由定遠小泉垵九陣垵醜池垵星夜

趕至通江朱家垵迎勦賊聞余兵卽行折奔甯羌黑河
旋經陝省官兵跟勦滅之太平通巴接壤陝境綿長三
千里俱屬老林山路紛歧余帶兵六百分防隨密商太
平廳徐廷鈺傳知前途修理道路說余帶領川兵一萬
赴陝賊匪聞風膽落始終不敢入川事竣余劄竹峪關
半月該地居民遭旱糧價昂貴男婦挖食樹皮草根實
在可憐余卽賣馬捐錢採買苞穀糧米賑濟半月十九
年春撤回綏定余每歲夏初至秋在距綏三十里之雷
音鋪施茶三月余鑄刀懸宏化古鐘於黃龍寺建棧流
所於教場鑿池放生於西聖寺先後落成余復捐銀百

兩並募同寅條交集銀千兩隨於達縣亭子鋪買田一分每歲納租施濟棺木爲長生會永遠遵行是年秋余奉

旨補授甘肅涼州總兵某月復調四川重慶總兵十二日入京

陛見二十年春由京旋川途次潼關聞西藏瞻對番酋洛布七力不法因該處遊擊圖塔阿苛索蠻民錢文致逼該逆等洛布七力倡首聚眾滋事勢甚兇惡經四川總督常公調派松潘鎮總兵羅聲高帶領頭起兵五千並將備員弁前往征剿因該逆占據碉樓一座勢極險峻且周圍架置鎗炮俱從牆孔遞出其孔內寬外窄官

兵雖有鎗炮亦無所施由是羅聲高進退無策逡巡未進一年有餘竟少交戰以致官兵戕傷甚多賊匪見官兵敵擋不住勢更猖獗常甯復奏請余帶領精兵五千往剿余趕赴省城統兵由打箭鑪馳抵中瞻對河東觀其礮樓或七八層或五六層不等均居萬山之中山峽水險並見牆上所挖鎗孔內寬外窄指左指右捷便利手余觀其地勢不可力攻只可智取隨調奮勇兵三千歇息養蓄精銳又令五百木匠趕造雲梯五百張其梯高有三三丈不等再派三千老弱兵各執沙口袋齊赴礮樓逼近之處將沙袋布成垛口以搪鎗炮又將老弱

兵丁列於前以形其弱使賊驕傲如此攻圍三日三夜至四天二更時度賊勢疲勞余隨將弱兵撤後將三千奮勇兵換赴前敵又令二千兵各將雲梯靠着礮樓之上暗地從梯上進去一齊衝入賊兵無備遂殺斃逆賊一千餘名生禽回營大半昏迷不醒飭令逐一梟首適河西尙有礮樓未經平復卽督兵逼河岸進窺河中有肉浪橋一道早被逆賊焚毀我兵不能過河余傳令將上瞻對土司格格戎太誘來賞給紋銀二千兩與官兵引路過河土司曰銀請無賞乞賞茶葉二千包余允之卽賞給二千包茶葉該土司始引路由上頭八十里達

浮橋偷渡余見此橋搭在懸巖空中長有五里橋梁險
窄將馬蹄細縛令兵扛抬方從橋上渡過行過河西九
里諭令官兵將橋梁折燬意使各兵不存歸志矢志力
戰彼時官兵不解其意均皆嚎啕余復諭曰羅某行兵
有進無退有戰必克眾皆不知耶火速前進時上瞻對
大頭目格格戎太先經降服令伊置番旗五百桿旗上
要書夷字又賞給落布七力銀牌令其帶往招降若賊
匪跟隨降旗而出就不攻打此時下瞻對頭目卽金麒
麟畏威投誠惟落布七力硬敢抗拒隨督官兵一時撲
至落布七力藏居寨內該寨勢成犄角峻固異常我兵

欲誘出以期生縛渠魁落布七力抗拒益堅固守不出且先於夜間潛使賊夥出寨密往剝約附近野番帶有番字書信斥責旁寨不可歸順當被官兵弋獲梟首落布七力內勢既孤外援已絕明知投出亦無生理各拚命相持我兵先行撲燒旁寨十數座燒斃番酋多名繼攻落布七力礮寨官兵或架雲梯搶上寨巔悉被刀矛刺下或用擋牌撲其寨門又被亂石擊退都司郭成馬已被槍打倒仍復換馬督戰旋卽中槍陣亡守備王舜年雲騎尉虎振翼千總譚國臣外委吳成貴均受槍傷甚重屯弁納凹阿思達凱本太等均各帶傷余查看賊

寨中槍尙連發不止而石已盡須用火攻遂令奮勇身
穿棉甲各執鐵鍬五十斤重鐵錘三十斤重齊赴礮樓
併力攻掘賊槍及遠而不及近官兵略得存身將四處
礮樓挖穿填塞火藥並將火彈火箭塞入孔內立時火
發寨內噪聲大哭綏定右營軍功馬兵龐思聰爭先撲
近寨內中槍陣亡移時煙燄上騰落布七力及其妻落
布竹馬其子溫布阿裏並大頭人巴耳甲結杜金盤郎
結他桑谷下加他阿亞七果六名小頭人阿惹拉阿角
宅耳納那思加烏爾他等十一名同時焚斃火經夜始
熄余帶兵攻剿五月就將落布七力叛逆之賊平息卽

折寨查驗共斃賊番三百餘人賊匪重疊均已焦爛不可辨認當於積骨中檢出軍器甚多有鐵馬二付烏鎗二桿據旁寨夷人阿曲先騷達雄等供稱實係落布七力之物又挖出未燼右手小指之上帶有鑲珊瑚金戒指一個亦係落布七力手上所帶之物是燒斃屬實該酋之妻子雖無物可認而其勢均無可逃各部土司僉謂外侮頓除從此甯處靡不歡欣鼓舞所有中瞻對番賊抗拒大兵者俱已臨陣殲禽焚死正法始而被脅旋即投順者貸其一死惟有甲利甲郎耳部之百餘戶據頭人翁布阿籠接布等先後帶領一百餘家前赴軍營

投誠內有樓十戶素有積惡頑梗逞兇之徒飭令該管頭人按名縛獻正法餘皆令其回巢隨將中瞻對番地折爲四段撥歸上下瞻對土司及其出力有功之頭人管轄余將投誠之夷人安置妥協卽率師凱旋省城捷報後欽奉

上諭交部議敘照一等軍功軍功加一級紀錄二次功牌一張祇領二十三年訪得重慶所屬定遠縣有一賊窩賊首叫蕭崇先夥匪均稱爲老大王又稱賊首四姓爲九龍四霸四霸就是蕭左易謝四姓之人九龍係九個狠人不記姓名內還有兩個紳衿一名何昌太文舉

人一名鄒英係拔貢生申同各州縣捕役包說官事通進貨賄於中取利肆行搶劫不下數千案並未被獲這通省有犯大案之匪俱奔往蕭崇先老窩子合夥該知縣吳令貪酷異常於署內無錢使用卽令伊之管家倪二爺親赴蕭崇先窩子處索取每一次敬銀一二千兩不等是以賊眾愈加搶劫該處居民受害不盡如有被劫失主赴縣報案吳知縣因恃川東道嚴士鋈護符又受有蕭崇先贓銀是以養賊害民並不嚴究反將報案失主收卡共收有二百八十餘人該處汛官見搶案層層卽會商吳知縣何不會稟羅鎮臺勦辦吳令曰余係

七品執法之官由進士出身頗有才能自有嚴辦之法此等小賊何可稟請鎮臺督辦這汎官即將此情稟知余隨面斥其非復差丁往查有一打翠的叫彭老四在賊窩時常往來販有婦女在內開娼窩賭誘賊匪銀錢卽派兵丁改裝易服跟彭老四進窩訪查住至五月始行回營稟曰老大王賊窩內有二千餘人如偷竊人財物每次抽銀五兩有偷牛馬賣了每隻抽銀二兩名爲堆金會積的銀子以作各縣及捕役需用之費每日或派四五十人或派百十餘人分赴各州縣搶劫所窩網緞布疋堆積如山如差役前來卽給銀錢若係官兵訪

捕卽在草樹內躲避預備鎗炮抗拒內有一賊楊雲聞重慶羅大人意欲洗勦曰伊係响馬出身亦是我等一類之人若來定要好爲收拾於他已先於八處塘口派人探信重慶城亦設人打探復將石頭搬些藏在松林口如羅大人夜晚前來卽讓他燈籠過後用石拋打不怕伊不回去余聞之此等小醜亦能用此詭計又詢此賊窩可能破否兵丁答曰賊匪眾多來往不絕且各寨堅固異常兼有鎗炮余遂責之曰前在軍營那幾百萬教匪均皆勦滅這有幾個毛賊到破不開但搶劫案件係州縣專政余未便操勞後密傳三營將領諭令各兵

不許告假私自出城如查出惟該將備干把是問又思此時秋禾正在暢茂如帶兵緝賊恐傷禾稼俟秋收再辦因想重慶府共有十八門每日止開九門復傳將備於寅早時帶兵五百出金子門走三十里折轉共六十里進通元門按五日一次輪流派出練腿勁如此行了半年民間秋禾已收想蕭崇先僞稱老大王聚匪徒太多非余親督官兵前往不可遂密稟請制憲

請毋庸該管道臺及

知縣等與聞

恐其洩漏以致賊匪遠颺隨接奉批示可同川

北鎮兩路官兵洗剿復稟所屬之兵足可敷用況川北鎮現在會哨似可毋庸遠來致滋跋涉因文職迴護故

未知會時實任重慶府
見奉制憲委資州知州
蕭崇先大賊窩現已稟
卽督兵剿辦劉刺史當
探信知賊匪言羅大人
物送上寨子存貯以備
兵帶回差探報賊匪見
回藏匿家中余聞之派
等官帶兵五百名帶無
到渠河口等候復派兵

定更時齊到鎮署聽候親身帶走適聞省中司道稟明制憲羅鎮臺有奏事之責若不會同川東道勦辦恐奏後奉

皇上申飭其咎非輕而制憲令函知川東道嚴觀察名某派令文員來鎮署稟見余隨諭以受寒尙睡未起卽回衙余於定更後密帶官兵由繩繫出通元門聞賊有人在松林口探信卽於離城五里之牛角沱地方過河雇船十隻每隻船坐兵百十名又雇夫子百十名拉牽逆往上行過合州纔到定遠縣地界會合前帶之兵該處離賊窩僅六十里令將各馬背鞍卽帶官兵由旱

路走二十里天已挨黑又走二十里兵走錯一路時天下大雨余思這樣萬惡之賊天還顧他復督官兵冒雨走十里尙剩十里大雨未住令兵稍歇片時因兵俱未吃飯當諭該處所住之秀才監生等家有飯叫兵吃去余恐該生等與賊送信令眾兵稽查不許該生等出來如出來卽行正法眾兵將飯吃畢卽星馳行走離賊窩里許查看地勢該窩周圍俱是水後頭有一條路現已挖斷下竹簽子官兵難行只有兩路石磴可以過去隨令眾兵將衣脫了由水內過去余騎馬過去賊眾見兵下水都往後跑隨督兵撲了窩子齊往鈔洗見所住娼

婦二十餘名俱各走去眾兵見賊窩有些物件放至草樹隨放火燒燬時纔知是綢緞布疋金銀惟堆金會銀四萬有餘其錢埋在窖內均令其照數帶上賊往後逃跑令城守都司馬凌輝帶兵追趕行至老賊窩見官兵前來貢生鄒英不知是余帶領重慶官兵只說是本處汛官來敲釘錘硬敢喝令賊眾抗拒致將官兵損傷馬都司抵敵不住隨折轉稟報說老窩之賊甚是利害硬敢抗拒官兵回去之外委已經受傷其兵亦有損傷是以未能前進折回請示調度余當令各兵勿得退轉就在此堵禦當令執矛之兵將抬炮施放打了兩炮賊匪

有三四百人遠見身穿紅襖子督令放炮攻打均往老林內藏匿時因老林後有壕溝一道我兵不能前進當據探稟賊內一大漢方頭大面長鬚帶數十人藏於老窩夾牆內貯有火藥等語隨賞伊金頂令牽馬折回先破之窩等待差跟隨之陳貴密入夾牆查實放火去訖該丁聽令去不多時將藥燒發余令兵退往田垣免致傷損遠見火煙沖起如霹靂一般一時滿天通紅將老窩大屋後大竹林一併打開燒死藏匿賊匪多人禽獲賊匪六百餘人遂卽查點兵亦不少數逃去之賊亦不甚多當問所獲之賊老大王蕭崇先向那裏躲避據於

我兵未到之時前三日就逃往新場一帶藏匿而捉獲之賊有一大漢余提出面詢曰爾是甚麼人伊曰大人是甚麼人余又曰爾究竟是甚麼人伊答曰是個貢生已領憑赴教官任今將我捉住定要告上狀現帶之兵是何處來的余曰係重慶之兵爾今被我拏獲有何言辨伊卽低頭不語余令將大漢同所獲之犯押解見一夥人執旗而來離兵劄住之區尙有四五里諭令官兵開砲那人遠喊切勿開砲我等均係定遠差役何隨本官來此緝賊余曰請縣令迅速過來該縣吳令行至於會晤時余曰獲一大漢余意尙欲生成伊說是個貢生也

要告狀幸虧是你門生隨將所獲貢生交知縣帶回審辦余復帶兵往源口歇息復見四個兵丁背負東西落後即將落後之兵紮耳示眾如再有落後之兵卽照此懲辦歇息一日次早想這賊首老大王難挈卽生一計假諭各丁賊窩已勦洗賊首已跑今往何處捕緝莫如回營遂於早飯後起程行五十里復令折轉赴新塲路行走途見一人行走慌張身帶拐尺擡刀卽行捉住密問老大王藏在何處據稱在伊之內弟家吃酒卽派兵前往將伊內弟家房屋圍住時值天黑又在下雨千總王玉龍用言撫慰爾等居民如把蕭崇先獻出就不放

火燒燬房屋否則要燒斯時有秀才王仁監生張仁等
十二人公請毋席放火包管將蕭崇先綁出該弁帶來
謁見余曰請各紳衿坐下蕭崇先在內爾等可能挈否
伊等咸稱能挈余恐所稟屬虛且該生等均係被控有
名之人令將該生等扣留如挈獲賊首卽放爾等倘不
挈獲惟爾等是問隨令官兵圍至天明徧搜未獲詢據
蕭崇先孫女云蕭崇先於夜間由田埂邊往烏龜梁一
個紳衿張親家家內躲藏我兵至烏龜梁將張家房屋
圍住余諭令曰我兵不准擅取人家財物如犯卽行懲
治復令捕搜伊等不許余曰如不准搜卽將伊等挈問

復將張家雇工叫出一人詢問蕭崇先下落伊曰不知
卽令責打打了一百皮鞭不認又打二百伊仍不認又
使滾桿滾腳桿滾了三次始行吐出蕭崇先在對面梁
子上裝灰的屋內躲藏隨令各兵卽往該處圍住徧搜
未獲我兵將長矛往草垛內亂扎蕭崇先喊叫毋庸亂
扎始由草垛內扒出隨卽擒獲余卽將挈獲老大王蕭
崇先函知署府劉君令其速來是夜余就在該處尋一
店子住下詢悉此店係張家女婿所開其扣留之秀才
監生十二人一齊帶來余見伊等形色張惶恐伊逃脫
因至該店後房派兵看守半夜時有該地保甲在街上

假言聲張有賊意欲驚官兵乘間逃脫余聞之此係詭計開門看視見各兵外跑抱住余之左足余隨用腳蹬脫親身拏條板凳攔住門首不許房內人出來該生等始未脫網自思那邊房子圍了二百餘人余改裝親身往後門進去佯向那賊首云我與爾均係同夥之人前派密探羅大人信息之人至今未見轉來不知在於何處向我說明我好星速往那裏打探那賊曰探信的密赴重慶城內鎮署左邊馬兵韓二麻子家內一問便知分曉等語余卽折回寓所繕諭與中軍遊擊差丁在韓二麻子家捕捉探信之賊遂密差妥丁執書由水路回

去趕去了一夜卽到郡城將書投到中軍隨派兵在韓
二麻子家內將探信之賊全行禽獲交巴縣收審余在
新場住了一日署重慶劉守始行趕到當將蕭崇先同
生監一十二名並餘賊二百餘人交給訊辦劉太守訊
蕭崇先之供不認先掌責二百兩臉打壞了令用南瓜
艾葉爬燒口含鹽水始能出氣劉守會商將窩子全燒
余以該處屋房齊燒恐連累好人卽使各堡紳衿保甲
查詢是良民之房勿用燒燬如燒好人房屋着賠若不
燒賊房卽將爾等房屋放火焚燒各處保甲當遵諭分
往各處將各賊房屋全行放火燒了九十多里遠見山

梁有幾百多婦女詢是什麼人均稱係賊匪女子婆家因媳婦家之人不學好恐連累燒我們房子將他們趕出是以在此哀哭卽分諭既係爾之娘家與爾等無涉卽回家學好隨行至蕭崇先老窩子只有一個小孩子跑來跑去臉未洗又挖些坑坑用罐子煮飯看之心下不忍卽令官兵吩諭爾之母親回去爾等亦各回家隨卽撤兵折轉想前帶兵來勦窩子沿途未見牛隻今將賊匪全獲賊巢洗淨途中來往人馬甚多農民均用耕牛耕田行走三天沿途耆老紳民男婦咸皆頭頂香盤跪謝回鎮署後商晤劉守札知定遠縣將原圍之二百

餘人盡行釋回所獲之賊共解六百人由劉守詳解臬司擬罪正法者四百數十名發遣擬流徒者一百餘人而老大王蕭崇先在臬司法堂殞命貞生鄒英斥革擬徒三年從此各處賊產一併抄洗變價抵償被竊贖物翦芟禍根定遠合州以及鄰近諸邑盜風自此漸息余回任後時常親帶弁兵郊外練腿見骨骸暴露捐資雇夫檢骨掩瘞該處有一洞先名流痞洞後更名安樂洞並修砌義塚建棧流所竄處通遠門城內蓋五福宮一處係婦人住所城外修蓋萬骨洞一處京子門外又修白骨洞一處共是三處復在通遠門修書院二處以培文風

又捐作救生船數隻雇夫撐駕在江面回木上下打救生靈二十二年三月初六日買放大魚於珊瑚坝官潭重六百餘觔鱗帶銀牌註放生日期是年四月岳池定遠合州三邑士民頌獻匾聯於鎮署匾曰民其永懷聯曰爲國甯民而整旅艱辛備嘗足徵滿腔德意除奸保善以興師威武丕振實係一片冰心並呈敬萬民衣傘因重慶府係五方雜處人煙稠密之所比省城更繁上至成都下至巫山濱臨大江綿長四五千沿河上下三十七州縣俱是道臺所轄地方有小划船搶劫以至擄江重案出有數千起之多該管文武未能破獲一案

那客商居民受害無窮總督常公檄委知府林培厚來
署重慶太守噦其到任後務將攔江重案與余會商捕
獲嚴辦以靖地方林守於到任日與余面商緝賊之法
意欲將上下市鎮沿河小划扣成連環於挨晚時鎖住
天明開放余曰以小划船鎖住恐有三四天趕不到的
差役必疑是賊船訛索錢文如不給卽稟請懲辦客民
反受其害此議未能盡善林太守曰莫如於沿河上下
市鎮按集五里安設一卡挨次稽查余曰重慶所屬地
方安有卡子夔州地面如何辦法林太守曰此議若妥
卽知會夔州府令各州縣亦照重慶安卡之法余曰所

議卡所派令書役駐劄稽查其販硝販礦販私及賊船如欲過卡以前三日將過卡之陋規送給書役分受後而販私賊船過卡見船頭記有號記並不盤查均皆放過其往來客船過卡該書役反上船搜檢索要錢文客船如不給錢卽不受害必至耽延路徑客船反受其累查搶犯眾多要挾三十七州縣之賊必須一起追緝如只拿一處之賊別處賊匪知覺必先逃跑俟我慢慢設法如拿時再爲知會後余招賊人作爲眼線密赴各州縣訪查訪了半年將各州縣賊首串捕及夥犯名字共有若干數均探明確於臘月二十九日繕寫書函密令

各州縣說這搶劫夥黨過多一時難以盡誅先將包串
捕役革出同搶劫爲首重犯一併按名拏獲令各州縣
自行酌量辦理卽一面咨呈常制憲一面具奏又差官
三員一員走巴河一員走瀘河是上水一員走夔府是
下水遞投書信上下十日各州縣盡照余密書之情將
串捕搶劫賊陸續拿獲劉萬喜張紹楚辛和尚項其盛
劉大老么游四冉賤嘴申二杜賴格保李辛保李滿梁
四弟張四岳老十岳四郎郭茂司老么李華吳奉劉和
尙王裸連彭應元劉呵呵何三李長壽李二劉老么周
貴劉五毛彭老大劉老六何滿唐登科唐老三陳大武

劉大武張貴等皆上了刑具分別各懲辦內中辛和尙
張紹楚元起勝彭應元四個大頭目係夔州府人所犯
案情重大難辦卽解送重慶府林太守培厚處發交巴
縣永遠監禁而餘黨四散俱各改邪歸正從此江面肅
清客民安堵矣余見重慶府關帝行宮因年久坍塌余
首先勸諭典當鋪戶勸捐七千有餘不敷復勸各行戶
復捐四千餘串鳩工修葺先後落成是年冬立碑於廟
二十三年春署四川提督重樹古鐘於大鼓樓鐘重五
六萬觔聲聞八里東教場栽柏樹三千株秋八月卸事
回任二十四年秋七月晉京

陸見由渝起身到省並管帶西藏喇嘛土司一路九月十四日抵京十五日十六日

圓明園兩次

召見

上問有五十多歲了出的力多了身子是結實的兵要

時常操練

奏

沒有出力從前軍營節次打仗曾經受傷

不時舉發在重慶常帶兵郊外練習腿子身子尙還結實盡心竭力報効

上又問出過幾次兵

奏

平定教匪後又出陝西甯陝瓦

石坪西藏等處

又奏

十二年瓦石坪叛匪滋事當

與文員商議總推事屬隔省因思普天之下莫非王土
隨卽帶兵過陝一仗打散斬擒多名隨後德楞泰楊遇
春薛大烈統兵到來一鼓剿滅

上曰所辦甚是 又奏 十八年陝西木廂匪徒滋事 奴才

在於川陝邊界防勦帶的兵單兵行傳牌聲言四川調
來大兵一萬入陝協勦賊匪聞風震懼始終不敢窺伺
四川邊境隨後賽沖阿統兵入陝協同陝兵全數蕩平
上云行兵原要加以聲威所辦是

上又問勒保死了你知道否 奏 知道懇

恩賞假前去燒紙

上曰准假兩日退出十九日仍於

圓明園銷假請

安

上問你隨勒保打仗出力後來又隨誰在那些地方打

仗那些兵好

奏奴才

先隨勒保後隨七十五德楞泰額

勒登保調派往來四川陝西湖北地方剿賊打仗九年
大兵凱撤餘匪未盡白天藏在深山夜晚出來擄掠東
奔西竄狡猾異常難於得手後將留防官兵分段搜捕
連環紮營並將投誠賊人熟習賊情者酌留隨營以賊
誘賊入山窮搜日緝夜捕一年多始得淨盡各路官兵

俱好索倫兵與鄉勇更好索倫兵弓箭熟習馬戰得力
鄉勇鎗矛熟練步戰趨捷遇賊打仗鄉勇與索倫官兵
相聯不離的

上曰不是聯了羣嗎從明日起賞聽戲退出二十日二
十一日二十二日二十三日二十四日均遵

旨在

同樂園聽戲飲宴二十五日

召見 奏謝

賞聽戲

上諭跟隨進城聽戲十月初九日仍隨着過來聽戲

賜帽緯二匣萬古流傳寶玩一匣嘉慶玩賞四字木盤
一個嘉慶玩賞四字木碗一箇二十六日在紅橋接

駕二十八日在

神武門隨班二十九日蒙

召見

上問能夠走多少路奏此時一日走得七八十里

上又問重慶兵哩奏奴才督飭將弁實力操練鎗箭伎

藝又時常帶出城外操練腿子均皆可用

上諭在這裏聽了戲還要到園子裡去聽戲候放過煙

火再去奏是退出十月初一日初二日初三日初四日

初五日均遵

旨在

甯壽宮聽戲飲宴內中初三日

皇上拈香余等在午門站班

召見問認得劉清否劉清曾赴賊營招安因何賊又不殺他奏奴才曾隨同劉清一路打過仗劉清先是巴州

鎮龍關州判後又署東鄉縣知縣爲官清正甚得民心是以賊不殺他退出初六日隨班祝

嘏蒙

賜朝珠一盤如意一柄大荷包一對小荷包一對邊鼻

烟一瓶齊戒牌一箇跪領

上諭認真出力回任仍要照常辦事幾時走哩奏還求

教訓幾天

上言天天見面就是教訓了過了初九日去罷是日

上御甯壽宮賜宴聽戲初七日隨至

圓明園聽戲飲宴初八日

上御正大光明殿賜宴初九日仍聽戲飲宴

召見

上諭就回去罷回任照常操兵不要懈怠奏是回任照

當盡心操兵蒙

賜巖乳香一盒小刀一把鼻烟盒一箇銅手爐一箇荷包一對銅鏡一面跪領申刻隨出看放烟火禮成在山高水長跪安陞辭回川計此次恭祝萬壽

召見八次聽戲十五次於是年十二月十八日回任捐銀三百兩倡率本族以及親戚鄉里樂捐共計千金在本境普光寺場建修書院一座名曰文昌書院延師主講以便遠近生童肄業餘銀支放生息本祠立義學教訓子弟二十五年九月巡哨川陝邊境道經東鄉縣捐銀二千七百餘兩在南坝場置田地二分每年收租穀一百石歸入文昌書院以作束修膏火之需陸續捐銀

五百兩購買書籍四百餘種并各色字帖存院俾資臨摹駐鎮渝州五載量爲捐資並辦公之項節省湊足銀二千兩發交巴縣交商生息每年收得利錢二百兩作鎮標中左右三營老兵辭伍幫費餘剩辦公道光元年正月十二日奉

旨補授貴州提督時值雲南永北廳大姚縣等處夷人滋事四月自渝州起程赴任途次奉

旨帶兵星馳永北大姚協勦叛夷卽帶挑黔兵五月初師至滇安甯州接慶撫臺公文以軍務告竣撤兵回提督本任七月奉

旨調任四川提督八月初十日自安順交卸迎摺北上
十月初三日抵京詣

宮門遞摺請

安預備

召見初四日丑刻詣

景運門朝房卯刻

召入

養心殿跪稱奴才羅思舉恭請

聖安卽揭帽磕頭奏奴才叩謝

皇上天恩畢戴冠

皇上問你今年多少歲

對奏

五十四歲

問你打過多少仗

奏奴才

打仗五百三十七次小仗記

不清

問帶傷

奏

打安樂坪王三槐砦子甚緊不能攻擊

奴才

以布裹竹梯靠崖才不响夜晚爬上寨崖連破三層卡子右邊賊來桿子甚多用刀撥開左邊賊來不傷左眼

仗

皇上天威打破安樂坪左眼帶傷未傷眼珠

問由甚麼出身

奏

由鄉勇因白蓮教造反

奴才

聚練鄉

勇把守卡子使賊匪不致四出擾害百姓

問你怎麼得缺奏帶鄉勇打仗蒙

皇上賞放千總打開安樂坪放綏甯守備追賊過嘉陵
江賊目冉添元帶數萬人用竹子夾濕棉絮作擋牌兵
不能攻箭不能射奴才見事不好督率鄉勇多檢石頭
擊攻始破竹圍生擒冉添元蒙

賞戴花翎

問你捉過頭子沒有奏生擒唐明萬張簡殺死張世龍

張世虎

賞給勇號

問甚麼勇號奏蘇勒方阿巴圖魯勇號

問你打七年仗奏是九年因撤兵後餘匪未盡

欽加額勒登保勒保德楞泰以川省地方遼濶奏補太平協副將辦理善後三年惟善後難辦

問因何難辦奏餘匪皆係老猾白日不出夜晚出來擄

殺實在難辦奴才設計誘賊出降令其回巢引出以毒

攻毒又於山間搭棚夜間喊白蓮教之號官兵四面埋

仗兜擒始能拏盡三年善後方竣陝西甯陝兵叛招安

百姓放了叛兵奴才當說此種不可留務要盡絕根株

後綏安兵叛數日卽行撲滅瓦石坪兵又反奴才一夜

趕至一鼓滅打

問桂涵你認得否奏認得

問他在那裏做官奏現做川北鎮總兵

問他如今多少歲奏壬午的有六十歲

問身子結實不結實他是那裏人奏是東鄉人

問你是那裏人奏亦是東鄉人

問楊遇春楊芳你認得否奏同在軍營効力遇大股賊

匪會集攻打打散後各分頭帶兵追賊

上云你可歇歇叩頭退出初五日

召入

乾清宮磕頭口奏叩謝天

恩

皇上說兵不能全討好一千中有五百好者就是好管頭老弱充數是有的

奏

皇上天恩兵要處處經營不得壓糧作

皇上說家人書辦作筭你留心查訪認真辦理如有作筭問你你由千總千死萬生纔做到一品你盡忠爲國還要留心辦事磕頭

奏奴才受

皇上天恩盡心竭力惟恐不能仰報萬一

上說知道你去得與蔣攸銛商量辦理你不管民事

奏

城中公事與蔣攸銛商量如出外有事不能面商恐遲

候機會者當見機而行

皇上曰很是

又問四川番子

奏

四川鹽梟到處都有只掣爲首交與

地方官亦易於辦

此節似誤番音爲販字音

又問你出過西藏兵的

奏

嘉慶十九年

奴才

放總兵出

兵贍對打洛卜七力

皇上天恩那是難辦的

問怎麼難辦

奏

土司有巢穴惟有野番子喂牛羊將一

塘草吃完又移他方是無定住巢穴那所稱地方辦來

的是假的

上問怎麼是假的奏我們外邊叫化子裏頭稱播郎鼓

擊來作通司若犯案捉來之人大員們問他這案是偷
的不是通司下去問他喫飯未有一人答應呀呀呀呀
漢人以爲是我是我又教通司下去問這箇是你偷的
偷要擊去殺他下去問你喫飯飽未飽一箇答應呀呀
呀呀他轉來說是他偷的將他殺了是冤枉殺的

問怎麼是冤枉殺的奏通司受土司之囑通司卽是漢

奸

上問等故話你認得否奏認得在四川辦事認真好者

他就超拔不好者他就參奏降革

上說兵丁是要教飭不得疎縱奏兵丁有教不改者奴

才常傳齊眾營當面棍責懲一戒百使知儆畏

上說很是又說你回去奏求

皇上多教訓幾天

上曰四川遠你不能久住趕緊回去你還要外邊買買

東西要上

昌陵初六日請朝卯刻

召見

永思殿磕頭

上說你回去蔣攸銜是靠得住的有事與他商量奏蔣

攸銛是當今總督中頂好的奴才由雲貴湖南湖北河

南一帶未有如蔣攸銛官聲辦事勤慎到處稱他是清

官

皇上說朕早知道又問你們四川有教匪有邪教奏地

方但是有習邪教的隨時訪拏查辦教匪隨時清查惟

習天主教者甚多重慶一案李義順奉

旨將他枷號示眾雇一朋婆入他家打聽還在習教拏

獲四五十人連家都抄了仍是不改悔的

上說兵要好生操練纔得用的奏

皇上天恩天下兵俱是好的將好兵好兵隨將轉將得

力兵就靠得住將靠不得兵亦靠不得

上說你回去好好訓練三年後還要來見我的你去

昌陵走走退一步重跪下磕頭稱奴才跪請

皇上聖躬萬安退出初八日出都赴

昌陵大行皇帝寢殿叩奠回川於陝西途次接奉

廷寄雲南提督着羅思舉調補卽赴新任欽此卽由四

川取道赴滇於十二月二十一日到任視事卽出條教

三十二條以整飭營伍以重邊防二年巡閱雲南通省

營伍提督駐劄大理府城前臨洱海百里許波濤浩然

曰玉洱後倚蒼山十九峯夏景冬雪曰銀蒼山海上下

相接中和峯下則有三塔寺馬腦峯下則有感通寺龍泉峯山腰間左有龍眼洞碧玉巖飛來巖右有鳳眼洞仙人牀指西佛俱屬絕壑懸巖誠滇西勝境也舊有龍鳳亭及亭臺傾圯已久通感三塔二寺間有頽敗於是捐資鳩工補葺感通寺正殿兩廊三塔寺藏經樓重建龍鳳寺飛來巖傍構閣三楹曰齊雲閣碧玉巖上拓修普陀巖凌雲殿塔二座一曰雲峯塔一曰通天塔以及小龕神像又鑄造鎮山方天戟樹於鳳眼洞石壁下建鐵橋造礎石琴於齊雲閣玉局峯龍泉峯中和峯徧種松樹作爲提標中左右城守四營官山築西門河堤以

護居民次第工峻費鉅一千二百有零道光五年五月
余於鳳眼洞仙人牀前石崖建三聖武侯各祠供奉聖
像之日時有一大鳥西來赤嘴黃羽父老指以爲鵬豈
地近南溟山靈顯瑞耶因識於壁日鵬自天來觀察宋
芷灣湘代余題詩八首書列於壁九月初四日奉

旨調任湖北提督是年十一月十三日馳抵穀城接任
整飭營伍修造備戰鎗砲弓箭軍火器械用資戢守六
年秋閱湖北通省營伍事竣時值新疆喀什噶爾逆回
張格爾糾結白帽回子滋事盤踞各城

上命長齡爲揚威將軍楊遇春武隆阿爲參贊大臣統

兵往勦余十一月初六日奏報閱兵摺子陳請出關軍營効力挑選兵丁二百名以備調用十二月十五日奉到

硃批本任緊要難于更動所請前赴軍營之處具見忱悃着無庸前去欽此是年修補宗祠置買田地約用銀一萬餘兩祠堂具報公款歷年生息湊集錢三千八百餘串飭在本境董坪鮮家坪置買田地二分年收租穀一百八十餘石每年春秋二季動用而外本族六十以上無依孤寡月給錢四百文米五升文昌書院具報公款歷年生息湊集錢一千餘串飭在董坪同買田地一

分年收租穀五十餘石添入書院作束脩膏火八年春入都

陛見後奉

旨就道回籍省墓因文昌書院先買書四百部此次在京買有二千三百銀子書籍並字三百本用銀五百交書院課讀其書籍字帖只許諸生誦讀鈔寫不許執赴院外恐致遺失此書交給院齊長經管凡看書者向法院說明取出如有遺失蟲蛀霉爛令院長賠補四月回任穀城地方米貴時值歲暮營兵愈形艱難八年冬余同將備捐廉易制錢一千串歲暮備給各兵以資度歲

次年夏秋還款永遠源源接濟穀城文武廟兩廊均因
年久傾頽不足以展祀事九年夏余捐銀二百兩錢一
百餘串補修文昌宮正殿戲口樓牆圍新建兩廊樂樓
鑄造鐘鼓復捐銀二百兩將備亦各捐助補修武廟新
建啟聖宮先後工竣均州武當山護國佑民爲靈應之
地余蒞任初巡視上游就道瞻拜見面南巖大殿房宇
傾圮捐資葺修重樹古鐘於山頂天池樓左並修鐘臺
數年來山無伏莽水不揚波豈非山靈之所致與十年
春鑄三百觔鐵鐘一口敬獻祖師頂上又懸鐘於拜殿
啟聖宮以紀靈應復見穀城兵家子弟多無力讀書爲

設立義學二處因查營中舊有王霸老澣二洲官地佃民耕種各項租錢共計八百餘串前任將備化爲烏有余蒞任以來量入爲出諸事撙節將前項如數歸款並同將備捐廉湊足錢一千串交穀邑典商生息每年利息一百二十串作爲提標中前二營義學束脩紙筆之需又憐中前二營弁兵寒苦商同將備捐錢一千串以作兩營歲暮接濟之用又捐錢六百五十串作兩營未弁接濟均於次年夏秋俸餉銀內扣收交典存貯復於冬令見乞丐飢寒交迫捐廉散給口食寒衣俾免凍餒十一年夏漢水陡發淹漫城郭四鄉居民房屋無數余

當設法僱船急救水消後又製蓆繩掩埋露尸千餘十
二年二月湖南江華縣逆獠趙金龍聚眾滋事蔓延道
州藍山新田桂陽等州縣經該省海提臺帶領協臺馬
步各營官兵前往協辦行至藍山池塘墟地方突遇賊
眾由山坳二面沖出官兵猝不及防以致海提臺馬協
臺均被戕害傷損官兵一百餘名經湖廣總督盧坤以
賊勢猖獗傷害大員奏奉

上諭湖北提督羅恩舉久歷行陣較更得力迅速前往
協剿余於未經奉

旨之先早挑選精兵一千名令各帶應用器械銅鍋木

碗等件奉

旨後卽於二月十八日起程其鍋帳等項一面知會盧制臺就近在湖南預備等候一面督兵漏夜兼程前進行抵湖南永州卽經盧制臺奏明余兼署湖南提督當查探逆獠已破新田城池赴桂陽一帶滋擾隨令署永州霍鎮臺名隆武同都司郭宏升呂耀宇帶一枝兵由平道走長甯縣屬洋泉地方防堵又派一枝兵由桂陽一路至新田圍剿又密派兵丁前途探信據報有洋沙五洞係崎嶇險路獠匪不防之區余卽乘其不防卽差兵由洋沙五洞修路隨修隨走三日至窰頭地方劄住

探得賊匪已在洋泉盤據余密視洋泉地勢左面是山
後面亦是山只右邊一條路是一田塢可以前進忽上
天烏雲蓋黑雲黃雲壓烏雲暴雨將至卽督官兵前進
行不數里果惡風暴雨雷電交作兼之夜暮泥滑難以
行走幸電光明亮閃一次走一步至天明走了十五里
忽雷聲又由余頂上炸響正宜進兵之時兵法云雷聲
在主將頭上
打出卽宜停兵不戰打出必勝如由賊營內余督兵冒雨前進行至石湖坪因
器械雨濕劄營烘烤卽命左先鋒王錫朋隔一灣田劄
住右先鋒劉允孝隔一垵田劄住余督兵抵住中路復
令兵周圍用樹枝立鹿角柵冒雨連圍四晝夜始將獠

匪圍困每日傳令三次不許亂殺人活捉者賞銀十兩入兩不等殺死者不賞彼時上堤之水均往下流周圍田坎均用泥土加砌高寬水不能近打一天近一天先離洋泉十里餘層層圍攻只隔洋泉五里詎該匪奸猾竟在屋內挖成鎗孔放鎗抵敵傷斃官兵數十名不得前進余又令將稻草泡漲用竹片夾住作成五尺高三尺寬擋牌令眾兵各執前進協力撲殺放火燒焚時因火藥用完卽令投出猿人過去說降只要趙金龍餘都不要原是假意延展俟營中火藥解到好爲攻打後來一猿逆趙文鳳甘心投誠當問趙金龍何不投降伊供

稱他人多一時不能出來除非官兵殺進纔能擒獲余遂賞趙文鳳頂戴酒肉令伊再去說降文鳳回至賊巢至次日過來余恐此內獠人良莠不分寫盛世良獠旗五百桿復令文鳳拿去散于獠匪俟官兵攻打時執有此旗者卽不殺文鳳去後至第五日早前來稟知云趙金龍不肯降順現跟他的入排獠匪有五百多好手與他護圍等語余又賞伊米麵酒肉並放伊作獠官令再去招安早飯時卽給信不然你一個也不能活後伊去不來我兵拏獲一賊據云獠匪今夜要殺一條路逃跑且詢知趙文鳳原是假意投降遂傳官兵各執攜牌四

路進兵放火撲殺趙文鳳父子三人一見驚慌隨帶金龍之弟金旺其姪趙福金趙福銀趙滿子猛王李得明等三十餘人逃出詐降當卽擒獲交文員審訊如係脅從卽解交原籍州縣安置內有一支角子藏有猛匪二三千人仍放鎗抗拒又令我兵作一丈五尺高五尺寬大竹擋牌先用小擋牌擋住前途鎗炮後將大擋牌抬靠賊牆又將雲梯抬靠大擋牌選派夫予一千名先用石頭往內擊打使賊房屋破壞又將火藥火彈盡行拋入安置停妥後又令兵丁各背柴捆背赴賊營外邊排三丈長一頭點燃燒一字火使賊無有出路三天三夜

賊巢火發我兵湧進賊巢殺得天昏地暗賊屍堆積如山當令官兵帶領降擒逐層翻查始知逆首趙金龍在洋泉街江西會館內燒斃五月初四兵退衡州會同欽差大臣禧恩瑚松額總督盧坤奏捷蒙

恩賞戴雙眼花翎並世職一等輕車都尉又賜雙眼花翎一支大荷包一對小荷包四個小刀一把白玉翎瑄一個白玉班指一個飭部從優議敘給與軍功加三級保奏文武員弁一百餘人均蒙允准余卽帶兵新田防堵因廣東八排獠匪滋事命余仍兼署湖南提督移住錦田堵禦聞廣西獠王盤金華竄入湖南境內當飭官兵

將盤金華孳獲並獲伊夥盤生香趙有相馮文科鄧進
印等多名解交督部堂盧坤辦理投誠獠八百餘名解
交廣西賀縣岑溪縣原籍安押余仍回錦田後粵東八
排僑匪聞趙盤逆首次第剿除均不戰而降自此排僑
平定南僑均安於閏九月二十四日卸南省提篆十月
十八日撤回本任十三年十一月內奉

上諭本年屆應軍政羅思舉勦辦湖南逆僑掃蕩平
蕪事迅速交部議給軍政卓異加一級十五年秋穀城
蝗蟲爲災忽飛忽停間傷禾稼余不辭勞苦親身督捕
未至大害十六年春遭孽復萌穀邑均州較前更甚余

捐金倡首買蝗孽蝻子急救田禾穀城收買無數並會
同楊道臺赴均州收買數百餘石默禱劉猛將軍金姑
娘娘爲民捍患蒙神有應買捕淨盡轉歉爲豐及秋勸
諭士民建修廟宇塑劉猛將軍及龍王神像金姑娘娘
牌位以昭祀典並置地二十餘畝作廟內香火之資十
七年又勸諭紳民培修魁星樓移向啟聖宮對面從此
文風丕振人文蔚起余實有厚望焉竊余自幼運途偃
蹇所作所爲不敢自諱及在軍營十有餘載大小戰攻
數百餘次難以細敘僅將緊要大仗及定計生擒逆首
並攻破處所略誌之今七旬餘矣歷任本省雲南貴州

湖南湖北四十餘年除整飭營伍督巡操防肅靖地方
外無由上報

天恩惟捐施藥餌濟急難憫窮困不敢前後改觀初終
異志冀軍民有感各秉天良共遵王化永享太平無疆
之福非敢沽名亦行素志耳道光十八年羅某自記於
楚北提署杏花書屋

教兵條約

爲通行事照得教兵之道務使咸知營伍禮義行軍紀
律尤期技藝優長所以聖賢著有勇知方之訓全在將
備員弁平日簡閱訓練悉心講求一日有一日之功不

可略有間斷至於馬匹鎗砲弓箭籐牌刀矛以及軍火軍裝一切鍋帳器械均爲巡防行軍首重要件又賴將備員弁隨時逐一加意整頓堅利齊全一物有一物之用不可稍有廢弛庶幾養精蓄銳備足患消不得不預爲之亟講也合就通行爲此牌仰該遵照卽將後開各條抄貼各屬營汛衙署教場公廨凡遇操期先行驗明隨時督率營汛員弁實力整飭營伍認真訓練士卒務使共明大義咸成勁旅以重操防仍將遵檄辦理緣由稟覆備查毋違須牌

一營伍官兵約束要明申令要熟將備身也卒口臂也

伍指也務須隨時諄諄開導講勸官視兵如父子兵視兵如手足如父之訓其子如兄之訓其弟如師之訓其徒使之忠義發動利害分明而後身使臂臂使指如一人焉訓兵爲首務

一營伍官兵相聚一處便是前世緣分最要敦厚和睦營主就是父母一般兵與兵長者爲兄幼者爲弟要如親生一般無事之時各行各坐各衣各食不思敦厚和睦之可貴上陣之時欲保全性命欲殺賊立功那得人來一臂相助所以平日務要敦睦有無相通患難相救衣食相照顧疾病相扶持小便宜莫討小口舌莫爭手

段高過我的敬他學他莫如忌他手段不如我的愛他
教他莫笑他口口相約心心相念如膠如漆一團和氣
上陣之時自然你顧我我顧你守則同固戰則同強牢
牢謹記

一營伍官兵信義敢戰是立身根本信則不欺不指東
說西不將無作有不一見利害便改頭換面義則守自
己道理盡自己職業視君上如父母視同輩如兄弟視
國事如己事一切負心忘恩的事斷不可爲一切犯名
分壞綱常的事斷不可做人人敬服上官愛重遇有事
時心腹相託緩急相倚敢戰則爲國宣勞進未必死揮

戈策馬賊必胆落執囚獻馘功成名立便是忠臣義士
畏縮則不思報效退必不生典刑及之欲全身命反失
身命便是亂臣賊子尤當謹記

一營伍官兵一入營伍卽食糧餉行有行糧坐有坐餉
親喪嫁娶卽給紅白銀兩軍前奮勇卽予厚賞加官榮
及三代疆場覆沒卹賞而外從優贈廕罔替老親幼子
坐食月米餉安享荼養比天地父母之恩更大髮膚盡
捐尙不能圖報萬一是口食糧餉當思力圖報効遇有
警報就是切身痛癢卽赴湯蹈火怎肯退轉從來忠臣
義士烈烈千古誰人不景慕亦誰人做不來留心記着

一營伍官兵平時操習一切技藝與賊對壘交鋒一般
勿得視為虛應故事鎗箭各靶就如賊人在前一様高
寬遠近悉遵

部頒式樣射箭須學大架射搭箭要快眼專視箭前手
立定後手加力前手把弓如月出箭穩疾不先不後時
然後發纔能中賊施放鎗砲須要眼看照星砲子出時
不動手不轉頭子要堂口相合非時不發發無不中簾
牌又要遮得過身低頭進前直砍馬腿人腳步步防槍
牌向槍遮刀向人砍馬爲妙賊遠則發鎗砲放箭近身
則惟簾牌擋鎗長短刀矛恃以攻刺又如長槍用短法

短刀用長法諸如此類並行不悖當一律兼習勤加操
練又必練目練耳使之視賊聽令知止練心練胆使之
心實氣足胆壯力強練手練足使之屈伸便捷提挈敏
快進止合宜往來合法然非憑空而練也所有操練鎗
箭刀砲藤牌槍矛等項就是練耳目練心胆練手足的
工夫總要認定是保性命立功名取富貴切身之事時
时刻刻如敵在前眠思夢想定要一日高似一日當勉
力行之

一營伍官兵今日士卒異日將領前程遠大惟當自愛
彝倫日用之間總以操防爲根本古人云習慣自然成

又云三日不彈手生荆棘在營則恪守營規勿出入茶房酒店嗜酒生非甘作營中之頑人臨敵則凜遵軍紀勿擅入寨落民房樓掠什物忍爲軍前之賊一經發覺在營則按營法處治臨敵則以軍令行事遺臭萬年隨時猛省勉爲良善從來忠臣出於孝子之門昔者兵寓於農尙力耕鑿今也民以養兵不事南畝當思一絲一粒來歷不易仰事俯畜都是

皇上的糧餉百姓之脂膏切勿奢華浪費節儉自持竭力孝養庶乎在家爲孝子悌弟在國卽爲忠臣義士深
有厚望焉

一朝廷設兵以衛民百姓上糧以養兵兵民一般操防
出師兵負弩執戈奮力戰民亦運糧當差效命軍前痛
癢相關無論營汛塘隘官兵均要彼此相愛各體衛民
之道各存保民之心視漢夷百姓如兄如弟勿因毫末
輒起爭端稍滋擾累視漢夷婦女若姊若妹勿以細故
卸昧天良貽誤事機務使漢夷相安兵民和睦四境安
堵萬井煙青上報

皇上奉養深恩下副管員教撫苦心凜慎勿忽

一各省兵皆可用全賴將帥身先士卒與兵伍同德同
心共苦共甘兵隨將轉將好兵好遇事自然得力是在

將不在兵也故將帥總須清而不刻毋貪錙銖勿受珍
物自貽挾制見小利則大事不成不可不戒遇事量其
輕重用人觀其平日過寬則未免廢弛過嚴則失於太
刻務在輕重得宜用人得當千軍易得一將難求或有
勇而無謀或有謀而無勇不可不極力講究

一考拔官兵缺次先按勞績次及弓馬仍以中靶多者
定其超擢射中相等又當拈鬪以昭公允

一訓練兵丁量材器使固不可姑息亦不可因其寸朽
而廢有用之材政教兩端善政不能善教平日循循善
誘如父教其子兄教其弟勸懲兼施自能化頑爲良咸

成勁旅

一人才隨地皆有軍中實在奮不顧身者不在勢位大小主帥必須挑出遇事可望得力總在密行勿得張皇若果奮勇卽予格外重賞從優超擢以示獎勵

一得勝鎗月牙弓梅針箭鏃拐子等物俱係輕便之器

夜戰偷營最爲得用拐子能搗長矛大刀等械有不可上漆者

切不可上日久損裂不能合用凡有漆者非木不可各營切宜講究

一營中操演鎗炮之法平日務會兵丁演習連環陣勢切勿令其排放遇有事故可期鎗炮輪流施放不停俾

賊有驚懼

一收檢旗幟須用兩層漆皮篋套裝遇打杖時穿用戰畢仍檢入皮篋內以免風雨浸濕損壞至於先鋒隊隨用各色旂幟

一校武藝不是答應官府公事是你來當兵的妨身殺賊立功身上貼骨的勾當你武藝高殺了賊賊如何會殺你你若武藝不如他他就殺了你你若不學武藝是不要性命也思之思之

一操練夫陳陣鞠旅列眾于場謂之操練爾等知之矣殊不知教場操練不過明金鼓號令習射打擊刺手藝之能若平時在家肯心心在當兵起念一心以殺賊爲

計蓄養銳氣修治軍械講明法令通之以情結之以心何常不是操練也

一守城垣之法周圍深挖濠溝暗插竹籤竹尖向上勿露水面外距三四丈許復壓鹿角木柵夜間柵上繫鈴日間收繩取鈴離柵半里許橫順各設號火一堆城上多用打石堆滿如賊人扒城自受石擊間設大鍋熬開水及石灰罐通城周圍勿許燃燈使賊不見兵兵可見賊以資戰守每五墩爲一起站城者勿令近密勿使聲張通宵輪流傳籌週而復始每起內設一長使其約束再選勤敏可靠者四五人作爲總長每夜輪流巡查戶

懸門牌先清內患城內大小戶口每十家一保無人保者卽係奸細立時逐出免致內應軍民出城臉上印一圖書方准出城進城驗明倘自搽去又須保認兩確始准入城圖書一天一換以辨真僞

行軍紀律

一兵丁隨征勦賊俱應奮勇直前見賊退走按律斬首殺賊立功必蒙重賞該管將領將此諄切告誡務使兵丁勇氣百倍立功殺賊

一臨陣對敵倘遇將領受傷隨從兵丁更當奮勇直前竭力救護若兵不顧將觀望退縮並不卽時救護竟自

潰散脫逃者立即查明按名處斬其能奮勇保護者立即議功優賞該將備等尤當愛惜士卒賞罰公平兵將同心合力自然所向無敵

一兵丁對敵乘勝追趕刻不容遲若貪搶賊人遺棄財物以致賊眾逃遁查明按律治罪

一鳥鎗弓箭最爲行軍利器若兵丁臨陣時尙未見賊遠將鎗箭施放及至交戰火藥箭枝俱已用完無以禦敵卽同束手待斃關係非輕務于臨陣遇賊時鎗箭可及不先不後一齊施放庶隨聲應手皆獲實用

一兵丁遇有調撥自當恪守軍令卽時進行如敢騷擾

地方欺壓良民蹂躪田禾搶劫財物等事應卽按律從重治罪

一兵丁奮勇殺賊應予獎賞但恐兵丁等希圖冒功任意蒙混不可不預爲防範凡軍法將他人戰功冒爲己功及說稱實在効力將無作有以輕報重者斬該管將備等應隨時曉諭親自稽查俾立功者得賞冒功者治罪以期核實

一行軍攜帶軍裝火藥俱應在帳房收貯勿令潮濕卽或途中遇雨亦須嚴密遮護或卽時烘烤庶遇賊緩急可用凡帶兵將備等須嚴加曉諭免致臨時貽誤至弓

箭鎗刀等項尤須修整堅利不得廢弛

一營卡最關緊要凡領兵將備等務須嚴飭坐卡兵輪班防守留心偵探毋得怠惰偷安卽探察有事只須選派明幹一二人密行飛稟餘仍嚴整坐守不許輕動無事時不許高聲喊叫致亂營規違者俱照軍法處治

一扎營後巡邏防守毋得疎懈夜間不可無故行走帳房內小心火燭遇有警報靜聽將令不可輕舉妄動若奉有密令須各自遵守毋得私相洩漏該領兵將備帶尤宜申令號令隨時曉諭不得疎懈

二走隊先令隊目各管兵二十名執小旗一面各記花

名隨隊稽查以免攙前落後擾害百姓倘有不遵立斬
示眾

一探賊營險路量其高矮或駕雲梯或竹桿用布裹着
棕麻繩捆束竹桿爲梯派兵三五十七八十一百爲准
不必過多各帶短刀短桿令熟習者引路各執鎗頭鎗
尾接連前進隨與暗號于黑夜偷入賊營先喊殺一聲
隨用火彈拋焚乘隙暗殺賊必大驚自亂自殺若賊殺
出卽移兵喊殺一聲各營將領臨時四路應接賊雖千
萬可以立破暗號以長青二字爲一號得勝二字爲二
號權憑二字爲三號輪流更換密號免賊識破悞事

一探賊先行查探地勢何處可以進兵何處可以埋伏
使賊生進死出三面安設營盤留生路一條使賊必望
生路而逃即可撲殺此謂生進死出也

一兵臨陣對敵膽大愈要膽大夜間守營小心更加小
心凡遇議論軍機大事有擅入探聽者立即斬首示眾
一各營遇有調兵征戰宜不分雨夜前進如救火然乘
其始然水淋必止倘遷延日久釀成大事必致損兵折
將妄費國帑如能尅日立滅必蒙

聖恩優獎

一出師走隊預防途中遇賊冲突官兵各將弓箭鎗砲

刀矛先爲整頓完固順利挨隊次第魚貫而行探賊臨
近方出鞘然火繩卽擺梅花陣向賊施放違者治以軍
法

一打杖得勝扎營後如探賊人臨近令鎗隊兵各帶七
星筒燃火繩藏以備用更宜防範靜密不可喊叫喧嘩
並派防哨兵丁隨帶號鎗如遇賊近卽放號鎗以作准
備

一軍止紮立營盤隊伍仍不可盡散竝擇犄角地勢以
便各營彼此接應俾無疎虞

一打仗遇有將領受傷或有兵不願將觀望不前自應

將該兵照軍法處治而帶兵之干把失於教誡亦應以軍令從事

一打仗只准當場殺其從逆首逆務要生擒勿令損傷生擒首逆者無論官兵一同逾格超擢以示鼓勵

一大將用兵先要自己不惜身命萬事出乎一心兵行詭計不分雨夜處處皆令賊人喪膽

一陣前打仗遇有幼穉老邁者以及婦女不准傷損至被脅良民如有擅傷者以命抵償

一營盤必須擇其犄角地勢勿于崎路隘口古廟等處扎駐大小營盤均要擇高阜扼要彼此相連得以守望

相助

一打仗得勝落營之際隊伍不可驟散尤須照常整頓齊全更加留心以備不虞違者以軍法治罪

一駐紮日久臭氣過多兵必多災應須遷移里許以免致病若遇酷熱兩三日卽望遷移勿許兵丁日間睡臥受濕成災無事每日挑派一半行走二三十里以練腳勁按日輪練庶可無災此卽養兵去災之法便房務遠設最妙者駕厠溪流以除穢氣

一征勦叛逆須先加痛勦使其畏威然後撫之因該逆等知威不知德先加痛勦他省聞風自然懾服

一走隊除挑派隊目留心稽查外再命各該管外委在前領隊千把值隊將備督隊將帥親身隨後督催兵丁有擅行退後者許該管千把立斬示眾千把不實力嚴辦及將備退縮均照治兵者行之言出法行斷不姑寬一大小官兵等倘敢臨陣退縮查出立斬至於走隊或駐營盤總須鎮靜無論官兵不准高聲喊叫縱有將令亦只接號密言靜聽遵行違者以軍法處治

一打仗必須以實情報明殺賊若干總要驗明首級方可記功擒獲若干尤須查明數目不可信口冒功以少報多若遇此等又居心險詐卽以軍法處治

一用人致謗讒言卻不可聽或有因其仇恨捏說是非
一心嫉妬忌人之長爲大帥者務必認查的確來說是
非者便是是非人若實在查其不好方可置之不用不
可信一面之詞輕聽屈人軍中有此亂言者卽是擾亂
軍心必須信之平日端方正直方爲可聽尤當再三詳
查有據庶不屈人而呼應可以服軍心

一出征用少之法如賊數倍于兵彼此對壘相持賊人
必欺我寡乘夜劫營必有之事不可不防其防備之法
我兵暗地全數密移出營距十數里許遠近埋伏惟留
定營一座內中全息燈亮但營盤外二里許仍燒望火

數處賊必疑我全在營盤之內夜半一定前來偷劫我兵乃乘勢四面接殺賊必大敗此用少退閃之法

一未曾進兵先看退路如遇賊多兵少抵敵不住即用連環砲退出若不先看退路猛力前進倘遇山峽必被圍困深入重地悔之晚矣

一練兵出戰總以夜戰爲妙何也因黑夜之中賊疑我兵眾多愈爲畏懼故戰無不勝亦或乘天色未明即用黃昏戰法愈戰愈整賊必潰亂或乘天霧濛濛大雨不止使賊不防我兵一鼓作氣一能勝百無戰不勝但此戰法總須謹慎其事必不敗矣

一紮駐營盤每于夜間燒設望火務令兵丁將柴擺爲一字總要五丈長從一頭點燃可燒一夜切不可堆積叢燒

一行軍傳令須告訴明白使兵丁通曉以便轉傳如兵丁聽說不清許兵向將備干把問明該將備等無妨再說一遍倘兵丁耳聾倒聽並不問明亂傳將令實在有悞軍機大事立斬示眾

一凡遇征調帶兵將備干把等官奉文之日當由捷路前往以期速爲撲滅每兵各帶什物器械並帶銅罐一箇壹貳日米糧所需鍋帳隨後趕運倘拘于大道行走

遲延使賊愈眾愈熾甚非兵貴神速之道該將備千把等於平日亟爲講究

一渡水阻凡渡水處先遣哨馬百十疋各執小旗于山高處不動先以一營劄住河岸據水然後依次渡之軍火器械務要安置如法如塘然忽然值警卽不必渡各于兩岸候戰

一辦分兵數到臨發時務會定記號晝辨旗幟夜辨音一安野營軍行至午炊過再行時主將令各官同嚮導馳商熟視擇其地勢或于平野或據險塞或進退便利之處牲畜水草方便方可立營

一備火警與敵對壘之時軍中失火除救火人外餘皆嚴備各汎地以防飛火若輒叫呼奔走者軍法從事

一夜中有賊犯大營其後設伏兵等各瞭賊與大營交戰卽從後鳴鼓大叫一聲以擊賊後乘得機便必當克捷而所屯處預先于樹林山石之底縛大火把或主將遣人設機械臨時燒起庶使大營可辨兵賊一奪賊氣以見伏兵之眾也

一軍營探賊下落總在周圍二十里雖遠隔兩三日隊伍須嚴肅走隊亦要安靜烏鎗下藥受子火繩點燃以防不虞

一駐劄營盤遇有樹木地方先令砍伐扎牆如無挖土
砌築外挖濠溝站牆兵丁夜靜不許喧嘩暗密傳箭各
守牆處貯打石一堆並設烏鎗一桿火繩點燃置入七
星筒勿令賊人知覺藥鉛裝好輪流更替執定倘遇賊
近切莫喊吶靜聽號鎗齊下帳房滅火靜候將帥密號
見有形迹可疑者向其施放鎗箭放一鎗斃一賊放一
箭斃一賊不許亂放日間隊伍務令整肅夜間更宜嚴
防各營揀派官五員輪流通宵巡查周而復始將帥委
員暗查奉行不實定惟領兵將備是問

禁約各條

一謠言詭語造捏鬼神假托夢寐大肆邪說蠱惑將士此爲妖軍犯者斬

一司掌錢糧賞給之時阿私所親使士卒結怨此爲弊軍犯者斬

一或問秘謀及口號將令洩漏于外使敵人知悉此爲背軍犯者斬

一多出怨言毀謗主將不聽約束硬教難治此爲橫軍犯者斬

一揣聲笑語藐視禁約咒詈軍門此爲輕軍犯者斬

一奸舌利齒妄爲是非調撥士卒互相爭鬥致亂行伍

此爲刁軍犯者斬

一所到之處陵虐百姓逼淫婦女此爲姦軍犯者斬

一竊人財物以爲己利奪人首級以爲己功此爲盜軍

犯者斬

一軍中聚眾謀議進帳私探信音此爲探軍犯者斬

一調用之際結舌不應低眉俛首面有難色此爲怯軍

犯者斬

一觀兵不審察賊不詳到不言到以多報少以少報多

此爲悞軍犯者斬

一夜傳刁斗怠而不報更籌遲度聲號不明此爲懈軍

犯者斬

一呼名不應點視不到遲期不至動乖紀律此爲欺軍
犯者斬

一出赴隊伍攙前落後言語喧嘩不遵禁約此爲亂軍
犯者斬

一託疾詐病以避征進借故假死因而逃脫此爲奸軍
犯者斬

一所用兵器尅削錢糧使之矢竭弦絕箭無羽鏃鎗炮
不整劍戟不利旗幟凋敝此爲貪軍犯者斬

以上紀律條約該管將備千把奉到時各錄一本隨帶

身旁倘遇征調可期習熟免致主將操勞主將亦須抄錄一本隨身又抄數本於平日操練兵技時先令書識朗誦一遍俾各兵個個奮志人人爭先通曉大義

--	--	--	--	--	--	--	--	--	--	--